

中國風俗史目次

序例

第一編 渾樸時代

第一章 黃帝以前

第一節 太古人民之飲食衣服居處

第二節 畜牧

第三節 農耕

第四節 貿易

第五節 金屬器物之使用

第六節 婚姻

第七節 喪葬祭祀

第八節 歌舞

第二章 黃帝至夏商

第一節 飲食衣服

第二節 宮室

第三節 文字

第四節 漆器陶器之使用

第五節 人民之程度

第六節 婚姻

第七節 喪葬

第八節 祭祀

第九節 養老

第十節 諺語

第三章 周初至周之中葉

第一節	概論
第二節	飲食
第三節	衣服
第四節	階級制度
第五節	家族主義
第六節	名姓氏族之辨
第七節	冠婚
第八節	鄉飲酒養老
第九節	喪葬
第十節	祭祀
第十一節	蠱毒
第十二節	言語

第二編 駁雜時代

第一章 春秋戰國

第一節 概論

第二節 階級制度之破壞

第三節 義俠

第四節 遊說

第五節 周末之學風

第六節 周末人民之程度

第七節 婚姻廢禮及春秋時變禮之始

第八節 淫祀漸興

第九節 諺語見道

第十節 隱語之起原

第二章 兩漢

第一節 概論

第二節 飲食

第三節 衣服

第四節 仕宦之一班

第五節 任俠刺客

第六節 家法

第七節 分居

第八節 居鄉

第九節 鄉評

第十節 婚娶

第十一節 喪葬

第十二節 淫祀

第十三節 佛道

第十四節 奴婢

第十五節 詩歌

第十六節 言語

第十七節 漢末風俗之復古

第三編 浮靡時代（濁亂時代）

第一章 魏晉南北朝隋

第一節 清議

第二節 流品

第三節 門第

第四節 氏族及名字

第五節 仕宦

第六節 名節

第七節 清談

第八節 佛老

第九節 鮮卑語

第十節 美術

第十一節 婚娶

第十二節 喪葬

第十三節 言語

第二章 唐

第一節 概論

第二節 飲食

第三節 衣服

第四節 科舉之觀念及仕宦之現影

第五節 忠義之缺乏

第六節 人民之規避稅役

第七節 朋黨

第八節 清議

第九節 氏族

第十節 家法

第十一節 婚娶

第十二節 賭博

第十三節 鬪雞走馬養鷹

第十四節 遊宴

第十五節 任俠刺客

第十六節 械鬪

第十七節 巫覡

第十八節 言語

第三章 五代

第一節 概論

第二節 氏族及名字

第三節 言語

第四編 由浮靡而趨敦樸時代

第一章 宋

第一節 概論

第二節 飲食

第三節 衣服

第四節 忠義

第五節 廉恥

第六節 學風

第七節 婚娶

第八節 喪葬

第九節 巫覡

第十節 言語

第二章 遼金元

第一節 概論

第二節 崇重忠義

第三節 好尚儒雅

第四節 人民之性質

第五節 方言

第三章 明

第一節 概論

第二節 仕宦驕橫

第三節 才士傲誕

第四節 勢豪虐民

第五節 官民交通

第六節 奸豪胥役與詞訟

第七節 結社

第八節 風節

第九節 朋黨

第十節 忠義

第十一節 衣服

第十二節 喪葬

第十三節 淫祀與巫覡

第十四節 奴婢

第十五節 賭博

第十六節 拳搏

中國風俗史

第一編 渾樸時代

第一章 黃帝以前

第一節 太古人民之飲食衣服居處

禮禮運。（昔者先王未有宮室。冬則居營窟。夏則居橧巢。未有火化。食草木之實。鳥獸之肉。飲其血。茹其毛。未有麻絲。衣其羽皮。後聖有作。然後修火之利。）蓋巢穴爲初民之居處。而其飲食。則由果食時代。進而爲鮮食時代。再進而爲艱食。則神農氏時也。火化始於燧人。民間漸脫茹毛飲血之俗矣。太古之民。被髮卉服。蔽前而不蔽後。其後辰放氏時。始知拏木茹皮以禦風霜。紉髮冒首以去靈雨。號曰衣皮之民。至神農時。紡織麻枲。則衣服之俗已變而爲布服。不過至黃帝時。而衣裳冠冕始備耳。謹按、飲食爲人類生存競爭之要素。故無之則爭且亂。有之則足以平爭而止亂。禮禮運、謂爲人之大欲。而近儒仁和龔氏。名自珍。號定齋。以能飲食民爲帝者之始。諒哉。

言也。彼庖犧、神農、后稷，皆被其飲食者所上之徽號。而堯之遊康衢，至聞耕食鑿飲之歌。又史稱赫胥氏之民，鼓腹而遊，含哺而喜，無懷氏之民，甘食而樂居。懷土而重生，亦可見民間生活問題之關係不小矣。且太古國家，無君之名稱，祇有酋長。酋本釋酒。說文引伸之則以酒官爲大酋。禮月令，乃大酋，乃酒尊之尊上從酋。爾雅釋文引說文，訓酒官法度。而引伸之則爲高爲貴。禮疏，齊之稷下猶稱長者爲祭酒。後人稱天子爲至尊，是也。酒爲飲食後起之事，有酒則飲食之饒足可知。故酋長亦卽所以紀念其能飲食民之意耳。近世民族帝國主義發生，各國政策全注射於殖民之點。殖民云者，質言之卽爲民謀食也。至於講求飲食衛生，猶其後焉者耳。然則飲食不但足以覘風俗之奢儉，亦可以考世運之隆替矣。

第二節 畜牧

太古之民，多取天然物以爲食。禽獸亦天然物之一種也。狩獵時代，於焉仰足。然狩獵不可必得，得之亦不勝勞苦。且今日得之，今日食之，明日苟不從事狩獵，則不得

食也。於是積多少之經驗。始知牛羊犬馬雞豕等類。易爲我所生得者之易於馴服。家畜之始。必先將所生得者。圍之於家。食之有餘。則供玩具。以此漸得考察其性。其英人甄克思。爾蒙擾之事。始於獵禽。以爲玩好。至獵不可忍。則殺而饗之。由是知畜牲可以馴。獵可以逐。遂定爲家畜之種。常畜之於家。遇狩獵不足之時。取而用之。然後禽獸始爲我所常有。種類孳息。不待狩獵而饒足。是爲遊牧時代。此時代殆始於庖犧氏時。繹庖犧之名義。而知庖犧固教民畜牧者也。

第三節 農耕

遊牧之世。民隨水草遷徙。土著絕少。至神農氏時。民始知播殖五穀。則行國變爲居國。且畜牧必擇善地。而農耕隨地皆宜。肉食有時生病。穀食不惟不生病。并能養人而卻病。非多經考驗不克知此。畜牧成效易觀。農耕之收穫。必歷三時。非民智大開。不能確信而耐久。中國以農立國。而風氣早開。於是時。由是安土重遷。井里釀成仁讓之俗。五穀之食。利賴至今。非偶然也。

第四節 貿易

狩獵時代。全社會衣食相同。無所謂有無。即無所謂交易。至由狩獵而畜牧。由畜牧而耕稼。耕稼時代。不能遽廢狩獵畜牧之事。狩獵畜牧者不必耕稼。則於粒食常不足。耕稼者不必狩獵畜牧。則於肉食常不足。既不足矣。於是有無不得不交通。而貿易之事以起。易繫辭言。神農日中爲市。致天下之民。集天下之貨。交易而退。各得其所。是也。然當時貨幣未興。除以物交易外。大概山居之民。交易以皮。水居之民。交易以貝。故皮貝即爲當時之貨幣。觀漢時尙以皮爲幣。而財賄寶貴等字皆從貝。可以知矣。

第五節 金屬器物之使用

近世地質學家。考太古人民進化之度。謂必經過石器時代。而後入金屬時代。金屬時代之初。又必先經鐵器時代。而後入銅器時代。蓋草昧初開。爲防敵禦獸而武器重。爲渴飲饑食。而飲食之器起。飲食之器。由窪尊、杯、飲、土盞、土甬、易之以陶甒。而解剖犧牲。不能不借助於庖刀。刀固須金屬也。耕作之器。有耒耜。有鋤耨。有

斧斤。鋤耨斧斤。亦須金屬也。武器以防敵禦獸。兼爲狩獵之利技。民智未開。祇知用石。至燧人氏鑄金作刃。其時必發五金之礦。故由用石時代。突入用金時代。至庖犧時。遂有干戈。神農時。遂有斤斧。而蚩尤之鎧刀劍矛戟大弩。此其濫觴矣。

第六節 婚姻

上古雜昏時代。以女子爲一國男子所公有。

社會通詮注云：蠻夷男子。於所婚國。則兄弟姊妹也。與其母同國。則諸父諸母也。母重於父。視母而得其相承。

故凡遽氏之民。知有母而不知有父。

亢倉子風俗通說皆同。

因之血統相續。咸以女而不以

男。而姓字從女從生。卽古代帝王。大抵從母得姓。如神農、黃帝。皆爲少典之後裔。而

神農姓姜。黃帝姓姬。則以母姓不同之故耳。其於婦女也。視之如奴婢。亡國之民。降

爲臣妾。後世猶然。此時婦女。多因戰勝他族。俘虜而來。故以奴婢待之。此外又有標

掠婦女之俗。其標掠必以昏夜。所以乘婦家之不備。

婚之從昏。謂以昏標掠。

今以士昏

禮觀之。猶有標掠之遺義。

社會通詮曰：歐俗嫁娶。爲夫償相者。稱其士。此古助人也。若士婦者也。爲新婦保介者。曰扶嬭。此古助人也。若士

昏禮之婿行親迎必以從車載從者。婦入夫門。有姆。有然。標掠與俘虜。固卽當時婚禮。成從婦行。非卽古時助人事嫁。助人并賊之遺俗乎。然標掠與俘虜。固卽當時婚禮也。至庖犧制爲儷皮之禮。則易標掠而爲買賣矣。古者以皮爲貨幣。儷皮爲禮。乃所以酬此女之值。周時婚禮。除納徵用元纁、束帛、儷皮外。納采、問名、納吉、皆奠雁。則以畜價值。又以皮價值之一變俗也。旣以買賣婦女爲婚姻。則無同姓異姓之辨。更不待言矣。案俚俗每於春時合隣峒男女。束裝來遊。攜手并肩。互歌相答。名曰作劇。有乘時爲婚合者。父母率從無禁。又每村男女衆多。必設一樓。登必用梯。名曰闌房。遇晚。村中幼男女。盡駐其上。聽其自相諧偶。非卽太古風俗之現影歟。

第七節 喪葬祭祀

孟子謂（上世嘗有不葬其親者。其親死則舉而委之於壑。）易繫辭。（古之葬者。厚衣之以薪。葬之中野。）唐杜氏通典。謂此卽太古之凶禮。蓋棺槨未備之時。固應如此。太古民智未開。其神權之迷信甚深。八蜡始於神農。其祭也。至於迎貓虎。雖重農主義。亦因民也。又秦壹氏嘗正神明之位。神民氏使神民異業。蓋多神教。凡物教

之盛行於是時。可意想而知矣。

第八節 歌舞

（凡音之起。由人心生也。人心之動。物使之然也。感於物而動。故形於聲。聲相應故生變。變成方謂之音。（樂記）音者歌之所從出也。歌者所以補言之不足也。太古之民。言語漸次發達。遂不知不覺。而衍爲聲歌。以發抒其心意。東戶氏時。民間之歌。已能樂而不淫。至祝融氏。聽弇州之鳴鳥而作樂歌。亦不過以此定爲民間之標準耳。且三人操牛尾。投足以歌八闋。葛天氏之樂也。投足則已具有舞之神情矣。陰康氏作樂舞。以救民氣鬱悶。筋骨瑟縮之患。則又注意體育。開後世舞勺舞象之風焉。文子（精誠）

（篇）曰。聽其言則知其風。觀其樂則知其俗。當時之歌詞。傳自民間者。如伏羲網罟

之歌。神農豐年之詠。

（太平御覽五百七十一。引夏侯元辭樂論曰。伏羲氏因民食穀時。教民田漁。天下歸之。時則有網罟之歌。神農繼之。教民食穀。時

則有豐年之詠。唐文粹元結補樂歌十編。網罟伏羲氏之樂歌也。其義蓋稱伏羲能易人取禽獸之勞。歌辭曰。吾人苦兮水深深。網罟設兮水不深。吾人苦兮山幽幽。網罟設兮山不幽。豐年神農氏之樂歌也。其義蓋稱神農教人播殖之功。辭曰。猗大皆帝兮其智如神。分華實兮濟我生人。猗大帝兮其義蓋稱神農教人播殖之功。辭曰。猗大皆

表揚其君主。最有益於民生之事業。蓋自古至今。凡君主最有益於民生之事業。民間常不能忘。而傳爲歌咏。而網罟豐年。皆關於飲食問題。以此可察知當時民情之趨向矣。

附太古帝王表

循蜚紀

鉅靈氏 句疆氏 譙明氏 涿光氏 鉤陳氏 黃神氏 佺神氏 犁靈氏

大駝氏 鬼醜氏 弇茲氏 泰逢氏 冉相氏 蓋盈氏 大敦氏 靈陽氏

巫常氏 泰壹氏 空桑氏 神民氏 猗帝氏 次民氏

因提紀

辰放氏 蜀山氏 脰傀氏 混沌氏 東戶氏 皇覃氏 敢統氏 吉夷氏

几蘧氏 希韋氏 大巢氏 燧人氏

禪通紀

軒轅氏帝非黃 祝融氏 庖犧氏 女媧氏 柏皇氏 中央氏 大庭氏 栗陸氏

驪連氏 混敦氏 赫胥氏 尊盧氏 皞英氏 有巢氏 朱襄氏 葛天氏

陰康氏 無懷氏

相傳自開闢至獲麟。二百七十六萬歲。分爲九頭、五龍、攝提、合雒、連通、敘命、循蜚、因提、禪通、疏仡、十紀。疏仡紀自黃帝始。

第二章 黃帝至夏商

第一節 飲食衣服

飲食不外肉食穀食兩種。尙書益稷疏：黃帝始炊穀爲飯。而橘柚酒醴已登食品。見禹

貢酒爲夏禹時饌。飲所發明。嗜酒之俗自上倡之。禹雖惡旨酒。而有酣酒之戒。五子歌：而自太康義

和及桀。皆淫湎於酒。桀竟以此亡國。殷紂嗜酒。沫土化之。成王封康叔於衛。至命周

公作酒誥以警戒之。蓋酒害之中於風俗。非一日矣。其時烹調之法。常用鹽梅爲之

助。尙書說命下：若作和羹。爾惟鹽梅。故割烹要湯。雖係誣聖之言。然亦可見當時之研究烹飪也。育

蠶之事始黃帝。而衣裳冠冕亦起於是時。易繫辭、黃帝堯舜垂衣裳而天下治。是也。文明日啟。則華麗日增。故卽堯時之山龍藻火。知民間之繪繡已工。卽禹時之織文、織貝、織綺、絺紵、元纁、璣組、織纊等貢物。知民間之紡織已精。其時又有皮服。禹貢：鳥夷皮服。卉服。禹貢：卉服。是草服。葛爲之。毛罽。禹貢：熊羆皮爲毛罽。以供常用。有羽毛、齒革、珠琳、琅玕、以爲服飾。蓋漸洗洪荒之陋矣。

第二節 宮室

宮室之制。起於黃帝。管子、黃帝有合宮。白虎通、黃帝作宮室避寒濕。是也。黃帝又創樓閣明堂之制。漢武帝時方士言。黃帝爲五城十二樓。帝王世紀。黃帝之時。鳳凰巢於阿閣。史記封禪書。濟南人公玉帶。上黃帝時明堂圖可證。至夏殷時。則宮室更以壯麗爲尙。觀桀殫民財。造瓊宮瑤臺。紂實財鹿臺。爲瓊室玉門。作沙邱苑臺。爲遊宴之所。足見一班矣。蓋君主之建設。民間常受其影響。以漸爲風氣。故卽其時君主宮室之美。可知民間宮室之不甚相遠也。

第三節 文字

易繫辭（上古結繩而治。後世聖人易之以書契。百官以治。萬民以察。）案結繩之

治。蓋在燧人氏時。書契之作。實始伏羲。伏羲畫卦即字。如乾（三）為天字。坤（三）為地字。漢書坤作倝。坎（三）為水字。今水尚作𣶒。與巴

比諸模形文字之變。三三三（變四）變八八八（變三）等字。以陽爻示奇數之一。陰爻示偶數之二。者正同。近人攷易為古代字典。謂易之文皆所以解釋古字。至黃帝

之史倉頡。始作六書。民間用以記事。卽謳歌亦藉以流傳。名物稱謂。并得表著。以供後人之考究。不但一洗結繩之陋已也。文字為智識之搬運具。而此時之民已利用之。殊堪駭絕。

第四節 漆器陶器之使用

尙書禹貢、厥貢漆絲。子華子、堯不以土階為陋。而有虞氏惕戒於塗髹。髹、漆器也。蓋有虞氏作漆。布漆於器。而後世始有漆工焉。陶窯字古止作𣪠。象形。內從缶、指事也。說文曰。古者昆吾作𣪠。其說出於世本。亦見呂覽。按昆吾國名。卽春秋衛地。所謂昆吾之墟也。衛地濱河。虞舜陶於河濱。或卽在是歟。據高誘呂覽注。韋昭國語

注。昆吾爲己姓始封之君。吳回祿之孫。陸終之子。時代實在舜前。作陶者當卽其人。而或以昆吾後裔爲湯所滅者當之誤矣。考工記曰。有虞氏上陶。蓋自器不苦窳以來。瓦甒泰尊。名詳禮器。噉型飯埴。用達宮廷。厥後世傳其業。闕父入周。猶爲陶正。有自來矣。

第五節 人民之程度

(甲)民之好惡。左傳文十八年。季文子論莒僕篇。(昔高陽氏有才子八人。齊、聖、廣、淵、明、允、篤、誠。天下之民謂之八愷。高辛氏有才子八人。忠、肅、共、懿、宣、慈、惠、和。天下之民謂之八元。帝鴻氏有不才子。掩義、隱賊、好行凶德、醜類惡物、頑嚚不友。是與比周。天下之民謂之渾敦。少皞氏有不才子。毀信、廢忠、崇飾惡言、靖譖庸回、服讒蒐慝、以誣盛德。天下之民謂之窮奇。顓頊氏有不才子。不可教訓、不知話言、教之則頑、舍之則鬻、傲很明德以亂天常。天下之民謂之檇杌。緡雲氏有不才子。貪於飲食、冒於貨賄、侵欲崇侈、不可盈厭、聚斂積實、不知紀極、不分孤寡、不恤窮匱。天下之民謂之

饕餮。元愷、四凶，皆出自民間之輿論，舜能舉之去之，遂爲天下所戴。民情大可見矣。近世羣學家言：欲善其羣，必先去一羣之蠹。四凶，民之蠹也。而民惡之，必除之以爲快。已有自善其羣之觀念。且既以貪食、黷貨、不分財、恤窮爲惡，則深惡利己主義。而尙公德、謀公益、均財產、營共同生活之觀念生。以掩義、毀信、不可教訓、比醜類、誣盛德爲惡，則注重道德而保全善類。服從教訓之觀念生。社會之裁制，固易於得力也。

(乙)民之自愛。刑法起於後世。所以濟教化之窮也。唐虞之民，皆服教而畏威。故舜之五刑，不過用三苗所制之名號。實常以象刑養人廉恥。尙書益稷謨，方施象刑，惟明。太平御覽引慎子云：「唐虞象刑。犯墨者蒙皂巾。犯劓者赤其衣。犯臙者以墨蒙其臙處而畫之。犯宮者履絀菲。犯大辟者衣無領。」北堂書鈔引然則民知自愛。五刑正可不設也。至夏則有牢獄之制。夏孟卽有殺戮之法。左傳昭十年叔向引夏書曰：「昏墨賊殺。」早陶之刑也。今夏書無此文。蓋世益變而法益嚴，不得不用刑。特夏人制之，而託之於皋陶耳。商湯則有官刑墨刑。伊訓：臣下不以警官

吏之陷於三風十愆者。而三風中之恆舞、酣歌、殉貨色、比頑童、與禹戒之酣酒、嗜音、內作色荒、同意。當時此種風氣。必已傳染於民間。蓋上有好者下必甚焉。官刑之作。治官卽所以治民也。然夏商之民。雖不及唐虞。要其干犯法禁者鮮矣。

(丙)民之戴上及愛國。孟子言(堯崩三年之喪畢。舜避堯之子於南河之南。天下朝覲訟獄者。不之堯之子而之舜。謳歌者。不謳歌堯之子而謳歌舜。舜崩三年之喪畢。禹避舜之子於陽城。天下之民從之。若堯崩之後。不從堯之子而從舜也。禹崩三年之喪畢。益避禹之子於箕山之陰。朝覲訟獄者。不之益而之啟。曰、吾君之子也。謳歌者。不謳歌益而謳歌啟。曰、吾君之子也。)蓋堯舜禹以天下爲公。民亦仰體其意。注重於進賢。不斤斤於傳子與不傳子也。然以民情之傾向。始得定傳賢傳子之局。其勢力亦不小矣。

夏大康失德。有窮后羿。國有窮名。因民弗忍。拒于河。子之書五。夏后相避羿。羿因夏民而代夏政。少康居綸。名邑。有田一成。有衆一旅。方十里爲旅。能布其德而兆其謀。以收夏衆。

卒復禹績。

并見春秋襄公四年及哀元年傳。

蓋凡欲滅人之國家者。必因其民有鬱而必發之勢。然後

從而爲之發動。則其勢自如摧枯而拉朽。湯因夏民有時日昃喪予及爾偕亡之語。而始伐夏。湯之未伐夏也。先征葛。因葛伯仇餉而民怨之也。由是東征西夷怨。南征北狄怨。曰奚獨後予。攸徂之民。室家相慶。曰徯我后。后來其蘇。誠有如孟子所謂若大旱之望雲霓者。紂之無道。小民與爲敵仇。武王伐紂誓師。因引撫我則后虐我則仇之古言。而直指紂曰。乃爾世仇。以激動民心。遂有倒戈之事。此其明徵也。桀之因夏民代夏政。似後世莽操之所爲。而其因民弗忍。固未嘗不假仁義以煥味之也。夏民之從之也。偶然也。勉強也。愛國之心未嘗泯也。故少康以夏裔而圖恢復。遂能號召忠義。以一成旅而建中興。蓋愛國心卽國魂。宜其一呼而凜凜有生氣也。且國之亡也。必有暴君如桀紂以招民怨。然後民離之。夏后相未聞失德。而羿滅其國。民安得不有反正之意。況卽暴君可惡。而民之惡暴君。尙不知其愛祖國也。紂之凶惡。民可以倒戈。然旣爲周民。常有殺焉思逞之事。武庚因此畔周。周公東征三年而始

克之。宋儒王氏伯厚曰。商之澤深矣。周既翦商。既歷三紀。而民思商不衰。考之周書。梓材謂之迷民。召誥謂之讎民。不敢有怨疾之心焉。蓋皆商之忠臣義士也。至畢命始謂之頑民。然猶曰邦之安危惟茲殷士。兢兢不敢忽也。蓋周人對於商民之愛國、不但畏之。而且敬之也。若夫箕子感故宮禾黍。作麥秀之歌。史記箕子朝周遇殷生禾黍箕子傷之欲哭則不可欲泣爲其近婦人乃作麥秀之歌其詞曰麥秀漸漸兮禾黍油油彼狡童兮不與我好兮夷齊不食周粟。作采薇之歌。史記武王平殷亂天下崇周伯夷叔齊恥之義不食周粟采薇首陽山餓且死作歌其詞曰登彼西山兮采其薇矣以暴易暴兮不知其非矣神農虞夏

忽嗟祖兮我安適歸矣尤仁人君子所聞而心惻者。

尙書堯典、黎民於變時雍。雍者和也。謂風俗大和也。是以擊壤之歌。帝王世紀帝堯之世天下大和

百姓無事有老人擊壤而歌其辭曰日出而作日入而息壟井而飲耕田而食帝力于我何有哉康衢之謠。列子堯遊於康衢以察民情有兒童謠曰立我

蒸民莫匪爾極不忘帝力順帝則其戴上之忱。誠有如瞻雲而就日者。華封人之戴

舜而祝舜以富壽多男也。舜觀於華封人祝曰使聖人富壽多男帝曰多男多

男而授之職何羅之有富而使人分之何事之有天下有道與物皆昌天注意於生

下無道修德就閒千歲厭世去而上仙乘彼白雲還于帝鄉何辱之有

命財產。及種族之發達。又云多男授職。其目的務使人人各盡其天職。以擔任家庭社會義務。決不令子弟游惰。致以分利而阻社會之進步。又云富而分人。其目的在廣布公益公德。如今善堂工場及各種義舉之類。深有合於今日生計學家。擲母財養勞動者之主義。可爲當日社會思想之代表。以此壽君上。雖南山之頌。何以過之。至於黃帝龍衰之頌。太平御覽五百七十一。引夏侯元繹論。曰：黃帝備物始垂衣裳。時則有龍衰之頌。夏禹大化、大訓、六府、九厚之歌。尚書大傳。曰：歌頌此四章。皆歌禹之功。皆不能忘其君上之功德。乃作爲歌頌以紀念之也。

（丁）民之參預政事。周禮小司寇之職。掌外朝之政。以致萬民而詢焉。一曰詢國危。二曰詢國遷。三曰詢立君。是人民參預政事也。而其事實始於唐虞。尙書大禹謨。帝曰禹。官占。惟先蔽志。昆命于元龜。孔傳蔽。斷也。官占之法。先斷人志。後命於元龜。孔疏引洪範。謀及乃心。謀及卿士。謀及庶人。以釋先斷人志。然則舜之傳位於禹。固曾謀及庶人也。夏時謀及庶人之事。雖不可考。然禹得洪範之傳。必能施諸實際。若

盤庚之誕告有衆。咸造在王庭。尤其彰彰者。總之自唐虞以來。人民有參預政事之能力。可斷言也。

虞帝之教。其君子尊仁畏義。恥費輕實。夏民之敝。憊而愚。喬而野。朴而不文。殷民之敝。蕩而不靜。勝而無恥。孔子之言。見禮喪記。

第六節 婚姻

無同姓異姓之別。如顓頊女女修。爲伯益之曾祖母。堯二女嫁舜。皆同姓連婚。是也。娶妻甚早。故三十不娶便謂之鰥。如尙書堯典。稱有鰥在下曰虞舜。舜時年方三十。娶妻甚早。故三十不娶便謂之鰥。如尙書堯典。稱有鰥在下曰虞舜。舜時年方三十。是也。一夫娶數婦。姊妹嫁於一夫。無嫡庶之分。如舜妻堯二女。夏少康娶虞思二姚。是也。有贈嫁之奩。如堯以女娶舜。并備牛羊倉廩。是也。至於館甥貳室。乃作壻之韻事。嫁女而天下隨之。堯之相攸尤特別焉。

第七節 喪葬

父母之喪三年。舜崩。百姓如喪考妣三年。孟是也。有棺槨。禮。檀弓言有虞氏瓦棺。夏

后氏塋周。殷人棺槨。是也。有墳墓。黃帝內傳。帝斬蚩尤。因置墳墓。漢書地理志。濟陰成陽有堯冢。皇覽又帝王世紀說同。春秋僖三十二年傳。其南陵夏后臯之墓也。臯夏桀之祖父。史記殷本紀裴駢集解引皇覽曰。湯冢在濟陰亳縣北東郭。冢四方。方各十步。高七尺。尙書牧誓封比干墓。是也。有墓銘。唐開元四年。偃師耕者得比干之墓。銅盤篆文。有右林左泉。後岡前進云云。周益公跋王獻之保母碑引此。是也。夫婦不合葬。禮檀弓。舜葬于蒼梧之野。蓋三妃未之從也。鄭注。古者不合葬。孔疏從。猶就也。古不合葬。故舜之三妃。不就蒼梧與舜合葬也。

第八節 祭祀

黃帝作合宮以祀上帝。接萬靈。立天神地祇。物類之官。各司其序。使民神異業。自少皞氏之衰。九黎亂德。民神雜糅。家爲巫史。黎。苗也。苗俗信鬼。至今猶然。神權迷信。牢不可破。至顓頊時。有南正重司天以屬神。北正黎司地以屬民。民間乃復故常。不相侵瀆。舜巡狩五嶽。禋于六宗。望于山川。徧于羣神。大概我國古時。以天爲萬能有力之主宰。謂平

生所爲事業。悉出於天之支配。遭凶禍。則曰天罰而謝之。遇幸福。則曰天祐而拜之。因此遂有祭天之事。而祭有一定之季節。又有一定之犧牲。然亦有臨時特別祭之者。次於天之祭者。有四時、寒暑、日月、星辰、水旱等。曰六宗之祀。次於六宗者。有羣神之祭。山川之祭。當時所祭之山川。則爲泰、霍、華、恆、嵩、五嶽。江、淮、河、濟、四瀆。此外蜡及祖先之祭。亦皆備禮焉。其致神之禮。有虞氏尙用氣。殷人尙聲。禮記。特牲。郊。其祭器。有虞氏有泰尊。夏后氏有山罍。殷有著尊。夏后氏爵以琖。殷以斚。有虞氏俎以梡。夏后氏以嶽。殷以楨。夏后氏以楬豆。殷玉豆。其祭品。夏后氏牲尙黑。殷白牡。有虞氏祭首。夏后氏祭心。殷祭肝。均見禮記。明堂位。又夏書。奠高山大川。孔子告子張以爲牲幣之物。五嶽視三公。小名山視子男。山海經作於禹益。其中每言自某山至某山。其祠之禮用何祈。用何瘞。大。概。米。用。途。稍。牲。用。圭。璋。璧。等。亦可考見當時祭祀之品物矣。

第九節 養老

養老之禮。始於虞舜。名曰燕禮。夏曰饗禮。殷曰食禮。記稱有虞氏貴德而尙齒。夏后

氏貴爵而尙齒。殷人貴富而尙齒。是也。其原因爲憐困難之老人。及恤有勳於國家者而設。以化萬民於慈順。導萬民於孝弟。其養之之地。有虞氏養國老於上庠。養庶老於下庠。夏后氏養國老於東序。養庶老於西序。殷人養國老於右學。養庶老於左學。

第十節 諺語

吾王不遊。吾何以休。吾王不豫。吾何以助。

孟子引晏子對

此非夏人之諺乎。以王者之

遊爲樂。以王者之不遊爲慮。可想其時下情上達。上德下宣之景象。而君主旣出而與民相見。民亦決無驚犯乘輿之事也。後世君主。深宮高拱。常不知稼穡之艱難。加以貪污官吏之匿災。鄉閭清議之衰息。民情風俗。壅於上聞。坐困顛連而無所控訴。讀小雅各什。可以悲矣。間有舉巡方之典者。又復一意遨遊。如秦皇漢武之類不注意於民情風俗。官吏供億之費。苛派於民間。侍從需索之物。取辦於閭里。民一聞天子之來。且不勝其惶遽愁苦焉。以視夏民。其忤戚之相去爲何如也。

第三章 周初至周之中葉

第一節 概論

周之始祖后稷。爲中國研究農學之鼻祖。其裔孫太王居豳。雖陶復陶穴。不脫戎狄之俗。然能復修舊業。注重農務。觀詩豳風所詠。可以知矣。故周公常以此示成王。使知稼穡之艱難。而周代人民之職業。大抵以農爲本位。太王之遷岐也。漸革陋俗。至於文王。教化大行。國中耕者讓畔。行者讓路。虞芮名二國由此質成。且南方舊爲苗族之根據地。古稱難化。雖經神禹削平而驅逐之。究爲王化所不及。乃因被文王之化。遂爾風清俗美。今觀詩周南召南所詠。如桃夭篇之男女以正。婚姻以時。江漢篇之前日游女不可復求。行露篇之女子守禮。不能無家強取。標梅篇之女子貞信。懼見辱於強暴。野有死麕篇之女子貞潔。不爲強暴所污。可見前日淫亂之俗已革。而強擄人女爲妻之惡俗。亦將不禁而自絕也。又以文王后妃之不妬。而小星江汜。嫡妾無猜。采芣之和平。蘋蘩之肅穆。皆徵刑于之效。加以周召之制禮宣化。成康之重熙

繫洽於是社會之進化。遂有一飛衝天之概。

一切風俗制度。卽當文明之世。亦必畧最存初之制。以示不忘古。如古時未有衣裳。人但知蔽前而不蔽後。其後既有衣裳。而仍爲裼以象之。詩所謂赤裼在股。是也。古時未有宮室。至黃帝爲合宮。覆以茅茨。其後明堂之制特隆。而仍略綴以茅。左氏所謂清廟茅屋。是也。古時未有酒醴。而祭用水。其後酒醴既豐。而祭仍用水。禮郊特牲。所謂元酒明水。費五味之本。是也。古時未有火化。茹毛飲血。其後既熟食。而祭仍不廢毛血。禮禮運。所謂薦其毛血。是也。古時狩獵爲生。而飲其血。故盟誓皆歃血。器成亦塗以血。其後雖不茹血。而器成及盟誓仍用之。周官所謂鬯寶器。左傳所謂歃血。是也。是亦崇古思想之一斑矣。

第二節 飲食

常食用穀類、蔬菜等物。多蒸而食。蔬菜多用羹。又食肉之風亦盛行。魚鳥牛豚羊。稱五鼎之食。當時人民最嗜好焉。又馬鹿熊狼之類。亦多捕而食之。其製作配合之法。

觀禮內則一篇。可得大概矣。飲物有酒醴漿滹等。酒係夏后時儀狄之發明。周時有杜康者。更改良其製造法。大流行於世間。爲燕饗之必須品。朝廷設酒正掌之。醴者。甘酒也。漿滹爲食物之附屬品。此外猶有種種飲料。而茶其最著者也。茶發明於殷周時。周人用之者多。齊晏嬰甚愛賞之。爾雅釋木。檟苦茶。郭注。樹小如梔子。冬生葉。可以爲飲。唐皮日休。茶經序。以苦茶爲茶。野客叢書。又夏月用冰。詩曰。二之日鑿冰冲冲。三之日納于凌陰。凌陰卽冰室。周禮有凌人掌冰正。是也。

第三節 衣服

衣正色。裳間色。玉普通之冠用弁。詩突而弁兮。大夫士則冠元端。諸侯齋時。用元冠丹組纓。大夫士齋時。元冠綦組纓。大夫士夕服深衣。士不衣織。不衣狐白。無君者大夫士去位。不貳采。裘用狐麋羔等獸皮爲之。童子不裘不帛。其衣緇布。以錦緣之。帶亦錦爲之。玉有衿纓。用雙髮結之。容臭。香物也。櫛。小櫛也。等之飾。婦人之命服。除世婦外。皆從男子。其常服亦用緇絺布錦。其首飾有笄髻玉瑱象搔等。凡男女之衣服。多用襲衣。鄭注。內則。襲。重衣也。

第四節 階級制度

凡一種族。征服他種族之人民。必加其所征服者以不同等之號。甚則以奴隸待之。

如堯典分百姓黎民爲二。百姓、貴族也。

國語王公之子弟。由天子賜姓以監其官者。是謂百姓。

黎民、卽苗民。黎、

黑色也。猶言黑人。以其爲漢族所征服。故以種色區之爲賤族也。周人之稱殷民爲

迷民、讎民、頑民。亦畧有此意。是征服之民一級也。

印度分人爲四種。最上者稱婆羅門。其次爲刹利。其次爲毗舍。最下

者爲首領階級。不許互通婚嫁。歐人大率分爲僧侶、貴族、公民、奴隸四種。

奴隸起原。一由罪人。二由鬻身。罪人之爲奴隸。又

分二種。有犯重辟而籍其家族爲奴者。

周禮秋官爲奴。男子入于春。有無錢贖罪。而爲奴

以贖罪者。

周禮賈人掌民人之質劑。

至鬻身爲奴。實因生計窘迫。而其主人率視之爲貲產。曲禮

問大夫之富。曰有宰食力。宰、卽家臣。而宰字本義。爲罪人在屋下執事者之稱。從宀

從辛。辛、罪也。見說文。

三國志注引魏略。句奴名奴婢曰貲。

可證是奴隸。又一級也。曲禮、禮不下庶人。刑

不上大夫。周制命夫命婦不躬坐獄訟。王族有罪不卽市。而庶人祭不得立廟。不得

行冠禮。葬不爲雨止。貴賤之分甚嚴。是庶人又一級也。周時封建世祿之制備。諸侯

之臣下。皆爲世官。故士之子常爲士。農之子常爲農。工之子常爲工。商之子常爲商。士以外農工商皆庶人也。然亦設特別之例。凡聰穎異常者。可由農工商之資格而升爲士。農工商中。農居多數。農之秀者爲士。觀董仲舒春秋繁露五行相生篇。有農斯有士之言而益信。

第五節 家族主義

中國爲宗法社會。故家族政治。自古已嚴。至周尤甚。蓋儒家最注心力於此。正父子兄弟之道。明長幼貴賤之序。嚴男女之別。一家之內。子必從父。婦必從夫。弟必從兄。雖有極重大極緊要之事件。不能破範圍而違其節制。否則加以犯分之惡名。定以不孝不恭不順之大罪。又男女至七歲以上者不得共席。一切物品。不可交相授受。

第六節 名姓氏族之辨

夏禹之世。有名有姓而無字與諡。亦無氏。貴賤皆呼其名。不相諱。至周時。呼字之俗起。丈夫二十冠而命字。無稱名者。惟於臣子及幼賤者名之。諡法亦自周始。人死則

諫其行以立諡。而諱生時名。有物與死者同名。臣子必易其物名。如晉僖侯名司徒。便廢司徒爲中軍。宋武公名司空。便廢司空爲司城。魯申繻謂以畜牲則廢祀。以器幣則廢禮。是也。姓者、生也。所以明世系而別種族也。氏者猶家。所以表家門也。故一姓分爲數十百氏。姓之起在太古。據古史。五帝皆有姓。唐虞時種族甚多。有百姓之稱。及周興。姬姓繁衍於華夏。異姓漸絀。然猶有二十餘姓。周衰。姜、芊、嬀、嬴、踵與與諸姓相軋。而他姓愈微。氏始於以地名冠名。自周以前亦有之。然非人人必用之。周時王子王孫。公卿諸侯。大抵以國邑爲氏。後裔雖亡。其地亦襲稱之。諸侯子孫稱公子公孫。公孫之子以王父字爲族。世臣率以邑爲族。官有世功。則有官族。族者、氏之支別也。通謂之氏。男子冠名以氏而不稱姓。姓者、婦人所稱也。故其字多從女。如姬姜之屬。及戰國時。婦人亦不稱姓。而姓之用廢。自是以氏族作姓。姓與氏無有異義矣。

以邑爲氏。姓始於以地名冠名。自周以前亦有之。然非人人必用之。周時王子王孫。公卿諸侯。大抵以國邑爲氏。後裔雖亡。其地亦襲稱之。諸侯子孫稱公子公孫。公孫之子以王父字爲族。世臣率以邑爲族。官有世功。則有官族。族者、氏之支別也。通謂之氏。男子冠名以氏而不稱姓。姓者、婦人所稱也。故其字多從女。如姬姜之屬。及戰國時。婦人亦不稱姓。而姓之用廢。自是以氏族作姓。姓與氏無有異義矣。

第七節 冠婚

男子二十而冠。女子十五而笄。表其有成人之資格也。冠禮爲禮之始。不可不恭敬行之。故先卜日之吉凶。而請人舉行加冠式。至期。冠者之父著禮服。迎加冠之人。而使加其冠於子。又命冠者之字。成人後自稱以名。稱人以字。加冠式既終。有謁親屬之長者。及鄉大夫鄉先生等之禮。婚禮必有媒氏以交通二家。依彼介紹而舉行其禮節者也。其舉行之次第如下。凡娶女先由夫家托贄物於媒氏。納於女之父。謂之納采。女父既承諾。則問女之名。謂之問名。媒氏歸於夫家而卜其吉凶。若吉。則更遣使告之於女父。謂之納吉。納吉之式既終。則納元纁十端。即太古時之纁皮。二枚於女父。爲納婚之約信。謂之納徵。由是自夫家請求婚禮之期日。謂之請期。至期爲壻者著禮服。乘黑車。往女家親迎其婦。謂之親迎。其時嫡妾之分甚嚴。王之嫡妻曰后。諸侯曰夫人。大夫曰內子。士曰婦人。庶人曰妻。皆與其夫齊位。羣妾莫敢與爲匹。周更夏商之制。稱女以姓。男子三十而娶。女子二十而嫁。嫁娶不能太早。且不可施於同姓。買妾不知其姓則卜之。恐其同也。此其理由。暗與今日生理學家忌早婚。及

血屬結婚之理相符合。

故東西印度統計家言。愈文明之國。其民之結婚愈遲。野蠻國反是。

少。且結婚太早。男女身體神經未發達。生子必癯弱。且早婚不但害於傳種。而亦害於教育。以其身體無爲人父母之資格。必不能任家庭之教育也。漢王吉所

謂未知爲人父母之道而有子。是以教化不明而民多天。

漢書本傳

史伯所謂氣同則不

繼。

國語

叔詹所謂男女同姓其生不蕃。

春秋傳

是也。且中國之始立國也。羣后列

據四方。不相混和。王者雖能以德與力盡服九州。然異姓之於王家。既非宗藩之親附者可比。究難混其競爭。而求其協和。故利用嫁娶以聯合異姓。在當時爲切要之事。從此因仍成俗。遂爲不易之法。

第八節 鄉飲酒養老

鄉飲酒之禮。集一鄉之人而開宴會。今所謂鄉黨親睦會懇親會者。是其遺意也。其主義重相親睦。相尊敬。明長幼之序。習賓主之禮。其集會之時。有三年一度者。鄉學生卒業而出仕。時鄉大夫爲主人。鄉之父老爲賓客。其中最老而知禮節者爲上賓。餘爲衆賓。又有一年二度者。州長習射而爲飲也。一年一度者。黨正於習射時開會。

也。又鄉大夫常會其鄉之賢能而開筵宴。凡宴時。樂人奏歌詩以發揚其志氣。蓋一地方自治之現象也。養老自五十歲者始。五十歲以上。每增十歲者。用最殷勤之禮。養之於大學或小學。然非終身恩給。一年中七次招集之。使學士親目擊之。謀風教之陶冶。與鄉飲同爲良法。

第九節 喪葬

喪葬之禮節。皆整頓於周。由貴賤親疏。而有種種差別。其用情之厚。世界所未見也。周公立制。節日詳備。哭泣擗踊皆有法。人死則必先復。復者。招魂之禮也。又有沐浴、飯含、小斂、大斂之禮。凡居父母君師之喪。上自天子。下至庶人。無貴賤上下之別。皆以三年爲定例。父母之喪曰制喪。君之喪曰方喪。師之喪曰心喪。今由親疏論其差異。父母之喪。著斬衰之服二十五月。謂之三年之喪。其次祖父母、伯叔父母、昆弟之喪。著齊衰之服十三月。謂之期喪。又次爲從父昆弟之喪。著大功之服九月。又次爲再從昆弟、外祖父母之喪。著小功之服五月。又次爲三從昆弟之喪。著緦麻之服三

月。王崩。羣臣諸侯皆居喪三年。嗣王不親政。謂之諒闇。百官皆聽於冢宰。諸侯薨亦如之。葬式之差別。天子七日而殯。七月而葬。諸侯五日殯。五月葬。大夫士三日殯。三月或踰月葬。而天子葬同軌畢至。諸侯葬同盟至。大夫士葬同位至。庶人葬族黨相會。棺槨衣衾。自天子至於庶人。務盡其美。棺厚五寸。槨稱之。而其作法。天子四重。諸侯三重。皆用松。大夫二重用柏。庶人一重用雜木。葬之時有挽歌。見於檀弓、春秋、莊子、列子等書。檀弓。季武子之喪。曾點倚其門而歌。春秋。哀公會。吳子伐齊。將戰。公孫夏命其徒歌。虞。示必死也。莊子。子綽臨所生。必於斥苦。荀馬。趙注。紼。說曰。楊朱。望其門。而歌。斥。疏。緩。苦。急。促。言引。紼。臨者。爲人用力也。列子。仲尼。爲季梁之死。楊朱。望其門。而歌。隨。緒。之。死。楊朱。撫其尸而哭。唐段成式。西陽雜俎。曾引。春秋。莊子。二事。以辨挽歌之非始於田橫之客。

第十節 祭祀

國之大事。祀居其一。天地、日月、星辰、山川、林澤、皆神而祭之。不營神祠。不設神像。或作主。或望祭之。有大采朝日。小采夕月之禮。以日月之食。及山崩川竭爲災變。必有以禳之。大夫祭宗廟五祀。士庶人祭其祖先。此等之祭有四時。春日祠。夏日禱。秋日

嘗。冬曰烝。庶人祭品。春用韭。夏用麥。秋用黍。冬用稻。始祖之廟。其主百世不遷。遷主所藏之廟曰祧祖廟。親盡則遷其主於祧。而致新主於廟。天子七廟。諸侯五廟。大夫三廟。士一廟。庶人無廟。祭於寢。

第十一節 蠱毒

周官誦訓。掌道方志以詔觀事。掌道方慝以詔避忌。以知地俗。謂蠱毒之類。皆爲方慝。庶氏掌除蠱。以攻說禱之嘉草攻之。是周時已有蠱毒也。按隋書志云。江南之地多蠱。以五月五日取百種蟲。大者至蛇。小者至虱。合置器中。令自相啖。餘一種存之。蛇則曰蛇毒。虱則曰虱毒。欲以殺人。因入人腹中。食其五臟。死則其產移入蠱主之家。三年不殺人。則蓄者自種其害。累世子孫相傳不絕。自侯景之亂。殺戮殆盡。蠱者多絕。旣無主人。故飛遊道路之中。則殞焉。後其俗移於滇中。每遇亥夜。則蠱飛出飲水。其光如星。鮑照詩所謂吹痛蠱行暉者也。大抵蠱毒起於野蠻時代。及世界文明。則惟野番之俗行之。蠱之字上從蟲下從皿。皿內多蟲。蠱之所由製也。伏羲重卦。卽

有蠱卦。孔穎達易正義引褚氏云。蠱者、惑也。春秋昭元年傳。秦醫和謂晉侯之疾如蠱。非鬼非食。惑以喪志。亦引易女惑男謂之蠱爲證。蓋中蠱毒者。必迷惑不省人事。故惑爲蠱字應有之義。由蠱之有惑義。可推知伏羲重卦之蠱。卽蠱毒之蠱。而蠱毒不自周時始矣。此蠱毒起於野蠻時代之說也。至於野番之行蠱毒。則今黔粵之苗黎最著焉。然粵地之胡蔓草麻藥。亦蠱毒之類也。胡蔓草葉如茶。其花黃而小。一葉入口。百竅潰血。人無復生。邇來品彙益盛。花葉異常。不獨郊外。雖邑中亦在在有之。凶民將取以毒人。則招搖若喜舞然。眞妖物也。或有私怨者茹之。呷水一口。則腸立斷。或與人閑。置毒於食以斃其親。誣以人命者有之。麻藥置酒中。飲後昏不知人。富室每誘小民飲之以奪其貨財。然醒後不死。亦惡物也。范石湖集有治蠱毒之方。嶺南衛生方有治胡蔓草毒之法。皆問俗者所宜加意者耳。然今之鴉片。亦蠱毒之類也。李時珍本草綱目云。鴉片前代罕聞。近方有用者。蓋自明以前。上不稱於史傳。下無聞於私家記錄。而流行之速。倏忽遍於內地。燦人之膏血。喪人之志氣。陷全國民

族於氣息奄奄。不生不死之中。小之則以敗家。大之至於亡國。雖有識者正告之以如何之毒。而懵然不一悟。或悟而不能自拔。前者林文忠公既徒費苦心。今者朝廷雖大申吃煙之禁。而我煙民之沈夢如故。此種人若與之語及蠱毒。則咸畏之如蛇蝎虎豹。獨於幾千萬倍於蠱毒者。自吸之而自安之。蠶蛾巢燕。甘心走入死地也。悲夫。

第十二節 言語

父爲考。母爲妣。父之考爲王父。父之妣爲王母。王父之考爲曾祖王父。王父之妣爲曾祖王母。曾祖王父之考爲高祖王父。曾祖王父之妣爲高祖王母。父之世父叔父。爲從祖祖父。父之世母叔母爲從祖祖母。父之舅弟。先生爲世父。後生爲叔父。男子先生爲兄。後生爲弟。女子謂先生爲姊。後生爲妹。父之姊妹爲姑。父之從父舅弟爲從祖父。父之從祖舅弟爲族父。族父之子相謂爲族舅弟。族舅弟之子相謂爲親。同姓兄之子。弟之子。相謂爲從父舅弟。子之子爲孫。孫之子爲曾孫。曾孫之子爲元孫。

元孫之子爲來孫。來孫之子爲舅孫。舅孫之子爲仍孫。仍孫之子爲雲孫。王父之姊妹爲王姑。曾祖王父之姊妹爲曾祖王姑。高祖王父之姊妹爲高祖王姑。父之從父姊妹爲從祖姑。父之從祖姊妹爲族祖姑。父之從父舅弟之母爲族祖王母。父之兄妻爲世母。父之弟妻爲叔母。父之從父舅弟之妻爲從祖母。父之從祖舅弟之妻爲族祖母。父之從祖祖父爲族曾王父。父之從祖祖母爲族曾王母。父之妾爲庶母。母之考爲外王父。母之妣爲外王母。母之舅弟爲舅。母之從父舅弟爲從舅。妻之父爲外舅。妻之母爲外姑。姑之子爲甥。舅之子爲甥。妻之舅弟爲甥。姊妹之夫爲甥。妻之姊妹同出爲姨。女子謂姊妹之夫爲私。男子謂姊妹之子爲出。女子謂舅弟之子爲姪。謂出之子爲離孫。謂姪之子爲歸孫。女子子之子爲外孫。女子同出謂先生爲姒。後生爲娣。女子謂兄之妻爲嫂。弟之妻爲婦。長婦謂稚婦爲娣婦。娣婦謂長婦爲姒婦。婦稱夫之父曰舅。稱夫之母曰姑。姑舅生則曰君舅君姑。沒則曰先舅先姑。謂夫之庶母爲少姑。夫之兄爲兄公。夫之弟爲叔。夫之

姊爲女公。夫之女弟爲女妹。子之妻爲婦。長婦爲嫡婦。衆婦爲庶婦。女子子之夫爲壻。壻之父爲姻。婦之父爲婚。父之父母。壻之父母。相謂爲婚姻。兩壻相謂爲亞。婦之黨爲婚兄弟。壻之黨爲姻兄弟。謂我舅者。吾謂之甥也。爾雅釋親

如爾雅釋詁如往往也各按即奴字從口猶有內必藉奴傳走入之言故從口即走

信的人故訓往往也各按即奴字從口猶有內必藉奴傳走入之言故從口即走

作

爾雅釋言作爲也按作即韻故字詩小雅采薇後漢書范傳曰歸歲亦莫止

胡

詩獫狁其胡毛以爲老人之頭上則常下垂與胡老之垂胡者同審徵也胡加影則

爲韻也老

吳

詩周頌不吳象不敖毛傳吳形口出聲吳大頭必不正故吳從口與吳圭加虎則爲吳

戴虎不吳也戴虎冠而大呼猶是喧譁之義吳字古通用漢書武帝紀引不吳文

如康之爲吳今崑山有浦名大虞小

舟 詩大雅公劉章何以舟之維玉及瑤刀輒容掛舟毛傳舟帶子常倒舟與刀義同

物件之義也人即此字中加舟證之舟受不之受即標極之標向往還酬報之切今亦含倒

又意且何行或舟之下文即韓瑋容刀刀固須索相連也倒挂即帶也

選 左傳弗去撫選而杜預注選數也今蘇州謂貴

糝 曰國語但一作糝政否上聲語而蘇州謂人事不實人亦曰糝

摔 曰左傳摔而蘇州謂以手執人謂曰打人

眠挺 眠莫典切挺徒典切今蘇州謂子眠挺謹曰眠挺

璞 鼠曰尹文子鄭人謂玉未理者爲璞周人謂鼠也

妻子 謂妻也詩妻子好合韓非子鄭縣人卜子使其妻爲妾其妻問曰今媛君何如

月半 儀禮士喪大司樂王不殷奠三禮記祭義朔月月月半君巡牲後食時也十五爲月半本

三月半 猶未脫春衣韓愈詩南方二月半春後月半已少李商

隴種 顧氏日知錄案荀子角鹿墮隴種東龍而退耳注云其義未詳蓋皆二十敗人爲

家事

左傳：趙盾對子木曰：夫子之家事治，國事日不問家事。

宋葉夢得巖下放言。楚辭曰些。沈存中謂梵語薩縛阿三合之音。此非是。不知梵語何緣得通荆楚之間。此正方言各係其山川風氣使然。安可以義考。大抵古文多有卒語之詞。如螽斯羽詵詵兮。宜爾子孫振振兮。以兮爲終。老子文亦多然。母也天只。不諒人只。以只爲終。狂童之狂也且。椒聊且遠條且。以且爲終。唐棣之華偏其反而。俟我於著乎而。充耳以素乎而。以而爲終。旣曰歸止。曷又懷止。以止爲終。無不皆然。風俗所習。齊不可移之宋。鄭不可移之許。後世文體旣變。不復論其終。爲楚辭者類皆用些語。已誤。更欲窮其義。失之遠矣。

其餘見於爾雅者不可枚舉。

第二編 駁雜時代

第一章 春秋戰國

第一節 概論

先儒謂風之變也。匹夫匹婦得以諷刺。蓋詩國風所咏。多係春秋時事。其美善刺惡。猶存三代之直道。與春秋一書之筆削。無甚差異。至王迹熄而詩亡。詩亡而春秋作。王者之天下。變而爲霸者之天下。霸者之天下。變而爲七雄之天下。覘世變者。每不勝匪風下泉之思焉。然春秋時猶尊禮重信。而七國則絕不言禮與信矣。春秋時猶宗周王。而七國則絕不言王矣。春秋時猶嚴祭祀。重聘享。而七國則無其事矣。春秋時猶論宗姓氏族。而七國則無一言及之矣。春秋時猶宴會賦詩。而七國則不聞矣。春秋時猶有赴告策書。而七國則無有矣。李康運命論。所謂辨詐之僞。成於七國者也。蓋至七國時。文武周公之禮樂刑政。既蕩然掃地。攻伐爭鬪。較春秋尤甚。詐力權謀。公行而無所諱憚。脫仁義道德之假相。而露出弱肉強食之真面目。英雄豪傑。互相見於戰爭場裏。演極慘烈之活劇。諸侯自稱王號。各不相下。周雖有其名。而天下早已無王矣。然則以春秋較諸戰國。猶覺彼勝於此。今以國風證之。葛屨彼汾。見魏俗之勤儉而褊急。蟋蟀山樞。見唐俗之勤儉而質樸。小戎無衣。見秦俗之尙武。而女

子亦知勤王。緇衣同車。見鄭俗之愛賢而好德。宛如好色。干旄之美下賢也。羔裘之重司直也。伐檀之志不素餐也。素冠之思終喪人也。凱風陟帖之慕孝子也。芄蘭之戒童子蠶等也。揚之水之戒偏重外戚也。采芣防有鵲巢之刺讒賊也。皆於世道人心大有關係。以視戰國之薄俗何如哉。

第二節 階級制度之破壞

周代階級之制甚嚴。至孔子作春秋始譏世卿。武氏在叔之子以等貴族於平民。自是用人

亦漸不拘資格。如楚舉申鮮虞於僕賃。晉舉屠蒯於庖廚。管仲之舉盜。晏子之舉囚。

趙文子舉管庫之士。公叔文子舉家臣。是也。至於甯戚以飯牛歌干齊桓。其歌中有云大臣在

汝側吾將與汝適楚國已開戰國策士之漸焉。戰國則門閥之風蕩然掃地。或由匹夫而爲將

相。或朝貧賤而暮公侯。或起自刑餘。或出於盜藪。不論新舊。不問親疎。苟有奇才異能。雖仇必用。雖姦必薦。加之羣雄割據方隅。各自掌握立法行政之權。故士之求顯頭角者。甲國不用。去而之乙國。或昨日爲逃亡之羈旅。今日爲榮譽之宰相。以左右

其國大政。蓋一言論自由。思想自由之社會也。

第三節 義俠

昔太史公之傳游俠也。謂其言必信。其行必果。專以身趨人之急。或借交報仇而不矜其能。羞伐其德。實有足多。且引季次、原憲、以爲標準。蓋有慨乎其言之也。游俠之

風。倡自春秋。盛於戰國。春秋之時。晉有公孫杵臼、程嬰、史記趙世家。晉屠岸賈殺趙

姊。匿於公宮。有遺腹子。名武。屠岸賈百計欲索而殺之。朔之客公孫杵臼與朔之友

程嬰。合謀以死保趙氏孤兒。杵臼乃抱他人嬰兒爲趙孤。誘屠岸賈殺死。趙氏真孤

卒。族滅。居岸賈武畢陽。晉語。晉伯宗害伯宗。畢陽實送州犁於荆。思秦有偃息、仲行、

鉞虎。秦穆公卒。三其殉葬。國人哀之。爲之賦黃鳥。歷代史家對於此事。未免懷疑。惟

從田橫云云。則三其殉葬。亦義俠之士矣。吳有專諸。皆可謂已諾必誠。不愛其軀者。戰國

時代。強力輕死之風尤甚。故任俠刺客。如豫讓、要離、墨子、孟勝、徐弱、聶政、藺相如、信

陵君、朱亥、毛遂、魯仲連、王蠋、虞卿、平原君、唐雎、綰高、荊軻、高漸離、田光、樊於期、輩。皆

先人後己。勇悍堅卓。其輕死重義之風操。若能盡軌於正。固可使社會上無不平之

事也。

第四節 遊說

春秋之世。各國多用客卿。如巫臣適吳以病楚。伍員強吳以入郢。晉用楚之亡臣。而聲子發楚材晉用之歎。是也。若春秋之末。至於戰國。則諸侯卿相皆爭養士。自謀夫說客。談天雕龍。堅白異同之流。下至擊劍扛鼎。雞鳴狗盜之徒。莫不賓禮。靡衣玉食。以館於上者。何可勝道。越王勾踐。有君子六千人。魏無忌。齊田文。趙勝。黃歇。呂不韋。皆有客三千人。而田文招致任俠姦人六萬家於薛。齊之稷下談者亦千人。魏文侯。燕昭王。燕太子丹。皆致客無數。非以此自豪也。因當時競爭劇烈。惟以得人才爲第一義。故苟有一技一藝之長。能利於國家者。則不論貴賤。不問親疏。皆招之爲國家之顧問。就中有說士。有劍客。有力士。其種類雖不少。要皆留意於政治上。蓋評論政治之得失。爲民間之政談家也。其能力可以裁決政務。及畫種種之計略。是故以賓禮待之。則常收非常之效。否則煽動民間。或去而益資敵國。因此一時說客勢力。轟

震天下。隨處惟恐其奉養之不足。國君卿相。以多致賢能之士爲名譽。彼孟嘗、平原、信陵、春申諸君。有賢公子之價值者。皆以說客之多購之也。

第五節 周末之學風

周室既衰。官失其職。官守之學術。一變而爲師儒之學術。且階級既破。前此爲貴族世官所壟斷之學問。一舉而散諸民間。其傳播也最速。其發達也更捷。蓋當時言論自由。九流百家。各具有堅苦獨行之力。精深奧瑋之論。毅然自行其志。思立教以範圍天下。孔子爲諸子之卓。遂創立儒教。以集其大成。教爲儒教。則其書自爲儒書。猶今稱二教書爲佛典道藏也。故後漢時王充著論衡。猶以六經傳記爲儒書。孔子之沒也。儒書大行於齊魯之間。魯人皆從儒教。而齊之民間亦傳習之。如今之信教自由。不能禁止。然齊人猶有忌之者。春秋哀二十一年傳。公及齊侯邾子盟於顧。齊人責稽首。因歌之曰。魯人之阜。數年不覺。使我高蹈。惟其儒書。以爲二國憂。蓋忌之之辭也。自春秋之末。至於戰國。諸子創教。互相攻擊。而攻儒尤甚。如春秋時叔孫武叔。

微生畝、荷蕢、接輿、長沮、桀溺、丈人之攻儒。均見於論語。若楚子西沮昭王書社之封。

齊晏子諫景公以尼谿田封孔子。

二事見史記孔子世家

子桑伯子之答門人曰。其質美而文

繁。吾欲說而去其文。

說苑修文篇

尤其彰彰者也。戰國則墨子攻儒。以久喪厚葬爲第一

義。

見墨子非儒篇淮南子沉論訓

孟子將行道而有臧倉之沮。尹士之譏。滕之父兄百官。皆不欲從

孟子三年喪服之制。許行欲以並耕之道勝孟子。好事者至譴孔子於衛主癰疽。於齊主侍人瘠環。莊子、商君、鄒衍、尹文子、攻儒尤力。然於孔子之教無損也。但當時九流百家。既各抱宗旨。自必有一得之長。雖孔子之教不能掩之。此墨子所以竟與孔子中分天下。而班氏藝文志。亦謂九流爲六經之支與流裔。不能廢也。然則周末之學界。已呈光明燦爛之景象矣。

第六節 周末人民之程度

(甲)民德。齊民貪羶而好勇。楚民輕果而賊。越民愚疾而垢。秦民貪戾而罔事。齊晉之民。詭譎欺詐。巧佞而好利。燕民愚戇而好貞。輕疾而易死。宋民簡易而好正。

水地秦國之俗。貪很強力。可威以刑而不可化以善。可勸以賞而不可厲以名。淮南子要

訓此其大較也。又賈生之論秦俗曰。商君遺禮義。棄仁恩。并心於進取。行之數歲。秦俗日敝。故秦人家富子壯則出分。家貧子壯則出贅。借父耰鋤。慮有德色。母取箕帚。立而諄語。抱哺其子。與公併倨。婦姑不相說。則反唇而相稽。嗚呼。卽賈生此言。可以代表戰國之民德矣。惡直醜正。各國皆同。如齊之國子。晉之伯宗。皆以好直言而不見容。是也。貪縱奢侈之風。由士大夫倡之。如晉欒黶、羊舌肸、齊慶封、鄭伯有、齊子旗、子良等。民間大受其影響。故人皆求富。而子文逃之。富人之所欲。而晏子弗受。鄭伯張則謂貴而能貧。晉卻缺則思賤而有恥。子產治鄭。予忠儉而斃秦侈者。亦欲以挽斯弊也。

淫亂無恥。以鄭衛爲最。陳次之。各國亦不甚相遠。考之詩。國風衛俗之淫亂。至於男女相約。俟於城隅。婚姻動懷。遠其父母。鄭俗之淫亂。至於違大路而攬人袂。相輕薄而謂爲子都。狂且狡童章。子不我思豈無他人。東門章。豈不爾思子不我卽。其穢褻

已全神如繪。陳俗之淫亂。至於女不續麻。而赴男女歌舞之會。謂所私爲予美佼人。

而不勝其愛。惟恐其或間。女之思男。有時寤寐無爲。涕泗滂沱。嗚呼。何其無恥之甚。

也。及以春秋考之。而知其淫亂無恥。固皆自上倡之。蓋春秋之世。男女雜亂。怪狀百

出。有上淫者。桓十六年傳。衛宣公烝其庶母姜莊二十八年傳。鄭文公烝其庶母陳嬀。

成七年傳。楚襄老之有奪子婦者。桓十八年傳。衛宣王爲其子伋娶於齊。而自取之。昭

子黑娶烝其母夏姬。有奪昆弟之妻者。文七年。晉穆伯爲襄有易內而飲酒者。襄封與盧蒲嬖。有彼此通

室者。昭二十八年傳。晉祁勝與鄔臧。有妻好淫而夫縱之者。桓十八年傳。衛侯爲夫人南子召宋朝。十有

兄弟姊妹相亂者。齊桓之有欲奪人妻而先滅人國。因奪人妻而自殺其身者。四年

傳。楚文王滅息。取息嬀。襄二十二年。有君臣同淫一婦者。陳以及周襄王狄后與夫

弟叔帶通。四年傳。魯莊公哀姜與夫弟慶父通。閔二年。齊聲孟子與大夫慶克通。七年

傳。魯穆姜與大夫叔孫僑如通。成十六年。晉驪姬與優人通。國。魯季公鳥之妻與贅人

通。昭二十五年傳。晉欒桓子之妻與室老通。襄二十一年傳。上自王家。下及士大夫家。內室穢亂。毫

不爲怪。於是庶子烝母。孫烝祖母。及以兄嫂爲妻。竟出自國人之贊成。閔二年傳。齊人強招伯。即

項烝於宣姜。文十六年傳。宋人弑公子鮑。以因其祖母。襄夫人。哀十一年傳。衛大叔疾出奔。衛人立其弟遄。使室其妻孔嬀。此時之人民。更烏知

世間上有所謂廉恥者乎。上有好者。下必有甚。無怪民人之淫亂也。或謂中國人民

之所以淫亂。實由於男女之界太嚴。女子不常與賓客交際。故男子以得見女子爲

異數。且女學未興。女子殆無知識。男子因視女子爲消磨塊壘。活動精神之一物。所

以男女之界益嚴。而淫亂愈甚。方今歐美文明之國。女學盛興。男女相近。毫不爲異。

且以女子充男學堂教師。充病院看護婦。充郵便、火車、工場、商店、旅館、浴堂等之委

員、司事、寫生、傭工。朝夕與男子接近。而犯姦凶殺之事絕少。雖其男子程度較中國

爲高。亦所以開放之者有術也。彼越王句踐。輸淫佚過犯之寡婦於山上。士有憂思

者。令遊山上以喜其意。吳越春秋。固與漢高、淮南之鼓舞英雄同一手段。漢高祖待英布。帷帳宮室擬於

王者。淮南王異國中民家。有女者。以待遊士而娶之。而誨淫實甚焉。然則發達女學。其禁淫之本務矣。

(乙)輿論。輿論莫備於詩。詩人之刺惡。雖以國君貴族之勢力。亦言之無所諱忌。

斯真三代之直道。中流之砥柱也。若夫惡執政之非時興作。而有澤門之謳。左傳十年

宋皇國父爲大宰。爲平公築臺。妨于農收。子罕請俟農功之畢。公弗許。樂者謳曰。澤門之督。實興我役。邑中之黔。實慰我心。惡賁軍之將而有于

思之歌。朱儒之誦。左宣二年傳。鄭伐宋。宋師敗績。因華元。宋人贖華元于鄭。後宋城。

甲復來。思之音。左宣四年傳。鄭人莒人伐鄆。威救鄆。鄆侵鄆。敗于狐駟。國人孔子治誦之曰。威之狐駟。敗我于狐駟。我君小子。朱儒。使使我敗于狐駟。孔子治

魯。而靡裘章甫。前後異辭。子產治鄭。而孰殺誰嗣。毀譽迭至。家語。孔子始用于魯。魯

投之無異。轉之無私。左襄三十年傳。鄭子產成。化既行。又誦之曰。我衣章甫。實獲我所。

之。取我田疇。而伍之。孰殺子產。吾其與之。及三年。又誦之曰。我亦足見輿論之一班

矣。鄭國之輿論集於鄉校。子產不毀鄉校。與人民以議政之權。其卓識爲何如哉。戰

國時說客實爲輿論之代表。故民間輿論。無可表見焉。

(丙)憂國愛國。園桃憂小國之無政。黍離憫周室之顛覆。匪風瞻周道。歎天下之

無王。下泉念周京。傷天下之無霸。此非可泣可歌之詩乎。公山不狃曰。君子違不適

仇國。所託也則隱。此非仁人君子之言乎。考春秋亡國五十二。其間仁人義士不少。

而能復國仇者。惟遂之因氏、領氏、工婁氏、須遂氏、及申包胥而已。然遂之四氏。僅能殲齊戍。無補於遂國之亡。而包胥則能使楚國亡而復存。其堅苦卓絕一片熱誠。固春秋時之不可多得者。宋儒王伯厚氏。以比張子房。洵不誣也。至於盟向之民。不肯歸鄭。桓七年傳。陽樊之民。不肯從晉。五年傳。事雖未成。志足悲已。戰國則魯仲連、王蠋、荊卿、燕太子丹輩。尤具愛國之熱誠。至楚懷王入秦不反。楚人憐之。乃有三戶亡秦之說。史記項羽本紀。范增說項羽。言故楚南公曰。楚雖三戶。亡秦必楚。孔穎達正義。三戶。津在相州。潞陽縣界。屈子以讒見黜。仍惓惓於楚國。所作離騷。憂國愛國之心。溢於言表。悱惻動人。影響所及。流風所被。不可消滅。所以秦僅二世而覆。秦之師竟發起於楚人也。

第七節 婚姻廢禮及春秋時變禮之始

鄭風丰兮篇。序刺亂也。鄭國衰亂。昏姻禮廢。有男親迎而女不從者。已而悔之。思復從之。其失在女子也。陳風東門之楊篇。序略同。齊風俟著篇。朱子謂齊俗不親迎。故女至壻門始見其俟已也。唐風綢繆篇。朱子謂國亂民貧。婚姻失時。御纂詩義折

中。憫貧也。國亂民貧。婚姻不能備禮。然則婚禮之廢也。非一日矣。是故先配而後祖。

則有鄭公子忽。左隱八年傳私約私奔。則有魯莊公之從孟任。莊二年傳魯泉邱人女之奔

孟僖子。左昭十年傳鄆陽封人女之奔楚平王。左昭十年傳聲伯之母無媒禮。叔姬之嫁以強

從。左宣五年春公如齊高固使齊侯止公請叔姬焉高固以諸如此類不可枚舉其

至奪人之妻而轉嫁他人。左成十一年傳聲伯之母不聘。穆姜曰。吾不以妾爲娣。生

婦於聲伯。聲伯娶施氏婦以與之主張人之出其妻而妻以己女。左哀十一年傳

子使疾子朝。子朝出。其妻而妻之。其無禮極矣。然鄭徐吾犯之妹與楚季芊。尙不失爲自由結

婚。左昭元年傳鄭徐吾犯之妹。公孫楚聘之矣。公孫黑又使強委禽焉。犯懼。告其

子。信美矣。抑子南氏也。適子南氏。子南即公孫楚。定公五年。楚子入于鄆。傳。王將

王奔鄭。鍾建。固文明國所不禁者。

禮記。孔氏之不喪出母。自子思始也。士之有誅。自縣賁父。卜國始也。邾婁復之以矢。

蓋自戰於升陘始也。魯婦人之髻而弔也。自敗於狐駘始也。帷殯非古也。自敬姜之

哭穆伯始也。廟有二主。自桓公始也。喪慈母。自魯昭公始也。下殯用棺衣。自史佚始也。庭燎之百。由齊桓公始也。大夫之奏肆夏。由趙文子始也。大夫強而君殺之。義也。由三桓始也。公廟之設於私家。非禮也。由三桓始也。元冠紫綬。自魯桓公始也。朝服之縞也。自季康子始也。夫人之不命於天子。自魯昭公始也。宦於大夫者之爲之服也。自管仲始也。皆記變禮之始。左傳隱五年。始用六佾。僖三十三年。晉於是始墨。成二年。始厚葬。始用殉。襄四年。魯於是乎始髻。襄十一年。魏絳於是乎始有金石之樂。昭十年。始用人於亳社。定八年。魯於是乎始尙羔。亦記禮之始變也。又禮坊記。以此坊民。諸侯猶有薨而不葬者。以此坊民。魯春秋猶去夫人之姓曰吳。其死曰孟子卒。以此坊民。陽侯猶殺穆侯而竊其夫人。故大饗廢夫人之禮。以此坊民。民猶淫佚而亂於族。以此坊民。婦猶有不至者。則歎息於禮之所由變。所由廢焉。孔子惡始作俑者。以始之不謹。末流不勝其弊也。

第八節 淫祀漸興

春秋以降。陰陽家言。風靡一世。其別有五。曰天道。曰鬼神。曰災祥。曰卜筮。曰夢。而鬼神之說尤盛。以故淫祀漸興。如鍾巫、岡山、煬宮、實沈、臺駘、次睢之社等。不可枚舉。裨竈、梓慎之流。大揚其波。雖有孔子子產之力持正論。不足以闢之也。嗚呼。此秦漢方士之所由來歟。

第九節 諺語見道

雖鞭之長不及馬腹。

左宣十五年。晉伯宗引古語。

欲人之自量也。雖有挈瓶之知。守不假器。

左昭七年。

晉謝安言。

欲人之慎所守也。匹夫無罪。懷璧其罪。

左桓十年。虞叔引。

戒人之貪財也。室於怒市

於色。

左昭二十五年。楚令尹子瑕引。

戒人之遷怒也。輔車相依。脣亡齒寒。

僖五年。虞臣宮之奇引。

戒人之無團

體也。高下在心。川澤納污。山藪藏疾。瑾瑜匿瑕。國君含垢。

左宣十五年。晉伯宗引。

望人之恢宏

度量也。無過亂門。

左昭十八年。鄭子產引。

惡人之作亂。教人之遠亂也。庇焉而縱尋斧。

左文七年。宋樂年。

引。欲人之慎重恩怨也。牽牛以蹊人之田而奪之牛。

左宣十五年。楚申叔時引。

欲人之不爲己甚

也。畏首畏尾。身其餘幾。

左文十七年。鄭子家引。

戒人之柔懦退縮。所以喚起冒險精神也。心苟

無瑕何恤乎無家。左閔元年。晉士蔣引。欲人正其心術也。其父析薪其子弗克負荷。左昭七年。晉韓宣子。

引。戒人之不修先業也。狼子野心。左宣四年。楚令尹子文引。喻小兒之不可教。即荀子性惡之說

也。鹿死不擇音。音卽陸字。左文十。七年。鄭子家引。欲人之輕死。蓋畏死者則必多所擇而遲回也。山

有木工則度之。賓有禮主則擇之。左襄十一年。魯穆父引。言賓之不能侵主權也。獸惡其網民

怨其上。國語。畢公引。言上無道則招民怨也。衆心成城。衆口鑠金。國語。仲虺引。言衆怒難犯。人

言可畏也。狐薶之而狐挖之。國語。言反覆無常也。從善如登從惡如崩。國語。衛彪引。言爲惡

易爲善難也。生相憐死相捐。列子。楊朱篇引。欲人之不背死亡也。人不婚宦。情欲失半。人不

衣食。君臣道息。列子。蓋以爲無婚宦二事。不過流於枯槁。若衣食決不可無。衣食可

無。則不必有君以制治。有臣以佐治。人類同於草木。不久將歸於澌滅也。甯爲雞口

無爲牛後。戰國策。蘇秦說韓引。戒人之無志進取。而勸人發憤爲雄也。削株掘根。無與禍鄰。禍

乃不存。國策。張儀說秦引。欲人早斷禍根也。

第十節 隱語之起原

隱語始於春秋。麥麴鞠窮之語。宣十二年傳。及首山庚癸之呼。哀十三年傳。至齊威王之喜隱。這于髡以隱說之。見史記滑稽傳。卽後世之所謂謎。許氏說文。謎。隱語也。演繁露。古無謎字。若其意制。卽伍舉東方朔。謂之隱者是也。至鮑照集。則有井謎矣。文心雕龍。自魏代以來。頗非俳優而君子隱。化爲謎語。謎也者。迴互其辭。使昏迷也。然則謎自周末已有。不過至今日而俗間盛行耳。

第二章 兩漢

第一節 概論

以後人述古代風俗。不如當時人自述之切也。漢人自述當時風俗。以史記貨殖傳爲最確。漢書地理志微有增益。然究不離史記範圍。今摘貨殖傳。而以班志之增益者附下。

關中自汧雍以東至河華。膏壤沃野千里。有虞夏之貢以爲上田。而公劉遷邠。大王、王季在岐。文王作豐。武王治鎬。故其民猶有先王之遺風。好稼穡。治五穀。地重。重爲

邪。及秦文孝繆。居雍隙。隴蜀之貨物而多賈。獻孝公徙櫟邑。北卻戎翟。東通三晉。亦多大賈。武昭治咸陽。因以漢都諸陵。四方輻湊。並至而會。地小人衆。故其人益玩巧而事末也。（班志、漢興立都長安。徙齊諸田。楚昭、屈、景及諸功臣家於長陵。後世世徙吏二千石。高貲富人。及豪桀并兼之家於諸陵。是故五方雜厝。風俗不純。其世家則好禮文。富人則商賈爲利。豪桀則任俠通姦。潁南山近夏陽。多阻險輕薄。易爲盜賊。常爲天下劇。又郡國輻湊。浮食者多。列侯貴人。車服僭上。衆庶放傲。羞不相及。嫁娶尤崇侈靡。送死過度。天水、隴西、山多林木。民以板爲室屋。及安定、北地、上郡皆迫近戎狄。修習戰備。高尙氣力。以射獵爲先。民俗質木。不恥寇盜。巴蜀、廣漢、本南夷。秦并以爲郡。民食稻魚。亡凶年憂。俗不愁苦。而輕易淫佚。柔弱褊阨。景武間文翁爲蜀守。教民讀書法令。未能反以好文刺譏。貴慕權勢。及司馬相如游宦京師諸侯。以文辭顯於世。鄉黨慕循其迹。後有王褒、嚴遵、揚雄之徒。文章冠天下。繇文翁倡其教。相如爲之師。故孔子曰有教亡類。）

夫三河河東河內河南在天下之中若鼎足。王者所更居也。建國各數百千歲。土地小狹。人

民衆。都國諸侯所聚會。故其俗纖嗇儉事。（班志、河內既遠唐叔之風。而紂之化猶存。故俗剛彊多豪桀。侵奪薄恩禮。好生分。周人之失。巧僞趨利。貴財賤義。高富下貧。

憲爲商賈。不好仕宦。鄭土陋而險。山居谷汲。男女亟聚會。故其俗淫。

種代石北也。地邊胡。數被寇。人民矜憤。仗好氣。任俠爲姦。不事農商。其民羯羗不均。

自全晉之時。固已患其慄悍。而趙武靈王益勵之。其謠俗猶有趙之風也。中山地薄人衆。猶有沙邱紂淫地餘民。民俗僂急。仰機利而食。丈夫相聚遊戲。悲歌慷慨。起則相隨椎剽。休則掘冢作巧姦冶。多美物爲倡優。女子則鼓鳴瑟。跕屣游媚貴富。入後

宮徧諸侯。（班志大原上黨。又多晉公族子孫。以詐力相傾。矜夸功名。報仇過直。當也。

嫁取送死奢靡。漢興號爲難治。常擇嚴猛之將。或任殺伐爲威。父兄被誅。子弟怨憤。

至告訐刺史二千石。或報殺其親屬。定襄、雲中、五原其民鄙朴。少禮文。好射獵。

鄭衛與趙相類。然近梁魯。微重而矜節。濮上之邑徙野王。野王好氣任俠。衛之風也。

（班志衛地有桑間濮上之阻。男女亦亟聚會。聲色生焉。故俗稱鄭衛之音。周末有子路、夏育、民人慕之。故其俗剛武。上氣力。宣帝時韓延壽爲東郡太守。承聖恩。崇禮義。尊諫諍。至今東郡號善爲吏。延壽之化也。其失頗奢靡。嫁娶送死過度。）

夫燕亦勃碣之間一都會也。人民稀。數被寇。大與趙代俗類。而民凋悍少慮。（班志、初燕太子丹賓養勇士。不愛後宮美女。民化以爲俗。至今猶然。賓客相過。以婦侍宿。嫁娶之夕。男女無別。反以爲榮。其俗輕薄無威。亦有所長。敢於急人。燕丹遺風也。）

臨淄亦海岱之間一都會也。其俗寬緩闊達。而足智好議論。地重難動搖。怯于衆鬪。勇於持刺。故多劫人者。大國之風也。（班志、管仲身在陪臣。而取三歸。三姓女。故其俗彌侈。其士多好經術。矜功名。其失夸奢朋黨。言與行繆。虛詐不情。急之則離散。緩之則放縱。始桓公兄襄公淫亂。姑姊妹不嫁。於是令國中民家長女不得嫁。名曰巫兒。爲家主祠。嫁者不利其家。民至今以爲俗。）其中具五民。而鄒魯濱洙泗。猶有周公遺風。俗好儒備於禮。故其民齷齪儉嗇。畏罪違邪。及其衰。好賈趨利。甚於周人。（班

志喪祭之禮。文備實寡。然其好學猶愈於俗。

夫自鴻溝以東。芒碭以北。屬巨野。此梁宋也。其俗猶有先王遺風。重厚多君子。雖無山川之饒。能惡衣食。致其畜藏。（班志沛楚之失。急疾顓己。地薄民貧。而山陽爲姦盜。）

以上北方風俗

越楚則有三俗。夫自淮北、沛、陳、汝南、南郡。此西楚也。其俗剽輕易發怒。地薄寡於積聚。江陵故郢都。西通巫巴。東有雲夢之饒。陳在楚夏之交。通魚鹽之貨。其民清刻矜己諾。

彭城以東。東海、吳、廣陵。此東楚也。其俗類徐僮。胸繒以北。俗則齊浙。江南則越。夫吳自闔廬、春申、王濞三人。招致天下之喜游子弟。亦江東一都會也。

衡山、九江、江南、豫章、長沙。是南楚也。其俗大類西楚。與閩中、於越、雜俗。故南楚好辭。巧說少信。江南卑溼。丈夫早夭。（班志。始楚賢臣屈原。作離騷諸賦。以自傷悼。後有宋玉、唐勒之屬。慕而述之。皆以顯名。至漢有枚乘、鄒陽、嚴夫子之徒。興於文、景之際。

而淮南王安亦都壽春。招賓客著書。而吳有嚴助、朱買臣、貴顯。漢朝文辭並發。故世傳楚辭。其失巧而少信。初淮南王安異國中民家有女者。以待遊士而妻之。故至今多女而少男。

九疑、蒼梧以南至儋耳。與江南大同俗。而楊越多焉。番禺亦其一都會也。

潁川、南陽、夏人之居也。夏人政尚忠朴。猶有先王之遺風。潁川敦愿。秦末世遷不軌之民於南陽。其俗雜好事。業多賈。

以上南方風俗

此漢代風俗之大略也。惟西漢重勢利。東漢多氣節。又爲談當時風俗者所不可不知。

第二節 飲食

漢人飲食。除穀類茶酒外。尙有糴。續齊諧記。謂餅。帝作麻餅。饅頭。始於諸葛亮。謂麵粉。

學齋帖。王莽始有啖麵之文。之屬。以供小餐。其普通製作飲食之法。率以鹽豉。見宋玉九辯大苦

殖傳。前漢醋。但醋武內傳。佐其烹調。蜜及蔗汁。玉大招。前漢內傳。蔗亦作柘。柘漿。見宋助

其滋味。其香料、除姜桂外。多用蒜、姜及脂麻。張騫使西域得來姜、香菜也。其製作肉食。別有燒割之一法。劉熙釋名、豕炙全體炙之。各自以刀割食。是也。喜食犬。故屠狗之事。豪傑亦爲之。嗜酒之風太甚。高祖初定天下。廷臣飲酒爭功。高祖頗爲厭之。武帝乃權酒酤。之。昭帝罷之。猶令民得以律占賣酒。升四錢。遂以爲利國之一孔。而酒禁之弛。實溢於此。孝宣以後。時禁時開。以嚴其禁。然未幾而禁弛。羣飲之風如故。求如邠原之遊學。未嘗飲酒。既不可多得。求如諸葛武侯之治蜀。路無醉人。尤難數覩云。

第三節 衣服

漢書五行志曰。風俗狂慢。變節易度。則爲剽輕奇怪之服。故有服妖。王符潛夫論。浮侈篇曰。（昔孝文皇帝躬衣弋綈。厚也。綈音義弋也。革烏韋帶。而今京師貴戚衣服。飲食。車輿、廬第、奢過王制。固亦甚矣。且其徒御僕妾。皆服文組綵牒。後漢書註。卽錦繡綺紈。葛子升越。甯中女布。越文曰。綺。文繡也。前書曰。齊俗作冰紈。子布。又細稱也。沈懷遠南齊書曰。布則蜘蛛作絲。不可見風。甯中黃潤。俗猶呼數金。荊州女子布也。犀象珠玉。虎

漢人勢利頗重。權倖交橫。人輕犯法。仕途溷雜。行私罔上。詐僞相傾。觀元帝時貢禹奏言風俗。畧謂、（武帝縱嗜欲。用度不足。乃行一切之變。使犯法者贖罪。入穀者補吏。是以天下夸侈。官亂民貧。盜賊並起。亡命者衆。郡國恐伏其誅。則擇便巧史書。習於計簿。能欺上府者。以爲右職。姦宄不勝。則取勇猛能操切百姓者。以苛暴威服。下者使居上位。故亡義而有財者。顯於世。欺慢而善書者。尊於朝。諂逆而勇猛者。居於官。故俗皆曰。何以孝弟爲。財多而光榮。何以禮義爲。史書而仕宦。何以謹慎爲。勇猛而臨官。故黥劓而髡鉗者。猶復攘臂爲政於世。行雖犬彘。家富勢足。目指氣使。是爲賢耳。故謂居官而置富者。爲雄桀。處姦而得利者。爲壯士。兄勸其弟。父勉其子。俗之敗壞。乃至於是。察其所以然者。皆以犯法得贖罪。求士不得真賢。相守崇財利。誅不行之所致也。）仲長統昌言有曰。豪人貨殖。樂過封君。勢倖守令。財賂自營。犯法不坐。及史記貨殖傳。謂自廊廟朝廷。巖穴之士。無不歸於富厚。等而下之。至於吏士。舞文弄法。刻章僞書。不避刀鋸之誅者。沒於賂遺。平準書甚言捐納之濫。可以見矣。

第五節 任俠刺客

自戰國豫讓、聶政、荊軻、侯嬴之徒。以意氣相尚。一意孤行。能爲人所不敢爲。世競慕之。漢初有田橫之客五百人。及貫高、田叔、朱家、郭解輩。徇人刻己。然諾不欺。以立名節。而灌夫、汲黯、鄭當時、朱雲、樓護、陳遵等。并以喜任俠稱。馴至東漢。其風益盛。杜季良、孫豪俠好義。憂人之憂。樂人之樂。清濁無所失。父喪致客數郡畢至。雖馬文淵、援

亦愛之重之。而耿弇父況。至以俠游爲字。

蓋術、董卓、段熲、賈淑、李固之子、樊等亦好任俠。

可想見當日之習

尚矣。時尤慕荊軻之風。公孫述曾遣刺客制來歙、岑彭之死命。馬文淵之對光武有云。臣今遠來。陛下安知非刺客。而誕易若是。則以刺客之多。宜動色相戒也。且漢時薦舉徵辟。必採名譽。故凡可以得名者。必全力赴之。好爲苟難。遂成習尚。其大概有數端。是時郡吏之於太守。本有君臣名分。爲掾吏者。往往周旋於死生患難之間。如李固被戮。弟子郭亮上書請收固尸。杜喬被戮。故掾楊匡守護其尸不去。由是皆顯名。固傳第五種爲衛相。善門下掾孫斌。種以劾宦官單超。兄子匡坐徙朔方。朔方太

守董援。超外孫也。斌知種往必被害。乃追及種於途。格殺送吏。與種俱逃以脫其禍。種後漢傳大原守劉瓚。以考殺小黃門趙津。下獄死。王允爲郡吏送瓚喪還平原。終三年乃歸。九傳公孫瓚爲郡吏。太守劉君坐事徙日南。瓚身送之。自祭父墓曰。昔爲人子。今爲人臣。送守日南。恐不得歸。便當長辭。乃再拜而去。瓚傳此盡力於所事。以行其義俠者也。至若感知遇之恩而制服從厚。則有傅奕、李恂、樂恢、桓典、荀爽、諸人。以讓爵爲高。則有韋元成、鄧彪、劉愷、桓郁、丁鴻、郭賀、徐賀、諸人。輕生報仇。則有何容、郅惲、諸人。皆由任俠好氣。已成習尚。故志節之士。好爲苟難。務欲絕出流輩。以成卓特之行。而不自知其非也。能舉世以此相高。故國家緩急之際。尙有可恃以撐拄傾危。以視名節絕少之國。國亡而奄奄無生氣者。其相去直不可以道里計矣。

第六節 家法

蕭相國爲家。不治垣屋。曰後世賢師吾儉。不賢母爲勢家所奪。史記蕭相國世家萬石君家以孝謹聞乎郡國。前漢石奮傳而疏廣之示子孫。有賢而多財則損其志。愚而多財則益

其過之語。後世以爲名言。馬援之以書戒姪也。令其效龍伯高之敦厚周慎。而勿效杜季良之豪俠好義。此等謹飭之論。是亦士大夫教正其子弟驕縱者之一法也。後漢黨錮傳。范滂以黨錮逮捕。其母與之訣曰。汝今與李杜齊名。死亦何恨。夫滂母一婦人女子耳。而能勵其子以忠義。以此見滂之成立有自。而又可徵當時風俗之厚也。若夫陳萬年爲三公而教其子以調。其無恥已達極點。前漢書陳萬年傳萬年始爲郎中。行修然善事人。路遺外戚許史。傾家自盡。克代子定國爲御史。病將死。召其子咸。數戒於牀下。語至夜半。咸睡。頭觸屏風。萬年怒。欲杖之。咸曰。具曉所言。大概教咸。咸也。霍光不能治其家。後竟遭族滅之禍。前漢霍光傳光傳光愛幸監子禹。兄孫雲。山皆貴。雲山井繕治第宅。走馬馳逐。不樂館。雲及諸女。晝夜出入。長信宮殿中。亡期度。宣帝苑中。使蒼頭奴上朝。請莫敢隨者。而願及諸女。晝夜出入。長信宮殿中。亡期度。宣帝自在民間。知霍氏尊盛日久。內不能善。願欲貴其女。試宣帝許皇后。光不忍發舉。光薨後。語稍泄。後願與雲山與范明友。鄧廣漢謀廢立。帝覺伏誅。願光之妻也。居家者可不戒哉。

第七節 分居

漢人以分居爲惡俗。如太史公言。商君治秦。令民有二男以上不分異者。倍其賦。史記

傳商君。賈誼言。秦人家富子壯則出分。家貧子壯則出贅。前漢班氏地理志云。河內薄恩禮。好生分。潁川好爭訟生分。黃韓化以爲俗。皆以分居爲國俗之敝也。漢桓帝之時。更相濫舉。時人爲之語曰。舉秀才不知書。舉孝廉父別居。抱朴子。蔡邕與叔父從弟同居。三世不分財。鄉黨高其義。後漢應劭風俗通。所謂兄弟同居爲上也。以分居爲惡。同居爲美。已成社會上普通之觀念。惟陸賈家於好時。有五男。出所使越得橐中裝寶千金。分其子。子二百金。令其生產。不但可謂之達。其卓識固有與今日生計學理相合者。蓋同居共財。最長子弟之倚賴性。子弟之衣食常仰給於父兄。遂至不能生利。而僅能分利。故有子弟益多。而父兄益困。父兄匱乏。而子弟因之以無賴者。誠使胥天下之父兄。而主張同居共財。是將胥天下之子弟。而爲分利之人也。胥天下之父兄。因同居共財而困難。是將胥天下之子弟。而歸於無賴也。豈非大戾於生計學理耶。若北魏裴植。雖自州送祿奉母及贍諸弟。而各別資財。同居異爨。一門數甕。唐姚崇遺令。以達官身後失蔭。多至貧寒。斗尺之間。參商是競。欲做陸生之意。

預爲分定以絕其後爭。斯亦不慕同居共財之虛名。而務求切實者。

又按分居之俗。自來君主及士大夫。皆不以爲然。如唐肅宗、乾元元年四月詔元宗、天寶元年正月

敕宋太祖、開寶元年六月詔太宗、淳化元年九月詔真宗、大中祥符二年三月詔遼聖宗、統和元年十一月詔皆下

詔禁止。或論罪。隋盧思道聘陳。以詩嘲南人。有共甌分炊飯。同鑪各煮魚之句。唐李

義山雜纂。以父母在。索要分析爲愚昧。宋劉安世劾章惇。父在別籍異財。絕滅義理。

馬亮爲御史中丞。上言祖父未葬。不得別財異居。李元綱厚德錄顧亭林痛斥江南之俗。人

家兒子娶婦。輒求分異。日知錄是已。柴氏紹炳曰。累世同居。自古爲美談。如楊椿、張

公藝、江州陳氏、浦江鄭氏之屬。并見旌異。而袁君載獨云。每見義居之家。交爭相疾。

甚於路人。則甚美反成不美。故兄弟當分。宜早有所定。倘能相愛。雖異居異財。不害

爲孝義也。余謂一家內外大小。果能同心協力。自當以共居爲善。倘其間未免參差。

恐難強合而不相得。不如析箸爲愈耳。至於父子別籍。若蔡京、蔡攸之。各立門戶。是

則惡孽之大者。（然則分居未嘗不美。惟三國志所言冀州之俗。父子異部。更相毀

譽。顧氏日知錄所言。江浙之俗。父子兄弟各樹黨援。兩不相下。萬厯以後。三數見之。則真惡俗也。

第八節 居鄉

漢士大夫居鄉。若召馴之德行恂恂。以後漢召馴傳。馴字伯春。徵。恂。不。拘。伯。春。張。湛。之。

詳言正色。在後漢張湛詳言正色。三輔。動。止。有。則。及。許。劭。之。品。題。鄉。黨。人。物。與。後。漢。許。劭。俱。有。

高。傳。去。好。共。發。論。鄉。黨。人。物。每。月。入。鄉。界。乃。謝。遣。賓。客。曰。吾。與。眼。豈。許。可。令。許。子。將。見。遂。

以。單。章。皇。甫。規。之。退。污。吏。而。進。自。好。之。士。安。定。鄉。人。有。以。貨。得。門。守。者。書。刺。謁。歸。

起。衣。不。及。迎。既。入。而。出。迎。時。人。在。郡。食。罷。曰。美。乎。有。二。鄉。人。王。符。至。規。違。王。烈。之。化。盜。王。烈。後。漢。

傳。烈。字。彥。方。以。義。行。稱。鄉。里。有。盜。牛。者。主。得。之。曰。刑。戮。是。甘。乞。兒。不。使。王。彥。方。知。也。烈。

名。以。告。烈。乃。郭。林。宗。之。化。凶。德。爲。善。良。論。故。官。官。蓋。傳。政。而。不。能。善。人。倫。而。不。爲。危。言。激。

人。亦。至。威。言。以。厚。林。宗。賢。而。受。惡。人。心。慙。慙。之。不。遠。而。去。林。宗。也。追。而。謝。之。曰。買。子。厚。誠。

實。凶。德。終。成。善。士。向。善。仲。尼。不。道。者。淑。輒。傾。身。教。導。也。謝。里。所。稱。司。馬。均。陳。寔。蔡。衍。之。

平爭訟。

後漢賈逵傳，東萊司馬均字少賓，安直，好學，無敢言，視即盟誓也。言令於少

賓之，前發誓也。陳寔傳，寔在鄉里，鄉里平心率物，其有爭訟，輒求判正，曉譬曲直，退無怨者。蔡衍傳，衍以禮讓化鄉里，鄉里有爭訟者，詣衍決之，所平處皆曰無怨。有足

多者。後漢書杜密傳。密爲北海相。去官還家。每謁守令。多所陳託。同郡劉勝。亦自蜀郡告歸鄉里。閉門掃軌。無所干及。太守王昱謂密曰。劉季林清高士。公卿多舉之者。密知昱激己。對曰。劉勝位爲大夫。見禮上賓。而知善不薦。聞惡無言。隱情惜己。自同寒蟬。此罪人也。今志義力行之賢。而密達之。違道失節之士。而密糾之。使明府賞刑得中。令聞休揚。不亦萬分之一乎。昱慚服。胡氏讀史管見曰。一如密之論。軒揚激發。固非常士所及。然勝之行深潛靜。退可爲鄉里之式。若密者。非惟患出位之譏。亦取禍辱之道也。遇王昱賢者。能容之耳。愚謂劉勝居鄉。猶效袁盎、張竦、龍述。杜密居鄉。猶效陳遵、杜葆。爲劉勝易。爲杜密難。蓋惡直醜正之風。久行於世。劉勝之流。不失爲鄉愿伎倆。而偏與鄉里相宜。且居鄉而欲自見才具。遇事干涉。未免迹近武斷。常授訾議者。以口實。杜密雖不至於武斷。而惡之者固多也。三代之盛治。始於鄉。全恃

一。一賢有力者。集鄉人而謀地方自治。若人盡如劉勝。則社會之事。誰與肩任。明高忠憲答朱平涵居鄉書。謂（居廟堂之上。則憂其民。處江湖之遠。則憂其君。此士大夫實念也。居廟堂之上。無事不爲我君。處江湖之遠。無事不爲我民。此士大夫實事也。實念實事。週三光、敝萬物、而常存。）夫處江湖之遠而憂君爲民。其不能如鄉愿之流。一意沽鄉人之譽也。不待智者而知矣。劉勝者乃規避取巧之徒。焉能比杜密也。

第九節 鄉評

兩漢鄉舉里選。必先考其生平。高帝紀：造紀。元風國府。習義年。謂書其平日爲人之諸郡韓福等五人。出宣帝紀。令郡國舉孝弟有行義。聞於鄉里。一玷清議。終身不齒。各一人。武帝元朔五年。禮官勸學。一謂亦曰。崇鄉里之化。里一玷清議。終身不齒。

君子有懷刑之懼。小人存恥格之風。教成於下。而上不嚴。論定於鄉。而民不犯。故韓信無行。不得推擇爲吏。陳湯無節。不爲州里所稱。主父假學縱橫。諸儒排擯不容。李陵降匈奴。隴西士大夫以爲愧。范滂少勵清節。爲州里所服。蔡邕與叔父從弟同居。

三世不分財。鄉黨高其義。東漢末葉。臧否人倫之風最盛。汝南有許劭月旦之評。遂以成俗。若曳白之徒。倩買文字。僥倖仕進。流俗亦恥之。故陽球奏罷鴻都文學畫像疏。至謂（假年倩字。妖怪百出。有識掩口。）蓋公是公非。無所假借。斯固三代直道之僅存者也。

第十節 婚娶

嫁娶太早。尤崇侈靡。貧人不及。故多不舉子。非見前漢地理志王符傳。舉行之時。大率以

父主婚。王吉傳。翁主婚也。顏注。言其父主婚也。而有幕帷之俗。通典。東漢魏晉以來。或服或。過良言。急於嫁娶。乃以紗縠。蒙女面。而夫氏發之。

因拜舅姑。俱成。有撒帳之俗。事物原始。李夫人初至。帝迎入帳中。共坐。歡飲之後。預

得果多也。得結婚自由。司馬相如之離婚自由。朱買臣妻去。配合之時。不論行輩。漢惠帝

乃帝姊。元公主之女。則帝之女甥也。哀帝后傅氏。乃帝祖母。傅太后從弟之女。則

外家諸姑也。又江都王建女細君。嫁烏孫昆莫。其孫岑陳欲尙之。武帝竟詔從其請。一夫多妻之制盛行。公侯之宮。美女數百。卿士之家。侍妾數十。仲長統重男輕女之

風亦盛。宣帝時王吉上疏。至謂（漢家列侯尙公主。諸侯則國人承翁主。言傳天子

女曰伯女曰公主國人娶諸侯女曰承翁主。

使男事女。夫詘於婦。爲逆陰陽之位。斯亦昧於敵體之義者

矣。其時女子私夫不以爲諱。如武帝之姊館陶公主寡居。寵董偃十餘年。武帝至主家呼偃爲主人翁。後主竟與董偃合葬。東方朔傳昭帝之姊安鄂邑蓋公主寡居。私通丁外人。帝與霍光聞之。不絕主歡。詔丁外人侍主。是也。桓寬鹽鐵論云。送死殯家。遣女滿車。此等事司馬遷、班固亦三致意焉。馬季長融謂嫁娶之禮儉則婚者以時矣。喪祭之禮約則終者掩藏矣。亦有心世道之言也。

第十節 喪葬

自漢文短喪之詔下。而大臣不行三年喪。遂爲成例。統計兩漢臣僚。爲父母服三年喪者甚少。鄧衍不服父喪。明帝聞之。雖薄其爲人。然朝廷本無服喪定例。故亦不能以此罪之。其臣下丁憂。自願行服者。則上書自陳。有聽者。有不聽者。亦有暫聽而朝廷爲之起復者。又因兩漢喪服無定制。聽人自爲輕重。於是循名義者甯過無不及。除江華、東海王璩、原涉、游俠傳銚期、韋彪、鮑昂、鮑永傳袁紹等之喪。父母三年外。尙有爲

父及後母行六年服之薛包。劉琨傳爲後母服喪三年之公孫宏。爲舉主服喪三年

之傅毅、荀爽、桓鸞。爲郡將服喪三年之李洵、桓典、王允。以師喪持服之侯芭、馮冑。前漢

戴錄亦爲朋友服喪三月以期功喪去官之崔寔、韋義、楊仁、譙元、馬融、陳寔、戴封、賈逵焉。人未死

之前。則有生壙。趙岐傳既死之後。則有招魂。武帝於李夫人有挽歌。田橫之客作有行狀。裴松

國志註引用先賢行狀甚多有堪輿相地吉凶。漢書藝文志有堪輿金匱書十四卷既塋之後。有碑文。歐陽修有墓誌銘。

郭太傳蔡邕自謂爲碑銘甚多亦有自誌銘作碑文者如趙嘉傳突杜子夏是也而墓上須種柏作祠堂。魏勝祠堂之內

常設影堂。顧亭林所謂尸禮廢而像事興者也。壻間之祭始於周人。而漢人亦尙墓

祭。橋元之死。曹操感其知己。於寒食時。自爲文以炙雞斗酒祭於其墓。魏文爲寒食墓祭始此

蓋漢人以宗廟之禮。移於陵墓。有人臣而告事於陵者。蘇武有因上冢而會宗族故人

及郡邑之官者。樓護有上冢而大官爲之供具者有人主而臨人臣之墓者。光武

重先主於霍峻有贈謚而賜之於墓者。肅宗於陰有庶人而祭古賢之墓者東征賦民亦人

情所趨。遂成風俗。其流弊。有如楊倫、行喪於恭陵者矣。有如趙宣、葬親而不閉塋隧。

因居其中行服二十餘年者矣。至乃市井小人相聚爲宣陵孝子者數十人。傳也皆

除太子舍人。此其壞禮教之尤者也。當時厚葬之俗。係沿春秋列國之舊。至於引盜

賊之發掘。雖帝王陵寢亦所不免。漢書王莽傳亦眉發掘園陵。晉書索綝傳建興中盜發漢霸杜二陵案文帝霸陵宣帝杜陵劉

更生向諫起昌陵疏。所爲痛陳厚葬之禍。而引吳闔閭秦始皇以爲戒也。若龔勝、張

奐、主張薄葬以免發掘。貢禹、周磐、王符、趙咨皆深不以厚葬爲然。楊王孫至裸葬以

挽流俗。王孫答友人書。大概謂體魄無知。死欲速朽。趙咨與子書意同。其針砭當世

殊激切矣。漢成帝明帝和帝亦曾下詔禁民葬埋踰制

第十二節 淫祀

古者祀典。掌於秩宗。周禮春官一職。釐然不紊。春秋以降。漸有淫祀。秦漢之際。方士說興。淫祀更不可究詰。觀史遷封禪一書可知矣。然封禪書之作。史遷具有深意。其終曰。無有驗。無有效。其心如揭也。貢禹、匡衡、韋元成、谷永、力闢淫祀。漢之郊祀賴其駁奏。古制復存。然王莽末年。猶崇淫祀千七百所。應劭風俗通祀典篇。於淫祀及神

怪禁忌之事。多所指斥匡正。其正失篇。又力斥漢武封禪延壽。王喬仙令、東方朔大白星精、淮南王安神仙、王陽能鑄黃金、及天雨粟、日再中、虎渡河、馬生角等說爲不經。王符潛夫論亦甚言巫祝祈禱之糜費無益。宋均則師西門豹。禁河伯娶婦之故智。殺巫以禁九江公嫗奉神之俗。第五倫則按論依託鬼神恐怖愚民者。以禁會稽之淫祀。議論之正。立禁之嚴。固皆有心世道者。然迷信既深。有朝禁而夕弛。此息而彼興者。毋亦民智未開之故耶。

第十三節 佛道

佛法之入震旦也。據別史所言。或謂秦時與寶利防等交通。西漢時從匈奴得金人。實爲我國知有佛之嚆矢。真僞第弗深考。其見於正史信而有徵者。則東漢明帝永平十年。西印度之攝摩、竺法蘭二師。應詔齎經典而至。於是佛之教義始東被。然我民族。宗教迷信之念甚薄。不能受也。至桓帝始自信之。興平間。民間亦漸有信者。自此經三國以至六朝隋唐。遂爲佛教極盛之時代。道者。老學之支流也。老學有二派。

一丹鼎派。二符籙派。丹鼎派起於漢初。符籙派起於漢末。道教卽符籙派也。順桓間。宮崇襄楷。始以于吉神書上於朝。後張角用其術以亂天下。同時張道陵亦傳此術。密相傳授。延至後世。仰爲真人。奉爲天師。自是南北朝士夫。習五斗米道者五斗米。卽張道陵教派之名。史不絕書。而寇謙之最顯於北。陶宏景最顯於南。六藝九流一切掃地。而此派獨滔滔披靡天下矣。

第十四節 奴婢

說文曰、奴婢古之罪人。按書曰予則奴戮汝。論語曰箕子爲之奴。卽周官所謂罪隸之奴也。春秋傳曰、斐豹、隸也。著於丹書。請焚丹書我殺督我。恥爲奴欲焚其籍也。神州舊俗。無所謂奴婢。有之乃從坐而沒入者耳。於戲、均產主義不復行於吾國。則人數中不能無奴婢一倫。吾滋痛爾。先王分土授田。一夫無失其所。當彼其時。事父兄者子弟也。事舅姑者子婦也。周官九職。臣妾聚斂。疏材。質人掌民人之質劑。蓋役於士大夫之家。如後世所謂官奴耳。戰國秦漢以後。平民始得相買爲奴。漢書貨殖傳。齊俗賤然。然。

而刁閹獨愛之。禁黠奴人之所患也。惟刁閹敢取使之逐魚鹽之利。或連車騎。交

守相。然愈益任之。終得其力。起家數十萬。又高祖本紀。五年夏五月。詔民以饑餓自

賣爲人奴婢者。然若漢制嚴賣人法。後漢書世祖本紀。建武七年五月。詔吏人遭饑

皆免爲人庶人。聽之。敢拘制不還。與唐律不許典貼良人男女作奴婢驅使。則猶欲從古之道。至若

罪隸舂鑿之屬。從坐沒入者。猶必卹愛之。是故漢制有殺奴婢之禁。有灼炙奴婢之

禁。後漢書世祖本紀。建武十一年二月。詔曰。天地之性。人爲貴。其殺奴其後立奴婢

與庶人犯罪平等之律。建武十一年十月。詔除又其後詔從沒者悉免爲庶人。後漢

安帝本紀。永初四年二月。詔嗚呼。吾漢世蓋儼然有釋奴之風矣。顧亭林曰。士大

夫之家所用僕役。令出賃雇募。苟不由此。則對於奴婢。苛虐既失之。寬縱亦失之。

無已。則有取於袁氏之治家。袁氏世範治家篇。言然尙未去奴婢之名也。吾知他日

世界進化。對於奴婢必有兩事。一在實行一妻之制。而先之以唐甄之去奴婢。唐甄

第十五節 詩歌

漢人以三百五篇當諫書。

前漢王式傳

又自孝武立樂府而采謠謠。於是有代趙之謳。秦

楚之風。皆感於哀樂。緣事而發。亦可以觀風俗知厚薄焉。

前漢藝文志詩歌類

雖然。賦亦古詩

之流也。故當時言語侍從之臣。若司馬相如、虞邱壽王、東方朔、枚臯、王褒、劉向、之倫。

皆朝夕論思。日月獻納。而公卿大臣兒寬、孔臧、董仲舒、劉德、蕭望之、等。時時問作。或

以抒下情而通諷諭。或以宣上德而著忠孝。

班固兩都賦序

其作用。與今之報紙等。以予所

聞。東方朔不失爲主文譎諫。相如、揚雄。則常以貢媚獻諛爲事。班固兩都。張衡兩京。

庶乎諷諫切至者。又徒歌爲謠。若翟方進壞陂之謠。

前漢本傳

趙飛燕張公子之謠。

前漢外戚傳

及桓靈時之童謠。

後漢本紀

或刺政貪。或言黨禍。或指中常侍之亂。皆係實錄。足以警

戒人主焉。

漢武柏梁臺聯句。有（三輔盜賊天下危。盜阻南山爲民災。外家公主不可治）之

句。足見當時臣下能指斥時事。而朱虛侯劉章之耕田。張衡之四愁。梁鴻之五噫。蔡琰

之悲憤。江都王建女細君之悲愁。皆發於憂國愛國之忱。不可多得。以及班婕妤怨

歌行之（涼颼奪炎熱。恩情中道絕。）辛延年羽林郎之（男兒愛後婦。女子重前夫。人生有新故。貴賤不相踰。多謝金吾子。私愛徒區區。）陌上桑之（使君自有婦。羅敷自有夫。）寶元妻所歌之（衣不如新。人不如故。）不但見其愛情之纏綿。節操之凜烈。亦卽所以諷人主。使之注意新故也。其對於循吏之有感情者。除白公、召父、杜母、賈父外。其朱暉、張堪、范丹、廉、范曄、等傳。可取而觀焉。以視潁水之歌灌夫。印纍綬。若之歌石顯。好惡迥不侔矣。嗟夫。（男兒重意氣。何用錢刀爲。）此卓文君之白頭吟也。可以增人豪氣。（梟騎戰鬪死。驚馬徘徊鳴。）此漢鑣歌之戰城南也。可以激發人尙武精神。至諸葛武侯爲梁父吟。崇拜義俠。其自負亦豈小耶。

第十六節 言語

（甲）名稱。一、先生。漢時先生二字。或稱先。或稱生。如史記鼂錯傳。錯初學於張恢先所。漢書則云初學於恢生所。一稱先。一稱生。又鼂錯傳。諸公皆稱爲鄧先。貢禹傳。朕以生有伯夷之廉。或稱先。或稱生。顏注。皆訓爲先生。是也。二、足下。足下乃戰國時

人主之稱。

蘇代遺燕昭王書，樂毅報燕惠王書，蘇厲與趙惠文王書，及蘇秦說燕易王，范雎見秦昭王，皆稱足下，是也。

楚漢之交。酈生說

沛公亦稱足下。漢興猶然。漢書文帝紀。丞相臣平、大尉臣勃、主客臣揭等再拜言大

王足下。是也。後遂爲彼此通稱矣。三、門生。漢世公卿多自教授。聚徒至數百人。其親

受業者爲弟子。轉相傳授者爲門生。

見歐陽公孔氏傳陰名跋。

顧亭林則謂漢人以受學者爲弟

子。其依附名勢者爲門生。引郅壽傳、竇憲使門生詣壽。楊彪傳、王甫使門生辜權。以

憲外戚。甫奄人。不應有轉授之門生爲證。實則二說皆可存也。四、臣。對人稱臣。亦戰

國之餘習。史記高祖紀。呂公曰、臣少好相人。張晏曰、古人相與言多稱臣。猶今人相

與言自稱僕也。天下已定。廷臣對諸侯王雖稱臣。其後此風遂息。僅王官於國君。屬

吏於府主稱之。然漢之諸侯王有自稱臣者。齊哀王之遺諸侯王書稱臣。是也。天子

有自稱臣者。如高祖之奉玉卮爲太上皇壽。景帝之對竇太后。皆稱臣。是也。五、人君。

漢書高帝詔曰。爵或人君。上所尊禮。顏師古曰。爵高有國邑者。則自君其人。故云或

人君也。是人臣亦可稱人君也。六、本朝。漢人有以郡守之尊。稱爲本朝者。司隸從事

郭究碑云。本朝察孝。貢器帝庭。豫州從事尹宙碑云。綱紀本朝。是也。亦謂之郡朝。後漢劉寵傳。未嘗識郡朝。是也。亦謂之府朝。晉書劉琨傳。造府朝。是也。七、殿。人臣之屋稱殿。觀漢書霍光、黃霸、董賢等傳。及三國志張遼傳。可知矣。八、法駕。後漢鮑宣傳。爲豫州牧。行部乘傳去法駕。是法駕。人臣亦得稱之也。九、萬歲。萬歲爲當時相慶賀之通稱。後漢吳良傳注。引東觀漢記。歲旦郡門下掾王望舉觴上壽。掾史皆稱萬歲。及後漢韓稜、馬援、馮魴等傳。亦多稱人臣爲萬歲。是也。然李固出獄。京師市里皆稱萬歲。遂爲梁冀所疾。而卒以見殺。亦可見其爲非常之辭矣。

母家。亦謂之外家。後漢王符傳。符安定人。安定俗鄙庶孽。而符無外家。爲鄉人所賤。著書三十篇。號潛夫論。宋黃山谷所謂解著潛夫論。不妨無外家者也。

(乙) 諺語。以權利合者。權利盡而交疏。鄭世能行之者未必能言。能言之者未必能行。孫吳變古亂常。不死則亡。袁不知其人視其友。張馮當斷不斷。反受其亂。申

君傳桃李不言。下自成蹊。李將軍百里不服樵。千里不販糴。貨殖千金之子不死於

市。上同。農不如工。工不如商。刺繡文不如倚市門。上同。竊鈎者誅。竊國者侯。侯之門仁義

存。游俠傳。人貌榮名。上同。利令智昏。平原君傳。力田不如逢年。善仕不如遇合。倭幸傳。此見

於史記者。千人所指。無病而死。王嘉傳。水至清則無魚。人至察則無徒。東方朔客難。不習爲

吏。視已成事。賈誼傳。前車覆。後車誡。上同。狡兔死。走狗烹。飛鳥盡。良弓藏。

敵國破。謀臣亡。韓信傳。遺子黃金滿。簾不如教子一經。韋賢傳。前有趙張。後有三王。趙廣漢等傳。

蕭朱結綬。王貢彈冠。蕭望之傳。惟寂寞。自投閣。爰清淨。作符命。揚雄傳。楚人沐猴而冠。項籍傳。

婦兒人口不可信。陳平傳。以管闕天。以蠡測海。東方朔傳。牯糠及米。吳王濞傳。此見於前漢書

者。萬事不理。問伯始。天下中庸。有胡公。胡廣傳。車如鷄。栖馬如狗。疾惡如風。朱伯厚。

即朱雲也。陳蕃傳三輔謠。竈下養中郎將。爛羊頭。關內侯。劉聖公傳。城中好高髻。四方高一尺。城中好

廣眉。四方且半額。城中好大袖。四方全匹帛。馬援傳。貴易交。富易妻。宋宏傳。關西出將。

關東出相。虞翻傳。孤犢觸乳。驕子罵母。循吏仇覽傳。此見於後漢書者。又劉向別錄引。唇亡

而齒寒。河水崩。其壞在山。新序引。蠹啄仆柱梁。蚊芒走牛羊。應劭風俗通引。狐欲

渡河。無奈尾何。)(婦死腹悲。惟身知之。)(縣官漫漫。怨死者半。)(金不可作。音世不

可度。)(皇點破秦桓譚新論引、人聞長安樂。則出門而西向笑。知肉味美。則對屠門而

大嚼。牟子東漢引、少所見多所怪。見橐駝言馬腫背。易緯引、(一夫兩心。拔刺不深。

)(躓馬破車。惡婦破家。)(崔寔四民月令引農語、三月昏參星夕。杏花盛桑葉白。)(

河射角堪夜作。犁星沒水生骨。)(鄭康成月令注引里語、(蜻蛉鳴。衣裘成。蟋蟀鳴。嬾

婦驚。)(馬總意林卷四引漢王逸正部論、(政如冰霜。姦宄消亡。威如雷霆。寇賊不

生。)(意林卷五引魏子、(己是而彼非。不當與非爭。彼是而已非。不當與是爭。)

右所舉或達世情。或識治體。或持清議。或寓譏諷。亦可略考當時民情矣。而尤以

金不可作世不可度之語。爲切中時弊。

(丙)方言。公羊多齊言。淮南多楚語。此易考見者。揚子方言。其目甚繁。難於枚舉。

今將許氏說文中方言之最著者錄於下。

僕

僕同。宋衛之間。謂華僕僕。方言。凡美容。謂之僕。或謂之醜。僕。段玉裁按。僕亦作僕。僕。僕。輕薄美好貌。按。香釋。謂之美容。曰醜。僕。醜。僕。僕。

娃

娃。故吳有館娃之宮。楚之閭謂好娃。今其注地方言。娃。美好也。吳事。尙稱好娃。曰

姐

羌蜀人呼母。母曰姐。淮按。晉江之西。社。寓。載。女。人。且。呼。母。亦。曰。姐。注。

嫗

人有所恨。痛也。今汝南

嫗

細。秦。爲。嫗。

揜

索自。取也。以東。取曰揜。一方曰覆也。

粥

正。呼。鷄。重。言。之。從。粥。也。州。者。相。粥。若。之。時。段。注。當。一。本。粥。作。粥。呼。難。粥。重。言。之。也。粥。淺。古。人。粥。字。難。聲。夏。粥。小

意。粥。則。祝。人。當。重。謂。粥。呼。之。風。俗。通。曰。呼。左。難。傳。朱。州。吁。殺。與。梁。朱。作。祝。吁。博。祝。物。志。引。祝。難。音。善。和。養。難。之

祝。呼。

嘖

呼。南。陽。嘖。大

嘖

人。呼。遇。切。吳

嘖

兒。泣。不。聲。秦。晉。嘖。

辟

而。益。不。梁。之。州。謂。不。達。謂。之。秦。辟。辟。

聾 耳無之也。按：聾五音者，切之無耳。吳楚謂之聾。

瞶 瞶，目無也。秦語：一曰

瞶，瞶，目無也。秦語：一曰

饌 乃其送食曰饌。女嫁

饌 吳人謂

臄 益州人言人肥，謂其肥，謂子之王。臄，代也。

臄 分，臄也。七發所載：牛合之，臄也。毛傳云：射合左臄肉三者。他云：臄，革小臄肉，兩邊分肉也。獨此數處，不可

曰：今俗謂牲如標者。

夥 齊謂多也。方音曰：夥。按：今物盛多，曰夥。

胖 匹絳切。肥爲胖。唐韻：正豐字。

戲 又取也。段按：泥方音，謂之祖。或謂之戲。

八 分別也。段按：今江西及湖南，以物與人，謂之八。若把八

此說文中之方言也。至於毛與多謝等語。則又可以考焉。

毛

漢書高惠后文功臣表。靡有子遺。毛字。作無。今注。俗語猶然。或謂無。通乎。按。謂無。

爲飯。兩漢唐宋。相沿已久。曾慥高齋漫錄。載毛錢。種父折。荀簡爲三。東坡。謂以毛爲。無乃。

蜀語。又佩。楚。廣東。呼無。爲毛。

多謝

辛延年羽林郎詩。多謝金吾子。漢書趙廣漢傳。注。多。同。者。書。

阿誰

蜀志。龐統傳。向者。

手下

江表傳。孫策。謂太史慈曰。先君手下。兵數千餘人。

貧

老母之稱。史記高祖本紀。常從王媼。武負。大負。酒。如耳。漢書。母也。古語。謂老母爲。

公

婦謂男也。前漢書。

了了

慧也。曉了。了。大。宋。必奇。

收債

戰國策。馮說爲孟嘗君。

媼

母老之稱。史記高祖本。

簪楚人謂
然人髮

婦釋名：青徐呼女曰婦。吳人謂女也。女始生，人意不喜，作

嬌冥前漢外戚傳：嬌曰嬌太息。注：晉灼曰：三輔

寄居前漢息夫躬傳：歸國

不中用史記：始皇本紀：吾前收天下書，不中用者，趣外自避。退，毋久妨賢。

小家子漢書：霍光傳：樂成

主人翁史記：范雎傳：主

十八九漢書：吉傳：至

年紀光武紀：建武十五年，詔下州郡

分付漢書：游俠原涉

交代漢書：蓋寬饒傳：及漢書之交代，白虎通義

什物後漢宣秉傳：賜

曉示

漢書循吏董黯傳黯令人曉示違犯禁王

主者

史記陳丞相世家各有主者後漢劉有陶所侵毀主

傳語

後漢清河王常侍

收拾

光武紀吏人死或不能收拾垣毀

尋思

漢書循吏劉矩傳以爲訟者惑之

見在

鄭康成周禮夏官燕人亡者問之見在者

比數

鄭康成注簡謂大司馬簡

先輩

鄭康成詩采薇箋今薇

如今

鄭康成詩杜箋征夫

雜碎

後漢仲長統傳百

普請

三國志呂蒙傳孤普

牢固

三國志陸抗傳吾牢固乎

享福

後漢書鄧訓傳是以延年

久住

蜀志諸葛傳是以分

暫住

飛志鍾離牧傳開

長住

易林乾作聖男坤作智

扇

須臾切淮南子左擁風而代扇

開張

釋名袂擊也擊開也開張宜之開以張聖賢

臨場

後漢劉表傳論臨場

辭謝

史記呂后紀代

清亮

後漢鄧顓傳

奉行故事

書率百官若帝之初傳之

管事

史記李斯傳趙高以刀筆

那

音伯賀切後漢書公是

些款乃音舟州山乃音漢宋玉之些子雲之款乃皆方

罷休史記吳王謂罷必綴曰一將事罷休

抓音翹播也見淮南子

數項羽是也范雎之數謂須賈漢高數之數

脂周禮考工記蘇凡州呢之髮粘不能曰方臘

鑽班固答賓戲猶鑽物挾之三術以鑽孝公入鑽即鑽營之語謂今入謂曰善鑽如鑽進去曰善鑽進去

好弄曰鬧
鑽是也

放手後漢書穰吏放手今蘇

卒暴前漢陳湯傳與卒暴急爲卒暴音

勃率率音祿入聲司馬相如傳不輕解曰率上金

佻儻音如儻師古又音進態儻不果也司馬相如賦仡

發笑前漢司馬遷傳可鄙笑曰發笑而自

襪襪 及古不自整。今理物。襪曰子。襪。而向人家。今俗謂人劣。曰。襪。不。作。

鑿糟 漢書王翁歸。俗謂鑿。關。皋。之下。物。曰。世。俗。以。鑿。京。師。人。為。鑿。糟。蓋。血。於。此。狼。藉。

蒂芥 前漢相如。上。傳。林。賦。曾。不。芥。何。足。以。疑。注。蒂。芥。小。蟻。也。又。司。馬。相。如。上。傳。林。賦。曾。不。芥。何。足。以。疑。注。蒂。芥。小。蟻。也。又。

掉磬 磬。內。則。鄭。注。雖。有。相。動。紋。計。不。為。掉。磬。按。卽。今。俗。語。北。海。人。謂。掉。皮。相。之。激。事。本。為。掉。

幾所 里。所。也。前。漢。疏。廣。父。傳。去。里。所。餘。復。還。注。里。所。猶。里。許。也。許。

無賴 漢書高帝紀。始。大。人。常。以。臣。無。賴。

客作 野。客。叢。談。吳。曾。漫。錄。曰。江。西。俚。俗。罵。人。曰。客。作。兒。按。陳。曰。邢。家。小。兒。為。客。人。客。兒。今。人。野。客。受。雇。者。為。客。作。此。語。殆。始。於。南。北。朝。觀。袁。翻。謂。人。曰。邢。家。小。兒。為。客。人。客。兒。今。

章。表。可。知。則。按。後。漢。匡。衡。傳。衡。食。而。已。則。客。作。而。始。不。始。於。漢。志。焦。先。機。則。按。後。漢。匡。衡。傳。衡。食。而。已。則。客。作。而。始。不。始。於。漢。

癡種 越。絕。書。定。俗。器。生。人。曰。癡。種。生。

乞兒 漢。官。儀。曰。明。帝。臨。軒。應。息。曰。樵。牛。縱。酒。勿。壯。而。乞。兒。為。財。府。獨。卑。陋。顯。宗。東。顧。嘆。息。曰。樵。牛。縱。酒。勿。壯。而。乞。兒。為。財。府。

老狗 漢。武。上。為。老。狗。姬。

酒家兒 見。傳。

無狀子見前

嬭嬭下焦仲卿妻古詩云媒人

小姑與古小姑別汨落連珠詞曰却

妹婿三兄輔子融枝曰妹婿之故風志于融

郎君世說速往詣格格不相見後相遇別寓云小兒格知謹卿可以

先後曰郊祀志見神於先後宛若孟康

累重家西城傳今嘉定俗呼有累重敢徒者謂累重子

眷世親也字或作嬭史記樊噲傳誅諸呂四嬭居河五代史魏中嬭按今氏通晉有魏家眷

眷女眷目

索妻索即娶元家女今臨晉亦謂娶妻為索妻而晉書之房對魏王序亦索之曰為伊

有身高帝紀已而有娠孟康曰娠音身漢書身多作

主故見後

亡聊賴釋無所事事也前漢張

不快人有病曰不快。體有一不快。起作一禽之有戲。今俗謂

人道我毛詩。我。今人則噉噉。注曰。今有俗人道我。

沾寒史記。滑稽傳。置有酒寒疾。亦曰沾寒。皆

財主世說。陳仲弓曰。盜殺

鮮翠王伯厚困學紀聞。評詩。陸務觀。李周翰。東坡詩。翠。鮮。欲流。謂蜀語。鮮。翠。猶言。鮮明也。蘇

標。張。攄。曰。翠。翠。其。義。一。也。以。鮮。明。為。翠。乃。古。語。

當正字通。凡出物。實。續。俗。謂。之。當。後。漢。劉。丁。虞。傳。虞。

搜牢牢。音。涼。後。漢。卓。傳。卓。縱。放。兵。士。突。其。居。舍。淫。略。二。婦。人。劉。虞。資。財。謂

餅倉。曰。餅。又。齊。女。私。合。曰。餅。漢。四。兩。曰。餅。婢。

相公顧亭林曰。知。錄。前。代。拜。相。者。必。封。公。二。字。稱。之。曰。相。公。

阿顧亭林曰。知。錄。之。類。必。編。戶。民。未。嘗。表。其。間。律。書。十。石。者。欲。其。整。齊。而。繁。以。阿。字。猶。今。劉。閔。

冠之幼有婦。以阿黎其姓也。成陽靈臺有碑陰。有朴子吏。爾衡遊阿東。又云。惟仲國阿士。東年在元。初。不復其下。阿皆名之。云阿某。或以姓呼之。爲某兒。三國志。呂蒙傳注。魯肅拊蒙背。曰。非復吳下阿蒙。世說注。阮籍。籍謂王渾。渾曰。與卿語。不如與阿戎。阿戎。皆其小時之。稱也。婦人以阿黎性。則從諫。妻裴氏。稱阿昭。訓吳湘。妻顏悅。女。其母焦氏。稱阿武。章。后降。爲庶人。人稱阿章。劉從諫。妻裴氏。稱阿昭。訓吳湘。妻顏悅。女。其母焦氏。稱阿武。章。繁。其是名也。亦始於漢。盛於南北朝。唐陸龜蒙。堂上名啓。阿母。阿母。武陳后。名阿媛。曹操以名。阿阿。蜀後主。名阿斗。王潘名阿童。王忱名阿大。殷浩名阿源。王導之敬。宣名阿林。顧恢。名阿乞。王循。名阿斗。王潘名阿童。王忱名阿大。殷浩名阿源。王導之敬。宣名阿林。顧恢。舒。劉。名阿遠。陶。名阿。是也。

玄

漢書。彭王。命。玄。王。玄。作。錢。貨。六。品。內。有。玄。錢。具。其。貨。五。品。內。有。玄。具。布。注。曰。十。品。內。有。玄。布。班。彪。王。命。玄。王。玄。作。錢。貨。六。品。內。有。玄。錢。具。其。貨。五。品。內。有。玄。具。布。注。曰。十。品。內。有。玄。取。此。者。俗。呼。爲。玄。一。故。後。人。有。玄。腐。之。稱。說。文。玄。小。也。象。子。初。生。之。形。幼。字。從。玄。亦。生。者。義。顯。亭。林。曰。一。爲。數。人。之。本。故。可。以。大。名。之。一。年。之。象。子。元。年。長。子。之。形。幼。字。從。玄。亦。也。又。爲。數。之。初。故。可。以。小。名。之。股。子。之。謂。一。爲。玄。是。也。唐。書。楊。炎。傳。盧。杞。觀。玄。也。宋。史。岳。飛。傳。楊。玄。本。名。楊。太。太。年。幼。楚。人。謂。小。爲。玄。故。曰。楊。玄。俗。作。么。非。玄。

第十七節 漢末風俗之復古

王莽居攝。頌德獻符者徧於天下。雖有何武、鮑宣、高固、及辛慶忌、三子之不附莽而死。翟義、賈萌、張充、諸人之討莽而死。龔勝之不應徵而死。曹竟之不附莽而死。於赤

眉、李業、王皓、王嘉、譙元之不仕莽而死。於公孫述、彭宣、王崇、邴漢、梅福、逢萌之不附莽而去。胡綱、郭堅、伯、郭遊、君、楊寶、牟長、高翊、高容、洼丹、孔子建、郭憲之不仕莽。王譚、文參之不從莽。足以立懦廉頑。少咎百年前漢武表章六經。尊用儒士之盛意。然歲寒松柏。寥寥無幾。蓋由西漢師儒雖盛。而大義未明也。光武、明、章有鑑於此。故尊崇節義。敦厲名實。所舉用者莫非經明行修之人。而風俗爲之一變。至其末葉。朝政昏濁。國事日非。而黨錮之流。獨行之輩。依仁蹈義。舍命不渝。風雨如晦。雞鳴不已。三代以下。風俗之美。無尙於東京者。范蔚宗之論。以爲桓、靈之間。君道秕僻。朝綱日陵。國隙屢啟。自中智以下。靡不審其崩離。而權強之臣。息其窺盜之謀。豪傑之夫。屈於鄙生之議。所以傾而未頽。決而未潰。皆仁人君子心力之爲。左雄傳信不誣也。

第三編 浮靡時代（濁亂時代）

第一章 魏晉南北朝隋

第一節 清議

漢末名士互相品題。遂成風氣。於時朝廷用人。率多採之。頗足以挽勢利資緣之習。故魏之何夔杜恕。皆注重鄉評。陳羣遂立九品中正之法。晉因之。鄉邑清議。不拘爵位。褒貶所加。深足勸勵。故有被議坐廢者。如陳壽、閻義、晉書何卞粹、諸人。是也。有被議貶黜者。如韓預、張輔傳李含、王式、卞溫嶠、任讓、華恆傳周勰、韓康伯傳陳暄、陳慶之傳諸人。是也。南史宋武帝齊高帝紀。於受禪卽位大赦下詔。皆有犯鄉論清議者。一皆蕩滌洗除。先注等語。先注者。卽被議爲中正所注者也。清議之嚴如此。而又皆持之於中正。用以區別流品。亦六朝之一特色。雖法久弊生。中正不盡秉公。或上下其手。然鄉間之清議自峻也。

第二節 流品

曹孟德既有冀州。崇獎踴弛之士。以盜嫂受金爲無害於才。觀其下令再三。至於求負污辱之名。見笑之行。不仁不孝而有治國用兵之術者。然於慎重流品之風。毫無所損。晉宋以來。已成普通觀念。如宋王道子之不呼蔡興宗坐。王球之不令王宏就

坐。梁羊侃之拒宦者張某。曰我牀非閹人所坐。是也。顧氏亭林曰。自萬厯季年。搢紳之士。不知以禮飭躬。而聲氣及於宵人。如汪文言一人。爲東林諸公大玷。詩字頒於輿阜。至於公卿上壽。宰執稱兒。而神州陸沈。中原塗炭。夫有以致之矣。嗚呼。觀顧氏所言。知流品之關係於廉恥上者不小也。

第三節 門第

中國階級制度。已爲周末遊說所破。乃至六朝而轉嚴。當時以望族爲士。平民爲庶。有舊門。次門。後門。動門。役門。之類。士庶之見。深入人心。若天經地義。大抵士庶不得通婚。其不幸而

與庶族通婚者。則爲士族之玷。族。若鄒郡王氏。陳國謝氏等。第一義。然南朝最著之望

國。清門。北朝最著之望族。若范陽盧氏。瑯琊王氏。清河博陵二崔氏等。苟非士族。雖帝王亦不與聯姻。界限之嚴。不但侯景之凶強。不能強與王謝聯姻。已也。又王源嫁

女於高陽。約所與。故當時庶族。有一起居動作之微。亦以偕偶士族爲榮幸。而終不得

者。如齊紀。僧真詣江。數不答。是也。甚至納貲爲士族門生。以求進身。蓋六朝所稱門生。不過僚從

之類。非受業弟子也。觀晉書。劉懷珍。謝超宗傳。南史。齊后妃傳。可知矣。然富人子

弟。多願充之。因中正之弊。既已上品無寒門。下品無世族。庶姓寒人。無寸進之路。惟此可以年資得官。故不惜身爲賤役。且有出財賄以爲之者。究竟士族亦無他長。不過雍容令僕。裙屐相高。心目中惟知有門第二字。北史崔暹傳。每謂盧元明曰。天下盛門。惟我與爾。博崔趙李何事者。而任事又不能不借重寒人。此南朝所以多用寒人掌機要也。

第四節 氏族及名字

自五胡雲擾。種族殆不可辨識。於是衣冠之族。不能不自標異。乃假中正以重其門閥。有司選舉。必稽譜籍而考其真僞。然當時同姓通譜之風最甚。通譜之事。晉如石

勒之引石樸爲宗室。孫旂之與孫秀合族。見晉書石苞孫旂二傳。侯景之託侯瑱爲宗族。崔浩

之與崔寬相齒而厚撫之。魏書崔元伯傳。杜佺之延引杜超。北史杜佺傳。韋鼎之作韋氏譜與韋世

康是也。此又適爲庶族連絡士族。依附士族之一善策。雖其中亦有同族而不同望

者。魏書高陽王雍傳。每姓第其房望。雖一姓中。高下懸隔。又是亦北人偶染南人之習。高士廉傳。言每姓第其房望。雖一姓中。高下懸隔。又

林云。北人重同姓。多通譜系。南人則有比隣而各自爲族者。引宋書王仲德傳。北土重同姓。謂之骨肉爲證。實則氏族未有不混淆者。又

冒姓始自漢之呂平。

漢書外戚傳注

灌孟。

史記灌夫傳

堂邑甘父。

漢書西等

而魏晉以來尤

盛。甚至以異姓爲人後。如魏陳矯本劉氏子。出嗣舅氏吳。朱然本姓施。以姊子爲朱

後。而賈謐之後賈充。則有莒人滅鄆之譏。宋許榮上疏。至謂今臺府局吏。直衛武官。

及婢隸婢兒。取母之姓者。本臧獲之徒。無鄉邑品第。

宋書王

可見當時冒姓之多矣。

庶族因界限之嚴。或藉通譜冒姓。以僥倖仕進。士族因通譜冒姓多。則亦有難完全

其爲士族者。至隋罷中正。而氏族始廢焉。

名與字相同。起於晉宋之間。史之所載。晉安帝諱德宗。字德宗。恭帝諱德文。字德文。

會稽王道子。字道子。殷仲文。字仲文。宋蔡興宗。字興宗。顏見遠。字見遠。梁王僧孺。字

僧孺。劉孝綽。字孝綽。庾仲容。字仲容。江德藻。字德藻。任孝恭。字孝恭。師覺授。字覺授。

北齊慕容紹宗。字紹宗。魏蘭根。字蘭根。後周王思政。字思政。辛慶之。字慶之。崔彥穆

字彥穆之類。是也。

六朝人最重避諱。有聞諱徒跣者。謝超宗。王亮等。

南史本傳

是也。有聞偏諱而斂容者。蕭

琛南史是也。有聞諱必哭者。有諱其與諱同音之字。而與人書全不稱及者。有人來書疏犯其父諱。竟對之流涕。不省公事者。有父諱雲而呼紛紜爲紛烟者。有父諱桐而呼梧桐樹爲白鐵樹者。有父諱昭而一生不爲昭字。惟依爾雅火傍作召者。并見顏氏家訓風操篇。

幼小之名謂之小名。長則更名。而以小名爲諱。或長亦以小名行。如呂后之名娥姁。武帝陳后之名阿嬌。光武郭后之名聖通。鄭康成之孫名小同。光武之名秀。揚雄之子名童烏。此長而不改者也。司馬長卿之名犬子。匡稚圭之名鼎。劉禪之名阿斗。曹孟德之名阿瞞。臧宣高竊之名寇奴。班惠姬之名昭。此長而隱其名者也。晉宋以來。小名尤盛行。觀陸龜蒙小名錄可知矣。

第五節 仕宦

中正取士。權歸著姓。惟梁置州重郡崇。鄉豪專典授薦。頗無膏粱寒素之隔。此外若晉王戎選舉。驅扇浮華。虧敗風俗。雖爲傅咸所奏。戎與賈郭通親。竟得不坐。齊之鄉

舉里選。不覈才德。其所進取。以官婚胄籍爲先。遂令甲族以二十登仕。後門以三十試吏。故有增年矯貌以圖進者。其時士人皆厚結姻援。奔馳造請。寢以成俗焉。通志選舉

略梁徐勉掌選時。奏立九品爲十八班。自是貪冒者以財貨取進。守道者以貧寒見

沒。南史勉傳隋之選舉冒濫。非爲巨害。至死不黜。故里語謂人之爲官若死然。未有了

而倒還者。通志選舉加以其時專尚詞賦。士習浮澆。尤不以奔競爲恥焉。顏之推家訓

涉務篇曰。多見士大夫。恥涉農桑。羞務工伎。射旣不能穿札。筆則纔記姓名。飽食醉酒。以此消日。又曰。梁朝全盛之時。貴游子弟。多無學術。無不燠衣剃面。傅粉施朱。駕長簪車。跟高齒屐。坐棋子方褥。憑班絲隱囊。列器玩於左右。從容出入。望若神仙。及勢利旣失。遂爲駑材。此可以知當時仕宦伎倆矣。晉書潘岳傳。岳與石崇詔事賈謐。每候其出。輒望塵而拜。南史陳卞彬傳。時有廣陵高爽。博學多才。劉蒨爲晉陵縣。爽經途詣之。了不相接。俄而爽代蒨爲縣。蒨遣迎贈甚厚。此可以知當時炎涼醜態矣。

第六節 名節

以一家物又與一家。南北朝人臣之慣技。趙王倫之篡。樂廣素號元虛。乃奉璽綬勸進。王謝爲司馬氏世臣。而王導之孫謐。授璽於桓元。導曾孫宏又爲宋佐命。謝安之孫澹。亦持冊於宋祖劉裕。謝朓歷仕宋齊梁。如三嫁之婦人。而世俗不以爲怪。名節掃地矣。然以六朝之浮薄。而疾風勁草。未嘗無之。宋之袁粲。梁之韋粲。千古流芳。淵明歸隱。不失爲晉處士。晉河南辛恭靖之言曰。甯爲國家鬼。不爲羌賊臣。晉書忠義傳齊新野劉思忌之言曰。甯爲南鬼。不爲北臣。南齊書宋沈攸之之言曰。甯爲王淩死。不爲賈充生。南史本傳宋石頭城之謠曰。甯爲袁粲死。不作褚淵生。見南史袁粲褚淵傳英風勁氣。肝膽照人。上溯之魏。魏以不仁得國。而魏文又最慕通達者也。然猶有王淩、文欽、母邱儉、諸葛誕、諸人。故氣節在當時。雖居少數。亦不能謂全無人也。

第七節 清談

清談起於魏。正始中何晏、王弼之祖述老莊。而阮籍復以不遵禮法繼其後。籍常作

生傳。謂世之禮法君子。如蟲之處穴。厥後王衍、樂廣慕之。俱宅心事外。名重於時。天下言風流者。以王

樂爲稱首。後進莫不競爲浮誕。遂成風俗。學者以老莊爲宗而黜六經。談者以虛蕩爲辨而賊名檢。行身者以放濁爲通而狹節信。仕進者以苟得爲貴而鄙居正。當官者以望空爲高而笑勤恪。間有斥其非者。劉琨每言治道。傳咸每糾邪正。世反謂之俗吏。裴頠之著崇有論。江惇之著通道崇儉論。卞壺之斥王澄、謝鯤。謂悖禮傷教。中朝傾覆。實由於此。范甯謂王弼、何晏之罪。深於桀紂。熊遠、陳頤各有疏論。莫不大聲疾呼。欲以挽回頹俗。而習染旣深。竟有江河日下之勢。蓋其風氣所自。一由於東漢之苦節。程子云。一由於魏文之慕通達。傳元云。一由屢經喪亂。中原塗炭。厭世主義遂以發生。於是酒色棋局。皆爲清談之後勁。當時除陶侃之璧。溫嶠之裾。祖逖之楫。顏之推、王通之學問。卓然流俗。陶淵明之酒。嵇康之琴。謝安之東山妓。謝靈運之登山屐。獨有寄託外。其餘胸無挾持。徒矜尙風流。翩翩濁世。若今日士大夫。沈酣於花酒鴉片麻雀中者。乃完全亡國之資料。然大勢所趨。衆人方以爲高妙。非此則謂之不達。雖有志之士。亦有因之不能自主者。亦可慨已。士人學問。不出莊老。佛經專爲清談預備。而文詞亦

購名士之代價。而清談者之家珍也。綺靡輕薄。風俗日漓。燕泥庭草。遂以賈禍。隋唐嘉話

煬帝善屬文。而不欲人出其右。司隸薛道衡由是得罪。後因事誅之。曰。更能作空梁落燕泥否。煬帝爲燕歌行。文士皆和。著作郎王胄獨不下。帝每銜之。胄竟坐此見

害。而誦其警句曰。庭草無人。隨意綠。復能作此語耶。以人主而與臣下競文詞。其好尙可知矣。南史恩倖傳。論

清談之弊。士大夫不親政務。致小人得以倖進。是不刊之論也。

第八節 佛老

清談之資料。佛老最有價值。當時佛學。直掩過老學。然鮮能知佛之作用者。多謂事佛可以求福。至於號取寺名。詔用佛語。人以僧名。如王僧達王僧虔幾若無事可以離佛。非誤以佛爲神。卽誤以佛爲厭世也。

第九節 鮮卑語

其時鮮卑人事戰爭。而漢人事耕稼。有古秦人待三晉之風。而漢人亦謹事鮮卑人。學鮮卑語。以求自媚。隋書經籍志所載學國語之書。卽鮮卑語至夥。幾如今人之學東西

文也。此事觀北齊書神武紀及顏之推家訓。卽知其詳。

第十節 美術

魏晉之士放棄禮法。不復以禮自拘。及宅心藝術。亦率性而爲。視爲適性怡情之具。且士務通脫。以勞身爲鄙。不以玩物喪志爲譏。加以高門貴閥。雅善清言。兼矜多藝。然襟懷浩闊。見聞而外。別有會心。詩語則以神韻爲宗。圖畫則以傳神爲美。二王書法。閒逞姿媚。遂開南派之先。推之奏音審曲。調琴弄箏。亦必默運神思。獨標遠致。旁及博奕。咸清雅絕俗。以伸雅懷。美術之興。於斯爲盛。晉代以降。學士大夫以書畫奕棋相尙。以言乎書法。則南人長於書帖。北人長於書碑。以言乎文詞。則南人清新俊逸。北人礪确自雄。美術之分南北。始於東晉。歷晉至隋。相沿不革。南朝之士。兼喜賞鑑。畫品錄於謝赫。書品成於庾肩吾。品第優劣。人各繫評。姚最諸人。遞有賡續。若碑英著於梁元。鼎錄成於虞荔。刀劍譜於陶隱居。則又由賞鑑而兼考古。然其書皆出於南人。自西魏滅梁。祕閣二王之書。入於北朝。爲顏之推所祕。王褒由梁入周。北人多習其書。庾信江總。又以輕綺之文。傳於北土。迄於初唐。美術漸泯南北之分焉。又

按以奕品畫人入正史。亦始於南朝。

南齊書：蕭惠基傳：當時能棋人，哪哪二品。劉繪傳：品：東郡褚思莊，會稽夏赤松，并第一。

弟瑱字士溫，瑒弟。劉係宗傳：少便書畫，是也。

以其好尚既專，精絕足傳也。書法之美。

朝廷并拔擢之。故顏之推謂厮猥之人，多以能書見用也。

第十一節 婚娶

不論行輩。如宋蔡興宗以女妻姊之孫袁粲。是也。以婦女爲買賣。故注重財幣。

顏氏家訓

治家篇：亦云：嫁女納財，買婦輸絹。

魏齊時尤甚。其始高門與卑族爲婚。利其所有。財賄紛遺。其後遂

成風俗。婚嫁財幣。爭多競少。

魏文成帝之詔：及魏封述，傳可知。

妾媵繼室各處。好尚不同。

顏氏家訓：後妻爲江

有不諱。庶孽。喪室之後。多以妾媵終家事。亦辦蚊蠅。或未能免。有限以大分。故稱閨之。恥。河北恥於側出。不預。人流。是以必欲重妻。至於三四。母年有少於子者。後母之

弟與前婦之兄。衣服飲食。及婚宦。至於士庶。貴賤之。俗以爲常。身沒之後。辭設盈公門。謗辱彰。道路。子誣母爲妾。弟黜兄爲傭。播揚先人之。辭。述。是。露。祖考之後。長短。

以求己直者多有。

然北齊百官。大率無妾。因其時父母嫁女。必教之以妬。姑姊逢迎。必相勸

以忌。以刼制爲婦德。能妬爲女工。

宋世宮庭。穢亂。士大夫以聯姻。帝室爲畏途。且凡爲公主者。皆淫妬。人主亦自知之。故江數當尙主。

明帝使人代數作辭。婚表。編示諸公主。以愧勵之。

又將相多尙公主。王侯率取后族。一夫一妻之制。實成於

自然。若宋廢帝。爲姊山陰公主置面首左右三十人。與後國同。他則又儼然一妻多

夫之制矣。其時士庶多不通婚。梁武帝謂侯景曰。王滿連姻。實駭聞聽。北史崔巨倫之

姑不肯令其姊屈事卑族。通婚之時。往往比量父祖。故庶族以娶高門士女爲榮。卽夫家坐罪沒

官之婦女。寒人得之。且榮幸無比。觀北齊書郭瓊、孫肇傳。可知矣。喪娶始於春秋。魯

公子遂之納幣。文公二年。而漢文帝短喪之詔。亦云天下吏民。毋禁取婦嫁女。祠祀飲酒。

食肉。自是喪娶甚多。六朝尤甚。石勒之禁國人在喪嫁娶。晉書載詔。張輔之貶韓預。劉隗

之奏王籍之。顏含。固當時僅見者。晉書本傳。

第十二節 喪葬

晉代期功之喪。猶以爲重。自祖父母、伯叔父母、以至兄弟姊妹妻子之喪。初喪去官。

除喪然後就官。見王純嘏、陶淵明歸去來辭傳、白庠詩。非此則上挂彈文。下干鄉議。

自謝安期喪不廢樂。王坦之以書喻之不從。衣冠效之。遂以成俗。雖阮籍以居喪食

肉坐貶議。而六朝此種風氣。未嘗少息。甚至國恤宴飲。毫不爲異。皆輕藐禮法之結

果也。停喪之事。自古所無。自建安離析。永嘉播竄。於是有不得已而停者。後遂以爲常。如晉賀循爲武康令。嚴禁厚葬。及有拘忌。回避歲月。停喪不葬之俗。晉書是也。有遷葬之俗。梁書顧憲之傳。衡陽土俗。山民有病者。輒云先人爲禍。皆開冢剖棺木。洗枯骨。名爲除祟。是也。厚葬之俗最甚。如杜預、徐苗、石苞、庾峻、晉書王徽、郝昭、裴潛、魏書到溉、梁書之遺命薄葬。固不可多得者。

墳墓必擇吉地。謂之相墓術。此術之流傳。世謂始於晉郭璞。故璞有葬經一書。今觀璞本傳。稱璞葬母暨陽。去水百步。或以近水言之。璞曰。當卽爲陸矣。其後果沙漲數十里。又璞爲人葬墓。晉明帝微服觀之。問主人何以葬龍角。主人曰。郭璞云此葬龍耳。當致天子。帝曰。當出天子耶。主人曰。非出天子。能致天子至耳。此璞以相墓傳名之確證也。而葬術之行。實卽由此時而盛。晉書周光傳。載陶侃聽老父之言。葬其父於牛眠之地。卒爲三公。南史齊劉后、荀伯玉、梁杜疑、各傳。皆言相墓事。而孔恭、高靈文、及富陽人唐寓之祖父之相墓。亦見南史。南史宋紀。武帝父墓在丹徒侯山。有孔

齊紀：高帝薨，葬在武進彭山，陶阜相國，百里不絕，其上常有五色雲，宋明帝惡之，遣占墓者，高帝靈文往相之，靈文先給事齊高，乃說曰：「不過方伯耳。」私謂齊高曰：「貴不可言。」後果登極。沈文季傳：齊時富陽人唐寓之，祖父亦以圖墓爲業。可見六朝時此術已盛行。又如梁昭明太子傳曰：

不利長子。梁吳明徹傳曰：「最小子大貴。」

南史。

則術家長房小房之說也。宋廢帝以不爲

父孝武帝所愛，將掘其陵。太史言不利於帝而止。則術家神煞禁忌之說也。

相墓之術，多緣飾陰陽家言。後世惑之，以爲窮達壽夭，皆卜葬所致。於是趨吉避凶，有久淹親喪不葬者。有既葬失利而改卜者。有謀人宅兆而遷就馬鬣者。嗚呼！藉骨之朽，以蔭家之肥，已爲不仁不智矣。又況迷信龍脈風水，山川封禁，至數十里，富有礦產而不之開，不但爲東西文明國人所竊笑，抑亦富強政策之一大阻力也。夫郭璞葬經，世稱僞託。楊、曾、廖、賴，及近代術士諸書，尤支離詭異，不足憑據。且風水之說，至宋始盛。而自宋以來，闢其謬者亦復不少。昔司馬文正爲諫官，奏乞禁天下葬書。而張無垢律葬巫，以左道亂政。假鬼神時日卜筮以疑衆之辟。又涑水與橫浦、東山、梨洲四家，并闢鬼蔭。前清名臣張清恪、朱文端、蔡文勤、徐健庵，以及儒者張稷若、張

考夫、盧子弓輩。均斥風水之非。其言激烈切直。固深冀流俗之一悟。若翁普恩、東安、禁金罐示。痛言遷葬之害。亦有心世道之言也。再考記言成子高之葬。以擇不食之地爲囑。以爲死不可有害於人。博物志言澹臺子羽之子溺於水。遂以水葬之。墨子節葬篇。言堯道死葬蛭山之陰。舜道死葬南己之市。禹道死葬會稽之山。尸子言禹治水爲喪。法使死於陵者葬於陵。死於澤者葬於澤。呂氏春秋安死篇意同。無所謂吉凶也。唐呂才亦引古之葬者。皆於國都之北。兆域有常處。以證古不擇地。此種迷信。古今有識之士皆能勘破。若夫曹操作疑塚。令人莫識其處。以免發掘。而魏祚不永。魚朝恩盜發汾陽父墓。而於汾陽之富貴壽考。不損毫末。試問信風水者。何所據以信其必然乎。當此民窮財盡時代。而迷信不破。勢非焚禁葬書。嚴治葬師。并定阻撓開礦之律不可也。悲夫。

第十三節 言語

(甲)名稱。一官、南北朝謂帝爲官。是也。二公、南北朝朝士相呼爲公。是也。宋書顏延之傳。

延之與何偃從上南郊。偃路中遙呼延之曰。顏公。北史李幼康傳。齊文宣語及楊情。

公。又非田舍之公。又非君家阿公。何以見之。呼爲公。北史李幼康傳。齊文宣語及楊情。

稱兒。齊安德王延宗傳。後主謂其兄延宗曰。并州阿兄取兒今去。是也。四娘。北史后

妃傳。言齊之姬侍稱娘。是也。五卿。陸慧曉。斛律信。皆以卿爲輕賤之稱。是也。南齊書

傳。未嘗稱士大夫。或問其故。曰。貴人不可稱。而賤者可稱。北史斛律光傳。祖信少六

內外兄弟。舅子爲內兄弟。姑子爲外兄弟。而亦有以舅子爲外兄弟者。宋書隱逸宗

炳傳。母同郡師氏傳。末又云。炳外弟師覺授。是也。顏氏家訓風操篇曰。昔侯霸之

子孫稱其祖父曰家公。陳思王稱其父爲家父。母爲家母。潘尼稱其祖父曰家祖。及

南北風俗。言其祖父及二親無云家者。田里儂人。方有此言耳。凡與人言言已世父。

以次第稱之。凡姑姊妹女子子。已嫁則以夫氏稱之。在室則以次第稱之。凡稱彼祖

父母。世父母。父母及長姑。皆加尊字。自叔父以下。則加賢字。姪名雖通男女。並是對

姑之稱。晉世已來。始呼叔姪。凡家親世數。有從父。有從祖。有族祖。江南風俗。自茲已

往。高秩者通呼爲尊。同昭穆者百世猶稱兄弟。若對他人稱之。皆云族人。河北士人。雖三二十世。猶呼爲從伯從叔。至於外祖父母。河北人皆呼爲家公家母。江南田里間亦言之。則非合理。當加外字以別之。此亦可見當時名稱之大概矣。

(乙) 諺語。生女耳耳。三國志魏崔琰傳上車不落則著作。體中何如則祕書。顏氏家訓積

財千萬。不如薄技。同上博士買驢。書券三紙。未有驢字。同上上山斫檀。溪榼先殫。郭璞注爾

按正義引陸機詩疏。檀與緊。迭相似。緊一名緊。故齊人諺曰云云。機作緊。尺牘書疏。千里面目。顏氏家訓越阡度陌。互

爲主客。文選注射的白斛米百。射的元斛米千。水經注。射的山名。遠望狀者。蚶珠千枚。

不及玫瑰。梁任昉述異記。引南海諸人諺。種千畝木奴。不如一龍珠。同上雖有神藥。不如少年。雖有

珠玉。不如金錢。述異記。引異山川而能語。葬師食無所。肺腑如能語。醫師色如土。山經教婦初

來。教兒嬰孩。顏氏家訓數面成親舊。陶潛答龐參軍詩序官無中人。不如歸田。晉書

(丙) 方言

兄兄家家。姊姊妹妹。北齊書南陽王綽傳。綽兄弟皆呼父爲兄。

爹

南史梁始興王濬傳。按玉篇曰：始興王人之爹。又爹徒我切。

耶耶

南史王或傳：子綯，讀論語，周監於二代，何尚文苑曰：可改耶。卷耶有耶名。宋章樞

注：耶以遮切。今作爺。俗呼父爲爺。杜甫兵車行：耶孺妻有走相送。又北征詩：見耶背面啼。以父爲耶。六朝及唐多有。

豆盧

北人謂籍義爲豆盧。見北史。豆盧革傳及隋書豆盧勣傳。

楊婆兒

南史齊鬱林王本紀：在西州，令女巫楊氏有禱祠，速求天位。及文惠，洪氏謂由楊

諸史有陽畔。後呼楊叛兒。皆此曲爲一文惠之轉。按今江西南俗：呼男女輕僂爲陽

畔。呼物不堅實而外。華美爲陽畔貨。

呼楊爲羸

隋書五行志：時人著解，詰曰：多爲羸。洪氏頤正俗文：據晉灼按漢書音義：反楊

有。爲由嬰。謂方俗姓羸。有盈音。蓋是。

猶自可

宋書王元謨傳：軍士爲之語曰：當作五年徒。莫達王元謨。猶自可。宗越更殺我。

善見觀

道今人言仔細識認也。南史齊高帝紀：休龍已斬。善見觀。蕭道成登城謂亂者曰：身是蕭平南。諸軍善見觀。

霹靂

野庫。梁書曹景宗傳：景宗謂鬼呼叫聲。按晉袁郡語：以霹靂二字宅狀中作燒野物。

聲及人
性躁暴

尋

齊書文帝幸豫章王疑第須由宋甯陵道過帝曰我便入他冢墓尋人

脩

魏李登聲類子未反今南人登聲則呼之

𦵏

呼平反江南行此音見晉郭洪要月字苑

萎

魏李登聲類草木萎也關西言萎山東言薺江南亦曰薺

雞伏卵

江東俗文北燕謂之菹反

生人婦

魏杜畿傳臣前所錄皆亡者妻今畿送生人婦也

奇怪

北史魏道武帝紀保者以帝體重于常兒貌獨奇怪又五代史羅紹威傳紹威父弘信狀貌奇怪

見怪

魏言洪答陳琳

袴褶

見北齊書陸法和傳

一兩處

魏志華佗傳若當鍼亦不當夾一不過一

鹽

全唐詩話隋曲有疎勒鹽唐曲有突厥鹽阿鵲時鹽或云關中鼓譜好爲鹽故鹽杖聲詩云顧狂楚客歌成雪嫌媚吳娘笑是鹽蓋當時語也今杖中鼓譜中尙有故鹽杖聲

信人。一。信。不。見。其。人。皆。信。漢。水。向。東。流。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

家。信。之。劉。瑤。傳。瑤。在。淮。南。其。母。在。建。康。信。至。

甯馨

晉山濤謂王衍何物老嫗也。城陽居士容桑榆雜錄。甯馨猶言宋如人語助耳。今南志

所書以雜錄是。

子細

北史源思禮傳。爲政當分子細。何

停待

晉書愍懷太子傳。陛下停待。

匡當

當去聲。韓子人主淵言。如有玉匡。無當言。

不耐煩

庾炳之傳。爲人不耐煩。

寒毛

晉書夏統傳。聞君之談。不覺寒毛盡戴。

繇絮

晉書徐則傳。雖隆冬。沍寒。不服繇絮。

抽替

匿有板匣者。見宋書。

一頓

晉僕射陶友。曰。常欲乞吳一頓飯。日已中。客頓食。得一頓。

一出

晉書。世說。謝孝劇談。林道人云。今日與謝孝劇談。一出。

儂

大業拾遺記。煬帝宮中。喜效吳言。故多儂語。湘山野錄。王敬。你。見。儂。故。歡。定。

之說三調

儉晉陽執云吳人謂北人不足儉。韻會吳人罵楚左思爲儉。今俗罵人三都賦。宋季也。武陸自

爲王元諤
爲老僧

老奴單故謂是其分。老

雜種晉書前燕載記贊曰。茲雜種。梁邱運書。

冤家梁簡文始生。於是公賀梁武曰。冤家亦生矣。蓋

小鬼頭青樓集。曹娥小兒呼鮮于伯機爲伯機。

娼婆甘言悅人。故曰娼婆。今嘉定罵老婦曰娼婆。

後生子鮑明遠少年時。至有老行。篇云。寄語後生子。謂後生客及者。今

珠兒珠娘逸異記。越俗以珠爲上珠寶兒。

家嫂晉書謝康懷恨。不安。使朝士客見之。

舍弟魏文帝與鍾繇謝玉珖書。是以令會。

家兒

晉書謝幼度傳載逵對中謝人而無家兒不堪其苦家兒欲不改其壞而欲其逵也

鄉里

謂妻也南史張彪傳我不忍令鄉里落它處姚寬曰狗會稽人言家鄉里

倻倻

玉篇燕之北郊曰倻倻謂形小可惜之貌

把穩

晉書姚萇載記陸言把穩大過耳注將牢猶俗言把穩

草驢女貓

顧亭林日知錄今人謂牝驢爲草驢北齊書楊愔傳人謂牝驢爲女貓隋書

無書外戚中是隋時已有此語

果然

宋書后姐傳今果然歸矣

高興

殷仲文詩獨有清秋興音能詩興與今通謂有興與頭

慙

玉篇慙也慙有此語但音談切音蟬吾江及湖南皆有此語

阜白

北史魏臨淮王傳中山阜白太多今俗謂不辨黑白曰不分阜白按玉篇阜黑也釋名阜早也日未出時早起視物皆黑此色如之也周禮地官大司徒其

房物可以染阜物因謂黑色爲阜又博雅緹謂之阜而謂今俗謂以阜物染布曰阜布

曉事

魏志曹真傳注桓範前在臺閣號爲曉事

瀟灑

南史李百諶逸傳神韻瀟灑

相罵

隋書文流相罵

老拳

晉書石勒載記孤

待客

宋書孝武文穆皇帝朋友之義讓

接客

宋書王惠傳爲吏

阿堵

卽王衍傳這箇兀的意也晉

笨伯

晉書史時以人肥大時人頽

浮浪人

見隋書

令弟

文選謝靈運從弟惠連云末

分外

魏程曉傳上不責非

致意

晉書桓溫曰致意帝謂公與公孫綽忘之字孫

料理

晉書王儉之相傳料理在

弄

南史蕭繹接慰林王出延德殿西弄試之弄巷道也

多許

隋書天下何處有多許賊許音若黑寡切

一頭

謂食也。晉元帝謝賜功德淨饌一頭。一頭見北戶錄。功德食一頭。又劉孝威謝賜功德食一頭。見北戶錄。

家釀

增韻後人似謂酒爲釀。世說新語劉惔曰。見何人似酒飲。令人欲傾家釀。

八米

北齊書盧師道傳。擇盧師道之八詩。得分八上中人下。言八在般取八米。令威西溪叢語。關中語。歲以六盧米七米之八。米得分八上中人下。言八在般取八米。令威西溪叢語。

看人眉睫

見南史。吾齊語。謂人不知觀人顏色。曰不知眉頭。眼搖搖。音如觀人。

剝人面皮

語林。賈充謂孫皓曰。何以剝人面皮。皓曰。憎其頗之厚也。

笑得齒冷

樂預傳。此事人笑褚公。至今齒冷。

晉郭璞注。爾雅多用當時方言。然其中有普通者。如姑之子。舅之子。妻之昆弟。姊妹

之夫。皆爲甥。夫之兄爲兄鐘。

即兄公之轉。

夫之女弟爲女妹。兄弟之妻相謂爲妯娌。妹謂

之媚婦。謂之新婦。自呼爲身。謀謂之細作。無憂謂之無恙。妖言謂之訛物。叢緻謂之

穢集。謂之拘摟。酒食謂之饔饌。縫紵衣謂之褻之類。是也有特殊者。如河北人呼食

爲餐。謂待爲饌。東齊呼息爲咽。謂病爲瘕。謂逮爲遏。南陽人呼雨止爲霽。齊人謂衣襟爲攀。巴濮之人自呼爲陽阿。荊州謂山形長狹者爲巒。長沙謂小甕爲瓴。南方呼剪刀爲劑刀。韓鄭謂憐爲謀之類。是也。又璞書成於江東。故引江東語爲多。如江東通謂語爲行。謂大爲駟。呼病曰瘵。呼謀爲憐。謂煖爲煥。謂號爲諱。呼母爲悻。音是。謂兄爲舅。呼虹爲雩。呼遷運爲遷徙。呼地高堆者爲敦。呼同門爲僚壻。呼刻斷物爲契斷。呼麋鹿之屬。通爲肉。呼帳爲幃。呼雞少者爲健之類。是也。

宋何承天纂文。吳人以積土爲塼。兗州人以相欺爲訛人。江湖以銓爲刈。魯人謂漸箕爲漸。揚州以取魚罾爲罟。吳人以罟爲筍。主關中以鷄爲鷄。爛堆趙代以筍爲筍。答。

第二章 唐

第一節 概論

科舉時代。以有唐爲開始。故唐代之風俗。可以科舉代表之。天下人心所注射。不離

乎科舉也。唐代之科舉。又可以文詞代表之。無所謂實學也。然其卒也。至無忠臣義士。效可睹矣。君子觀於唐之風俗。而始知科舉之害烈也。

第二節 飲食

唐人食品。有湯料臠炙膾蒸丸脯羹饅飴餅餛飩糕酥包子。

燕翼貽謀錄。宋仁宗誕日。賜羣臣包子。

子。即饅頭之別名。

麪糗等名目。其所食之肉。除六畜外。兼用鹿熊驢狸兔鵝鴨鶉子鱖蟹蝦

蛤蜊蛙等類。其製造之精妙。鷄有葱醋乳淪剔縷三種。鵝有八仙盤花折鵝糕兩

種。鴨有交加鴨脂、生進鴨花湯餅二種。魚有乳釀鳳凰胎魚白、金粟平鮓魚子、剪雲析魚

羹、加料鹽花魚脍、吳興連帶鮓六種。鼈有遍地錦裝金丸、玉葉膾二種。蟹有金銀夾

花、平截藏蟹、含春侯二種。炙品有昇平炙、筋頭春炙子。活、光明蝦炙、火煉犢龍鬚炙、金

裝韭黃、炙乾炙、滿天星七種。麪有甜雪、青蒸、聲音部麵。凡七十字。、湯裝浮萍麪

婆羅門、輕高麪四種。其參和數種爲一種者。如鹿雞參拌。謂之小天酥。細治羊豕牛

熊鹿。謂之五生。盤治魚羊體。謂之逡巡醬。薄治羣物。入沸油烹。謂之過門香。見韋巨源食譜。

胡桃花醋。葫蘆醬。照水油。尤爲俗間所貴重。至於研究食品之著名者。長安以張手

美家爲第一。而花糕員外。亦其次也。張手美家。韋巨源食譜。長安閭門外通衢。有食肆。人呼爲張手美家。水產陸產。隨

節。而供每節。則專賣一物。如元日之元陽饅。人日之六一菜。上元之油

畫明珠。二月十五之涅槃兜。上巳之手裏行廚。寒食之冬凌粥。四月八日之指天餛

飩等。真可謂膾炙人口者也。花糕員外。韋巨源食譜。長安皇建。僧舍旁有糕坊。主人

呼爲花糕員外。研究最精之品。則有滿天星操拌金糕。糜員外。糝花截肚。大小虹橋。木密金

毛麪六種焉。此外則金陵爲士大夫淵藪。家家研究烹飪。故有所謂建康七妙者。詳

錄。又朱象髓白猩唇。當時以爲異味。別談而熊翻家所製作之過廳羊。亦盛行於時。

雲仙雜記。熊翻每會客。至酒半。階前旋殺羊。令衆客自割。隨所好者。綵線繫之。號畢。悉之。客自認取。以剛竹刀切食。一時盛行。號過廳羊。其飲料不外

茶酒等物。而於茶味之研究。較六朝以上獨精。觀茶經可知矣。

第三節 衣服

唐初士人。以棠其襴衫爲上服。貴女工之始也。一命以黃。再命以黑。三命以纁。四命

以綠。五命以紫。士服短褐。庶人以白。而袍襴襴袖襪之制。始於太宗朝。其時袍爲尋常供奉之服。長孫無忌請於袍上加襴。取象於緣。詔從之。馬周嘗上議曰。禮無服衫之文。三代之制有深衣。請加襴袖襪。爲士人上服。開髀者曰黻髀衫。庶人服之。詔從之。是也。以半臂爲輕佻之服。如房大尉家法不著半臂。是也。然唐初馬周上疏。請士庶服章。於中單上加半臂。以爲得禮。馬編中華古今注豈衣服之時尙。固有不同歟。帶本古革帶之制。自秦漢以來。庶人服之。而貴賤通以銅爲鈎。以韋爲鞆。六品以上用銀爲鈎。九品以上及庶人。以鐵爲鈎。唐貞觀二年。令三品以上。以金爲鈎。服綠。庶人以鐵爲鈎。服白。太宗嘗於端午賜文官黑玳瑁腰帶。武官黑銀腰帶。示色不更改。故也。又天子用九環帶。百官及士庶皆同幘頭。本名上市。亦名折上市。似以三尺皂羅後裹髮。蓋庶人之常服。沿至後周武帝。裁爲四脚。名曰幘頭。唐侍中馬周。更以羅代絹。又令重繫前後。以象二儀。兩邊各爲三撮。以象三才。百官及士庶爲常服。烏紗帽。自天子至於庶人皆服之。武德貞觀中。宮人騎馬。多著羃羅以障蔽全身。至神龍末。

髻離殆絕。開元初。宮人馬上著胡帽。靚粧露面。士庶咸效之。天寶年中。士人之妻著丈夫靴衫鞭帽。內外一體焉。至女人之披帛。亦始於開元中云。中華古今注

第四節 科舉之觀念及仕宦之現影

(甲)好尙文詞。唐承六朝餘習。選賢授任。多在藝文。故當時習程典。親簿領。謂之淺俗。務根本。去枝葉。日以迂闊。武后時劉嶢上疏。謂古之作文。必諧風雅。今之末學。不近典謨。勞心於草木之間。極筆於煙雲之際。以此成俗。斯大謬也。可知士習之浮矣。開元以後。士無賢不肖。恥不以文章達。故楊綰、李德裕亦謂其徒長浮華。終無實用。

(乙)崇重門閥。垂拱中納言魏元同疏稱。今貴戚子弟。例早求官。或齠髻之年。已腰銀印。或童丱之歲。已襲朱紫。雖技能淺薄。而門閥有素。遂爾資望自高。張鷟朝野僉載。張文成曰。選司考練。總是假手冒名。勢家囑請。手不把筆。卽送東司。眼不識文。被舉南館。可見世家子弟之倖進。由於崇重門閥矣。

(丙)重視進士。封演聞見錄。貢舉篇曰。唐代以進士登科爲登龍門。釋褐多拜清

緊。十數年間。擬迹廟堂。輕薄者語曰。及第進士。俯視中黃郎。落第進士。平揖蒲華長。

落第尙可再舉。一得卽職清要。故平揖蒲州。華州之令長。王定保撫言。唐之科舉。初明經。進士並重。後專重進士。

縉紳雖位極人臣。不由進士出身。終不爲美。劉鍊隋唐嘉話。薛元超身爲中書。尙以不由進士及第爲恨。玉泉子。李德裕以

己非由科第。恆被進士舉者。又隋唐佳話。載進士曲江大宴。大牒教坊。請奏上御紫雲樓。垂簾觀

之。公卿家率以是日擇婿。車馬填塞。其心目中直以進士爲神仙。不知幾生修到也。

(丁)鑽營舞弊。不顧廉恥。朝野僉載。張昌宜爲洛陽令。借易之權勢。屬官無不允

者。風聲鼓動。有一人姓薛。賚金五十兩。遮而奉之。宜領金受其狀。至朝堂付天官侍

郎張錫。數日失狀。以問宜。宜曰。我亦不記得。但有姓薛者。卽與錫檢案內姓薛者六

十餘人。并令與官。其蠹政也如此。鄭愔爲吏部侍郎掌選。賊污狼藉。引銓有選人。繫

百錢於靴帶上。愔問其故。答曰。當今之選。非錢不行。愔默而不言。南楚新聞。江陵富

民郭七郎之子。輸數百萬於鬻爵者門。竟以白丁易得橫州刺史。此買賣官爵者也。

有仇士良之關節。而裴思謙可得狀頭。見王定保撰言有裴垣國相之子之私議名氏。而常出

入其家之僧人。可以爲同鄉。翁彥樞要求及第。見王定保撰言有元載署名之空函。至河北而

其丈人可獲絹千疋。張固傳崔元翰爲楊炎所引。欲舉進士。則先求題目爲地。李肇國史

補賄賂公行。情僞百變。但求遂一己之私。又何事不可爲。人心風俗之壞。至於此極。

薛謙光所謂今之舉人。有乖事實。第宅喧競於州府。祈恩不勝於拜伏。明制適下試

遣搜拔。則驅馳府寺。請謁權貴。陳詩奏記。希咳唾之澤。摩頂至足。冀提攜之恩者也。

武后時奏至於李林甫、楊國忠。因高力士得相。鍾紹京爲相。而稱義男於中官。楊思勗之

父楊厯。見蔡京所撰楊厯碑李揆當國。以子姪事閹奴李輔國。呼之爲五父。張岌之詔事薛師

郭霸之詔事來俊臣。宋之問以著名文人。而詔事張易之。其卑污之行。有言之而適

足污人口吻者。科舉時代之人才。固應如是。元次山惡圓。至謂甯方爲阜。不圓爲卿。

蓋亦憤時嫉俗之言也。

第五節 忠義之缺乏

安祿山之亂。唐臣貴如宰相陳希烈。親如駙馬張垠。皆甘心從賊。醜顏爲之臣。此卽處以極刑。豈得爲過。乃廣平王收東京後。希烈等數百人押赴長安。崔器定儀注。陷賊官皆露頭跣足。撫膺頓首於含光殿前。令扈從官視之。并概請誅死。李峴爭之以非維新之典。且謂陷賊者多。若盡誅之。恐堅從賊之心。乃議六等定罪。李勉之奏肅宗。與峴意同。新舊唐書皆是峴而非器。大概當日時勢。有不得不用輕典者。然一時權宜。用以攜離賊黨則可。若竟以峴所奏爲正論。則非也。堂堂大一統之朝。食祿受官。一旦賊至。卽甘心從賊。國法安在。故當時之是峴者。皆因六朝以來。君臣之大義不明。民人不復知有國家。其視貪生利己。背國忘君。已爲常事。有唐雖統一區宇。已百餘年。而見聞習尙。猶未盡改。顏常山、盧中丞、張睢陽輩。激於義憤者。不一二數也。唐之後半部歷史。焉得不成爲藩鎮擅命之歷史哉。全氏祖望曰。收拾遺文。唐末忠義。尙可得十餘人。司空圖、韓偓、孫郃、羅隱、王居巖、朱葆光、顏蕤、李濤、梁震、黃岳、張鴻、梁昊。是也。又有許儒。見王荊公集。然亦寥寥矣。其時女子轉有可風者。如肅宗乾元

元年。青州婦人王娘。請赴行營討賊。僕固懷恩叛唐。李日月爲朱泚將。而其母皆知順逆之理。僕固懷恩之母。見其子不聽訓。提刀逐之。曰。吾爲國家殺此賊。取其心以謝三軍。朱泚將李日月爲泚成射殺。母不哭。罵曰。奚奴天子負汝何事。死晚。劉闢亂於蜀。其嫂庾氏絕不爲親。是也。唐之臣子。對此能不愧死。

第六節 人民之規避稅役

唐書李德裕傳。徐州節度使王智興。奏准在淮泗設壇度人爲僧。每人納二絹。卽給牒令回。德裕時爲浙西觀察使。奏言江淮之人聞之。戶有三丁者。必令一丁往落髮。意在規避徭役。影庇貲產。今蒜山渡日過百餘人。若不禁止。一年之內。卽當失卻六十萬丁矣。按當時一得度牒。卽可免丁錢。庇家產。甚至影射包攬。上不之禁。故趨之者若鶩。然食國家之恩惠。而以逋稅役義務爲快。其國民之程度可知矣。

第七節 朋黨

唐之朋黨。與漢之黨錮不同。漢之黨錮。起於甘陵二部相譏。而成於大學生相譽。唐之朋黨。始於牛僧孺李宗閔對策。而成於錢徽之貶。唐書李宗閔傳。長慶初。錢徽與

齊李紳元稹在翰林有寵於帝共白微取士不以實宗閥坐貶田是嫌足顯結樹黨相謀軋凡四十年結紳之禍不能解漢黨錮以節義羣而不黨之君子也。以君子而受黨之名。故其俗清。唐朋黨以勢利。比而不周之小人也。以小人而趨勢利。勢利盡而止。故其衰季士無操行。論出王伯厚氏

第八節 清議

唐代不以鄉論爲重。故鄉論因之衰息。觀武后天授二年。薛謙光論取士之弊。謂鄉議決小人之筆。行修無長者之論。又云。所舉非不詢於鄉閭。歸於里正。然雖迹虧名教。罪加刑典。或冒籍竊資。邀勳盜級。假其賄賂。卽爲無犯鄉閭云云。則并六朝之不若矣。然愛國詩人。若杜子美、韓昌黎、孟東野、元次山、杜樊川、白香山等。所作詩多規諷時事。猶得風騷忠厚之旨焉。顧亭林曰。天下有道。則庶人不議。然則政務風俗。苟非盡善。卽許庶人之議矣。故盤庚之誥曰。無或敢伏小人之攸箴。而國有大疑。卜諸庶民之從逆。子產不毀鄉校。漢文止輦受言。皆以此也。唐之中世。此意猶存。魯山令元德秀。遺樂工數人。連袂歌于蔦于。卽德秀所作歌元宗爲之感動。白居易爲豔屋尉。作樂

二十餘年。未嘗一日變易。其遇饑歲。則諸子皆蔬食。曰。吾兄弟侍先君爲丹州刺史。以學業未成。不聽食肉。吾不敢忘也。公綽居外藩。其子每入境。郡邑未嘗知。既至。每出入。常於戟門外下馬。呼幕賓爲丈。皆許納拜。未嘗笑語款洽。公綽之子仲郢。以禮律身。居家無事。亦端坐拱手。出內齋。未嘗不束帶。三爲大鎮。廐無良馬。衣不熏香。公退必讀書。手不釋卷。家法。在官不奏祥瑞。不度僧道。不貸贓吏法。朱子小引。此柳氏家法之足垂教後世者。柳玘曰。王相國涯。方居相位。掌利權。竇氏女歸。請曰。玉工貨一釵奇巧。須七十萬錢。王曰。七十萬錢。我一月俸金耳。豈於汝惜。但一釵七十萬。此妖物也。必與禍相隨。女子不復敢言。數月女自婚姻會歸。告王曰。前時釵爲馮外郎妻首飾矣。乃馮球也。王歎曰。馮爲郎吏。妻之首飾有七十萬錢。其可久乎。馮爲賈相餽門人。最密。賈有蒼頭頗張威福。馮召而勸之。未浹旬。馮晨謁賈。有二青衣蒼頭捧地黃酒出。飲之。食頃而終。賈爲出涕。竟不知其由。又明年。王賈皆遘禍。噫。王以珍玩奇貨爲物之妖。信知言矣。徒知物之妖。而不知恩權隆赫之妖。甚於物邪。馮以卑位

貧寶貨。已不能正其家。盡忠所事而不能保其身。斯亦不足言矣。賈之臧獲。害門客於牆廡之間而不知。欲終始富貴。其可得乎。此雖一事。作戒數端。嗚乎。觀於柳氏之所以興。王賈馮之所以敗。居家者宜知所去取矣。

第十一節 婚娶

唐世婚禮納采。有合歡、嘉禾、阿膠、九子蒲、朱葦、雙石、絲絮、長命縷、乾漆、九事。膠漆取其固。綿絮取其調柔。蒲葦取其心可屈可伸。嘉禾分福也。雙石義在雙固也。當迎婦以粟三升填臼。席一枚以覆井。臬三斤以塞窗。箭三隻置戶上。婦上車。壻騎而環車三匝。女嫁之明日。其家作黍臠。女將上車。以蔽膝覆面。婦入門。舅姑以下皆從便門出。復從門入。言當躡新婦迹。又婦入門。先拜豬糠及竈。行禮則夫婦併拜。或共結鏡紐。娶婦之家。喜弄新婦。臘月娶婦不見姑。西陽雜俎通婚最重族望。依然六朝之風。李日知貴。諸子方總角。皆通婚名族。李懷遠與李林甫善。常慕與山東著姓爲婚姻。引就清列。張說好求山東婚姻。與張氏親者。皆爲門甲。四姓鄭氏。不離滎陽。岡頭盧。潭底

李、士門崔，皆爲顯族。竇威嘗謂關東人與崔盧婚者，猶自矜大。見彙苑及合璧事類蓋結婚者，以得望族爲榮。而望族若大原王、范陽盧、滎陽鄭、清河博陵二崔、隴西趙郡二李等七姓，又恃其族望，恥與卑族爲婚。自高宗禁其自相姻娶，於是不敢復行婚禮，飾其女以送夫家焉。隋書山東士人嫁娶，必多取資，人謂之賣婚。劉知幾時又有冥婚之事。韋后爲其弟洵與蕭至忠殤女冥婚。唐書至忠傳是也。結婚自由，如李林甫之女於竇懿選壻。張嘉貞之女於繡幔牽絲。山堂肆考是也。離婚自由，如嚴灌夫以無子而欲出妻，妻作詩喻意而止。楊志堅之妻求離婚，顏魯公爲撫州刺史而不能判其復合。雲溪友議是也。

第十二節 賭博

唐時賭博之事，上自天子，下及庶人，不以爲諱。武后竟自置九勝博局，令文武官分朋爲此戲。記纂淵海武三思與韋后雙陸。中宗至爲之點籌。張賈出守衡州，上曰：聞卿大善長行。賈曰：臣公事之餘，聊與賓客爲戲，非有所妨也。楊國忠乃以善樗蒲得入供

率焉。蓋當時博戲。長行最盛。王公大人。莫不耽翫。至於廢慶弔。忘寢食。有通宵而戰者。有破產而輸者。李肇國史補雙陸最近古。號雅戲。始於西竺。流於曹魏。盛於梁陳魏齊隋唐之間。宋洪邁序高宗咸亨中。貝州潘彥好雙陸。每有所詣。局不離身。曾泛海遇風船破。彥右手持一板。左手抱雙陸局。口啣雙陸骰子。二日一夜至岸。兩手見骨。局終不捨。骰子亦在口。其癖一至於此。朝野僉載此所謂上有好者。下必有甚者也。其時糾率樗蒲者。謂之公子家。又謂之錄事。又謂之囊家。山堂肆考李翱作五木經。誌樗蒲之事最詳。雖遊戲之文字乎。抑亦有所寄託也。

第十三節 鬪雞走馬養鷹

唐時鬪雞之戲。最盛於上巳之辰。元宗在藩邸。樂此戲。及卽位。治雞坊於兩宮間。索長安雄雞千數。養於雞坊。選六軍小兒五百人。使馴擾教飼。上之好之。民風尤甚。諸王世家。傾帑破產。市雞以償雞值。都中男女以弄雞爲事。貧者弄假雞。賈昌以善弄雞。得爲五百小兒長。開元十四年。昌之父忠從封東嶽道死。得旨沿途護送喪車。天

下號昌爲神雞童。時人爲之語曰。生兒不用識文字。鬪雞走馬勝讀書。陳鴻東城老父傳斯

亦元宗之不善作則者矣。按鬪雞之事。始於春秋時之季郈。季平子郈昭伯至戰國而齊俗

最盛。鬪雞之外。兼及縱犬。與當時走馬之戲並行。至漢而養鸚鵡者紛紛矣。唐代除

鬪雞走馬外。李義山雜纂以重孝鬪雞走馬爲頹狂則無孝服時常爲之矣養鷹之事。亦盛行於俗間。此段成式所

以有肉攫部之作也。夫走馬本足以厲尙武精神。較之鬪雞養鳥。猶爲有益。然游閒

公子。流連忘反。因之傾家蕩產。或大啟鬪爭者。屢見不一見。竟與無業游民之鬪鳥

鬪蟋蟀同爲敝俗焉。可勝歎哉。

第十四節 遊宴

王仁裕開元天寶遺事云。都人士女。每至春時。各乘車跨馬。供帳於園圃。或郊野中。爲探春之宴。又云。長安有平康坊。妓女所居之地。京都俠少。萃集於此。兼每年新進士。以紅牋名紙遊謁其中。時人謂此坊爲風流薮澤。而孫棻北里志。謂曲中諸妓之母。皆假母。妓入其中。則無以自脫。諸妓多爲富豪輩。日輸一緡於母。謂之買斷。諸妓

以出里艱難。南街保唐寺有講席。多以月之八日相率聽焉。皆納其假母一緡。然後能出於里。其於他處。必因而游。或約人與同行。則爲下婢而納貲於假母。故保唐寺每三、八日。士子極多。然大中以前。北里頗爲不測之地。往往有謀殺人之事。王式、令狐滈、嘗目擊之。幾罹其毒云。蓋自來輦轂之地。士女必極豪華。而士大夫之遊宴歌舞。雖盛世亦不之禁。謝安所謂不爾何以爲京師也。且自六朝以來。士大夫挾妓飲酒賦詩。本屬尋常之事。唐代重視進士。進士之所翫狎。當時并傳爲嘉話。故新進士贈妓之詩。唐人獨多。而士大夫之贈妓以詩者。亦復不少。揚州風景。秦淮夜月。名士詩人。風流自賞。或半生薄倖。或別有懷抱。如杜牧之白香山等識者乃於此覘世運焉。

第十五節 任俠刺客

唐代任俠刺客。如段成式劍俠傳所述之車中女子、僧俠、京西店老人、蘭陵老人、盧生、聶隱娘、荆十三娘、田膨郎、紅線、崑崙奴、賈人妻、虬鬚叟等。及江行雜錄所述之李龜壽。其趨人之急。而又不輕示人以技。許人以身。綽有古風。其胸次則遜古人遠甚。

又唐代盜殺宰相有二事。其一、元和十年盜殺武元衡。刺裴度傷而免。王承宗之所遣也。其一、開成三年盜刺李石。以馬逸得脫。仇士良之所遣也。蓋是時藩鎮宦官皆得以暗殺手段。挾制朝廷。唐事已不可爲。而爲藩鎮宦官所用之刺客。其人格亦不足數矣。

第十六節 械鬪

唐杜佑通典。五嶺以南。人雜夷獠。不知教義。以富爲雄。鑄銅爲大鼓。初成懸於庭中。置酒以招同類。人多構讎怨。欲相攻擊。則鳴此鼓。有此鼓者。號爲都老。海槎餘錄。黎人皆善射好鬪。積世之仇必報。每會聚。親朋各席地而坐。飲酣顧梁上弓矢。遂奮報仇之志。而衆論稱焉。其弓矢。蓋其祖先有幾次鬪敗之恥。則刻箭幾次。射於梁上以記之者也。飲醉。鼓衆復飲。相與叫號作狗吠聲。自云本係狗種。欲使祖先知而庇之也。以次則宰羊羔肉。俵散就近村落。無不踴躍接受。尅日起兵。仇家聞之。亦如此法。募兵應敵臨陣。遇府縣公差人役。樂請觀戰。兩家婦女。亦各集本營。當退食之時。婦

女爭出營認箭。兩不拘忌。其俗云男子仇則結於男子面上。若及女子。則其家更深仇怨矣。其勝敗追奔。亦各有程度。不少踰其數。中罹鋒鏑死者。父母妻子諱不悲泣。恐敵人知其不武也。觀此二說。而知械鬪本野蠻之俗所常有。蓋不自唐始也。然由唐以至於今。經數千年之文化。而兩粵及吾江西之吉贛樂平等處。械鬪之案。猶層見而疊出。豈其野蠻之俗竟不可變耶。嗚呼。使移其私鬪之勇而用之於公戰。則尙武之風。一倡百和。於以振中國民族之衰弱。豈非卓卓焉軍國民之資格哉。惜其梗化而莫之悟也。

第十七節 巫覡

昔者聖人處未開化之時代。知神權迷信之難以猝破也。故本神道以設教。而巫覡在所不禁。觀周禮春官可知矣。春秋以降。淫祀漸興。詛祝多有。桑田之巫。梗陽之巫。及楚之范巫。緣是以出。漢時乃有巫蠱。以至六朝。巫覡盛行。顏氏家訓。至目之爲妖妄。然信巫覡者至唐而又甚焉。元宗之封東嶽也。用老巫阿馬婆以禮嶽神。開天傳信記

王璵之相肅宗也。分遣女巫於各州縣。惡少數十人隨之。所到橫索金帛。唐國史補棣王

琰之二孺人爭寵也。密求巫者置符琰履中以求媚。唐書奉巫覡爲神明。號巫覡爲

天師。不但用之醫病祈福祈雨也。卽升遷之事亦決之於巫覡。如范攄雲溪友議所

載。石州巫言石雄升遷之事悉驗。是也。然韋觀爲大僕。使巫禱求節度使。而卒貶潘

州司馬。唐書趙彥昭以巫力得宰相。爲御史郭震所奏。姚崇執政。卒貶江州別駕。唐書

巫覡之術安在乎。靈異記又載。白行簡生魂求食。中巫術而死。蘇州巫趙十四。平

日能致生魂。又曾以術致許至雍妻之死魂。其說尤怪誕。而世俗信之。大抵當時社

會上迷信巫覡。已成爲一種之神經病。雖有崔郾之毀金天神像。杖責神巫董氏。酉陽

雜俎狄惟謙之因求雨不驗。杖殺女巫郭天師。劉義而信之者如故也。彼李嘉祐王建

賽神之詩其猶有醒俗之意乎。

第十八節 言語

郎郎之名起自秦漢郎官而吳中惡之郎世說石虔小字鎮惡軍士之呼獨孤信爲孫郎

孤邸後周書由來已久故唐大人多用之此與隋時大人之創業居注爲時文武官人非未署置軍中呼太子秦王爲大人郎二郎此與隋時大人之創業居注爲時文武官人非同張易之張昌宗爲六郎武承嗣謂武三思宗楚客奈何卿五郎琬曰以官言之正當易之爲五郎昌宗爲六郎郎果謂武三思宗中丞奈何卿五郎琬曰以官言之正當爲卿足下非張卿家奴何郎之有安祿山德李林甫呼十郎王錡謂王琪爲七郎李輔國用事中貴人不敢呼其官但呼五郎程元振軍中呼爲十郎陳少游謁中官道秀謂元宗以其行臣下稱天子亦謂之郎唐書韋堅傳三郎當殿坐看嘉話錄歌三郎謂元宗以其行臣下稱天子亦謂之郎唐書韋堅傳三郎當殿坐看嘉話錄元宗呼總之奴爲恩郎是也然郎實爲朝野僉稱其主人之辭觀宋門生家奴呼其主爲郎今俗謂之郎主蓋自唐以後傳奴稱主人通謂之郎矣

哥

哥以之稱謂子者宋王荆公謂之子秀曰大哥趙善湘語王母命曰三哥甚有稱謂哥是也子秀父是也哥有以之稱弟者宋欽宗臥太后車前曰哥（睿宗行四）仁孝同氣是有太平元竟呼父爲哥觀舊唐書王琚傳元宗泣曰四哥（睿宗行四）仁孝同氣是有太平元宗子棣王瑛傳惟三哥（元宗行三）辨其罪可知按之今人稱兄之爲哥而六朝或呼父爲兄兄北齊諸王（唐）人之呼父爲哥固無足異總之哥爲兄之別稱若唐元宗與哥王徽書稱爲大哥以哥稱其兄尙不進爲正五代晉王存勖呼張承業爲七哥孔謙呼伶人景進爲八哥亦稱兄長

宅家

天子原有家故稱天家家親近侍從官稱天子爲天家家首官書小吏之志義熙初童謠曰以天下爲原天家家親近侍從官稱天子爲天家家首官書小吏之志義熙初童謠曰以官家養唐時宮中則呼天子爲宅家通鑑唐昭宗乾寧四年王建發兵圍十故宅官家是也

軍諸容王呼曰宅家。是也。兒昭宗光化三年。稱宅家。遂等以天下政爲廢宅。息后。禮至。拜也。

官人 官南人。不以士與人。凡子。杜子。樊昌。達唐王。典。劉。主。諸。詩。一。女。外。官。之。人。必。冷。

好漢 之。新。唐。相。才。也。舊。唐。書。武。后。此。事。秋。仁。健。傳。曰。安。士。得。一。好。漢。能。用。收。之。唐。仁。健。曰。荊。州。長。史。張。東。

詩云。人。酷。吏。一。好。漢。劉。資。似。張。長。史。謂。男。子。爲。漢。唐。已。有。士。之。元。宗。謂。復。吉。曰。奈。何。不。以。其。國。家。見。

雜料。第。見。朝。野。食。飲。見。玉。泉。子。鄉。舊。山。雜。選。人。爲。

娘子 始。於。隋。衆。紹。妻。位。典。兵。之。志。呼。娘。子。軍。昌。子。謝。有。夫。人。薨。氏。以。十。二。婦。女。之。文。花。蕊。夫。人。宮。亦。

見。稱。玉。泉。子。

丫頭 劉。賓。客。詩。花。面。

阿嬌 李。義。山。雜。集。七。不。城。傳。沐。猴。注。少。阿。嬌。即。李。麗。賢。母。母。音。轉。阿。嬌。正。字。通。呼。母。曰。阿。嬌。此。其。備。

也。證。

半子 唐。書。回。紇。傳。咸。安。公。主。下。嫁。可。汗。上。

檀郎 李。蓬。山。詩。謝。傅。門。庭。舊。未。行。今。朝。歐。

親家爲男女締姻者。兩家相謂。

花娘也。陶隱居轍耕錄云：娼妓爲花娘。李賀《中胡勢駕婦歌》序：命花娘曰：娼子。又謂娼妓是。

爲花子。

家生兒俗。史記陳僕傳：爲家人。或曰：徒人家。而嘉子。師古曰：奴婢所生子。猶人云：家生兒也。今。

阿奢娼嫖爲妻也。通鑑：寶貞再娶。不訢。乳。

姪七禾反。短身也。唐書：王匡傳：匡貌姪。陋。玉泉子：裴垣謂子勛曰：姪人饒舌。

郎當不強健也。見唐書：按之一爲物。連率而重。故俗以漢王莽傳：以爲銀鎖。銀鎖。又前漢注：行。

志作現當。

樓羅唐書：回紇傳：加冊可汗。爲敏之意。顏登：密施舍。俱錄：英。葵。建。功。毗。伽。可。汗。舍。俱。

可謂是。樓羅兒矣。宋史：張恩。則宋人用。征伐。煩有。功。賀。狀。小。羅。而。二。橫。悍。太。宗。嘗。稱。其。樓。

西陽王。魏。所。傳。警。有。鮮。卑。聚。人。辭。云：城。頭。網。雀。樓。羅。人。著。南。齊。書：顏。歡。論。云：與。羅。之。辨。

可知矣。

措大

崔慎山子詩箇是何措大時來省南殿見通鑑唐文宗坐於殿上考異曰皮光業見聞錄曰

仍戒慎山曰事泄即不是此措大慎由遂大謗不合敢言李義山雜詩必不好來窮措大喚妓女不相解措大解音則廢業則鳴

白袍子

唐士子入試皆著白衣故有白袍子白徒北史粉粉李敏傳今俗謂未進身者爲白

之白民同

底

唐張嘉貞爲舍人崔湜輕之呼爲某家底

村氣

劉諫謂唐人曰此乃薛尚馬村氣也

天邪

天音歪唐詩錢塘蘇小不正人道最

流落

明皇雜錄李白杜甫孟浩然雖有文名俱流落不合也又留一本與流通史記謂流落

與留落同義可也

含胡

唐顏杲卿含胡而死今俗謂人語不明瞭曰含胡

辜負

謂虛人意也見唐書

欺負

李翱俗呼欺負。見

羅師

張鷟胡野食載宗楚客除益守一爲監察御史於朝堂抗

活計

白生埋也。出

認得

白居易詩一

記得

劉禹錫詩記得

窮相

謝光業與鄭光業同居之語

背面

杜甫北征詩見爺背面。李商

錯認

臆言無名子嘲鄭薰詩主司頭

瑣細

杜詩遠近羅水族瑣細不足名。唐宣者之官故其所以又瑣細之事。

花樣

國史補薛兼訓爲江東百節人。由是越俗中大化。競添花樣。

烏鬼

杜甫詩。家家大噪。謂之邵氏。聞鬼。漫史詩話。川人正月。豬家。日爲。設牲酒。於。鬼。

之聲。故。鬼。

當面

杜甫詩：「每思當面吐。」

差脚

蘇軾詩：「差脚支筵，宗紀今謂，專差及挑，夫當搬運，夫亦曰有脚子。」

喫飯

杜甫詩：「但使殘年飽喫飯，只是饑來無事長相見。」

零碎

唐書：「宗紀，柳戶部，牒稱州府除陌錢有折。」

多半

方干詩：「常憐古國畫，遊半天台。」

無理取鬧

韓愈詩：「和食無理，祇取。」

穩當

杜甫詩：「五陵遊客，莫知波氣穩。」

來釐

吳中記：「吳民呼來，皆音釐，蓋德明吳人也。」

裏許

謂裏面也，溫岐詞：「合歡桃核。」

在何許

杜甫詩：「我生本無。」

噫吁嘻

鼻州山人曰：「噫，故太自見，蜀道難，表聖休休亭記：『用之。』」

懊

廣韻：「懊，烏皓切，音如愛，蓋懊，本有愛，忤之義，見郭璞爾雅釋言：『懊，忤也。』」

爲生。謂終爲快。今謂之意。爲。謂。謂。嘉。爲。爲。好。治。爲。亂。反。也。

等憶幾觀心亂也

遊侍韓愈月蝕詩念此日

一樓王建宮詞新彩

早飯白居易詩早飯道西門炊詩行憲寄天香炊師早飯又文選天祥詩

中飯李頎南中遊飯詩

乘涼李頎南中遊飯詩

點心唐史及鄭修夫人可點心弟曰治小餐未畢

快活韓愈志梅歎曰楊爲翰林學士一日識字乎曰不識梅曰更苦忽見也五卒臥於目次欠伸

司其諸吏聞有相賀曰天下人謂之快快活活矣道山清話太皇是後身劉快活

寄信張籍詩又歐陽修詩寄信無秋雁

乞相蘇逢晚年厄於途嘗策羸馬赴朝值新進士綴行阿婆三五少時也

曾東塗
西抹來

書魔 白居易詩：「平生書魔有，骨兩眼。」蘇軾

屬付 李賀大經閣詩：「更得一日，且密承屬付。」歸來有端的，有又朱子題

商量 大凡所奏請，必曰：「與三郎商量。」

用費 唐書：「崔仁師傳：『遷度支郎中。』」

送行 高適詩：「只言啼鳥堪求侶，無那春風欲送行。」

好處 韓愈詩：「村邊是一年春好處。」

喜事 韓愈燈花詩：「更煩將喜事，來報主人公。」

方便 元稹：「中經：『摩詰以死無量方便，取國益衆生。』」

摘茶 采茶 韓偓詩：「生涯又采陸游詩：『鄉俗摘茶歌，春光老。』」

對面 杜甫詩：「忍能對面爲盜賊。」楊萬里詩：「對面一雙峰。」陸游詩：「舟中對面若不得面語。」

熱鬧 清吳錫武宗：「王才人曰：『朕非不能取熱鬧，快活正。」

什麼樂篇問曰且見牛僧孺所作說

到底止又唐書李渤傳凡十家之內大半將逃亡亦須五家攤稅似投殞石井底耶非到底材不

詩成功名到

一半唐太宗望雪詩迎風一半秋光此夕分

一霎孟郊春後雨詩昨夜一霎雨又陳造宿直癡家詩蝶夢達一霎

耶罷罷閭俗呼子爲圉父爲郎罷別圉吾梅生汝云知耶罷老

一片衆聲能詩也

一潑李翊俗呼爲小縫雨

煙形鴉牙則牙音司空圖文女則牙牙學語

溫暾冷熱適中也一日熱不透也王建詩新晴草色暖溫暾今蘇州有此語

庫露玲瓏空虛也皮日休詩襄陽作繁器讀中有平聲

直籠統不委曲也

黑暗

聞見後錄。南人謂象齒爲白暗。犀角爲黑暗。少駿詩。黑暗通變。貨用方言也。

耳邊風

杜荀鶴詩。百歲人聆。涯頭上雪。萬般無染耳。邊風。今嘉定謂人聆。言不省。曰耳邊風。

岸漑土銼

宋王伯厚困學紀聞。評詩云。杜詩多。用方言。如岸漑土銼。乃黔蜀人語。

彭亨

韓文公石鼎聯句。系腹彭彭。亨。今嘉定俗呼腹。腹曰彭亨。

波站

李翊俗呼小錄。謂之波。立謂之站。

添

李翊俗呼小錄。呼下酒具爲添。

俺

廣韻。於敏切。音俺。我。俺。按北人稱我曰俺。

倭

廣韻。方廟切。標去聲。六書故。倭。分界也。

唐人稱呼人喜用次第。高祖呼裴寂爲裴二。明皇呼宋濟爲宋五。德宗呼陸贄爲陸九。見王定保摭言。韋夏卿有知人之鑒。因退朝於街中逢再從弟執誼。從弟渠牟舟。三人皆第二十四。并爲郎官。簇馬良久。曰。今日逢三二十四郎。輒欲題目之。王藻。王素。貞元中應舉齊名第十四。每偕往還通家。稱十四郎。見大唐傳載。而范攄雲溪友

議稱李紳爲李二十。玉泉子。崔鉉謂路巖爲路十。劉賓客嘉話錄。亦有韓十八。李二十六程。李二十六丈。丞相席十八舍人之稱。唐書鄭綮傳。本善詩。其語諱諧。故使落詞。世共號鄭五。歆後體。是稱鄭綮爲鄭五也。而綮又自稱鄭五。亦見本傳。

第三章 五代

第一節 概論

羅仲素曰。教化者朝廷之先務。廉恥者士人之美節。風俗者天下之大事。朝廷有教化。則士人有廉恥。士人有廉恥。則天下有風俗。至哉言也。歐陽公五代史。於家人及諸臣死事一行王進等列傳。皆痛斥當時風俗上之絕滅倫理。喪失廉恥。而於馮道傳言之尤切。其言曰。禮義廉恥。是謂四維。四維不張。國乃滅亡。善乎管子之能言也。禮義治人之大法。廉恥立人之大節。蓋不廉則無所不取。不恥則無所不爲。人而如此。則禍敗亂亡。無所不至。況爲大臣。而無所不取。無所不爲。則天下其有不亂。國家其有不亡者乎。予讀馮道長樂老敍。見其自述以爲榮。其可謂無廉恥者矣。

則天下國家可得而知也。按馮道事四姓十君。竊位於篡弑武人之朝。不自知愧。故歐陽公罵之如此。又於傳末引王凝妻李氏。以愧忍恥偷生之輩之學馮道者。其意深矣。明高忠憲有言曰。世間一點恥心。至馮道滅盡。嗚呼。古今之無恥者。無過於馮道。則馮道爲古今無恥者之代表。而五代風俗之無恥。更何不可以馮道代表之也。馮道可謂衣冠禽獸矣。然後世之崇拜馮道。模倣馮道。利用馮道。而生非五代。不見正於歐公之筆者。可勝道哉。

第二節 氏族及名字

氏族之亂。莫甚於五代之時。當日承唐餘風。猶重門蔭。故史言梁唐之際。仕宦遭亂奔亡。而吏部銓文書不完。因緣以爲姦利。至有私鬻告敕。亂易昭穆。而季父母舅反拜姪甥者。五代史豆盧革傳當時人取名多用彥字。趙雲松之廿二史劄記與六朝人取名之多用僧字者相同。亦一時無謂之好尙矣。

第三節 言語

姑夫五代史皇后云敬瑄入

風子子通擬梁紀考異陶岳五代史補云楊涉之

賴子五代史高從誨者爲高賴子今

親家翁男女締姻者兩家相謂爲親家五代則謂爲

眼孔小屋子書言故事云桑維翰愛錢上曰持大

喫飯處五代史安叔千傳耶律德光勞汝叔曰汝在

泥窗蜀人謂紅錦窗爲泥窗花蕊夫

第四編 由浮靡而趨敦樸時代

第一章 宋

第一節 概論

顧亭林先生曰。宋史言士大夫忠義之氣。至於五季變化殆盡。宋之初興。范質、王溥、猶有餘憾。藝祖首褒韓通。次表衛融。以示意嚮。眞、仁之世。田錫、王禹偁、范仲淹、歐陽

修、唐介、諸賢以直言議論倡於朝。於是中外薦紳咸以名節爲高。廉恥相尙。盡去五季之陋。故靖康之變。志士投袂起而勤王。如宗澤、韓琦、劉錡諸人。臨難不屈。所在有之。及宋之亡。忠節相望。嗚呼。觀哀平之可以變而爲東京。五代之可以變而爲宋。則天下無不可變之風俗也。

第二節 飲食

楓窗小牘云。（舊京工役固多奇妙。即烹煮槃案亦復擅名。如王樓梅花包子、曹婆婆肉餅、薛家羊飯、梅家鵝鴨、曹家從食、徐家瓠羹、鄭家油餅、王家乳酪、段家燒物、石達巴子南食之類。皆聲稱於時。若南遷湖上魚羹、宋五嫂羊肉、王家血肚羹、宋小巴之類。皆當行不數者。）此可以覘當時飲食之好尙矣。其普通製作飲食之法。則虞懌食珍錄言之最詳。

第三節 衣服

文獻通考。宋眞宗大中祥符間。禁民間服皂班纈衣。宋史輿服志曰。初皇親與內臣

所衣紫。皆再入爲黝色。後士庶漸相效。言者以爲奇袤之服。仁宗始禁之。紫衫本軍校之服。中興士大夫服之。以便戎事。高宗紹興二十六年。禁母得以戎服臨民。自是紫衫遂廢。涼衫其制如紫衫。亦曰白衫。孝宗乾道初。王儼奏。竊見近日士大夫皆服涼衫。甚非美觀。而以交際臨民。居官純素。可憎有似凶服。陛下方奉兩宮。所宜革。且文武並用。本不偏廢。朝章之外。宜有便衣。仍存紫衫。未害大體。於是禁服白衫。先是宮中尙白角冠梳。人爭效之。謂之內樣。名曰垂肩等肩。至有長三尺者。梳長亦踰尺。言者以爲服妖。仁宗乃下詔。令婦人所服冠。高母得踰四尺。廣母得踰一尺。梳母得踰四寸。毋以角爲之。朝野雜記。述宋代衣服之改變。則謂自渡江以後。人情日趨於簡易。不能復故云。

第四節 忠義

以宋代仁人義士之接踵。徒隨劫運以俱盡。卒無補於國之危亡。讀史者未免有餘憾。然誠一思其身當國變。茹辛忍苦。百折不回。又不覺肝膽照人。生氣凜凜。如演一

場英雄之活劇。不但崇拜之。歌舞之。且有勃然興起者。以其可爲萬古國家社會風俗上之標準也。夫既可爲萬古國家社會風俗之標準。則其可爲當時風俗之代表。自不待言。故吾言宋之風俗。不得不急舉仁人義士以爲冠冕焉。

(一) 岳飛。

字鵬舉。

號令風霆迅。天聲動北陲。長驅渡河洛。直擣向燕幽。馬蹀闕氏血。

旗臬克汗頭。歸來報明主。恢復舊神州。此岳飛所作詩也。每一讀之。未嘗不板觸盛衰興廢之往事。而動憑弔英雄之慨於無已也。其所作滿江紅詞云。怒髮衝冠。凭欄處。蕭蕭雨歇。擡望眼。仰天長嘯。壯懷激烈。三十功名塵與土。八千里路雲和月。莫等閒。白了少年頭。空悲切。靖康恥。猶未雪。臣子恨。何時滅。駕長車。踏破賀蘭山缺。壯志饑餐胡虜肉。笑談渴飲匈奴血。待從頭。收拾舊河山。朝天闕。蓋又未嘗不讀之而意氣飛動。怦怦不能自己。而喚起人生不可不自勵爲英雄豪傑之心。蓋英雄者。以時勢而增重者也。故平易時代之人才。每不及艱難時代之人才。南宋則需才孔亟之時代也。而岳飛能以積弱之宋。抗方興之金。一二月間。屢戰屢捷。勢如破竹。固早

已懸一指顧間渡河洛。擣幽燕。直抵黃龍。與諸君痛飲之快事之希望於胸中。其前途正未可量。乃金牌見召。不但十年之功。廢於一旦。竟以三字獄死於秦檜之手。於中國歷史上結構一最悲壯之劇。蓋岳飛雖爲未成事之英雄。而千載下猶有餘痛。正以其功敗於將成。而愛國排外之思想。又不可多得也。然岳飛雖功敗於將成。而其精誠浩氣。固長流行照耀於天地間也。

二 文天祥。號文山。

欽定四庫全書提要。文山集二十一卷。宋文天祥撰。天祥事迹

具宋史本傳。天祥平生大節。照耀今古。而著作亦極雄贍。其廷試對策。及上理宗諸書。持論剴切。尤不愧肝膽如鐵石之目。故長谷真逸農田餘話曰。宋南渡後。文體破碎。詩體卑弱。惟范石湖、陸放翁爲平正。及文天祥留意杜詩。所作頓去當時之凡陋。觀指南前後錄可見。不獨忠義貫於一時。亦斯文間氣之發見也。又文信國集杜詩四卷。於國家淪喪之由。生平閱歷之境。及忠臣義士之周旋患難者。一一詳誌其實。顛末粲然。不愧詩史之目云。今讀其詩。如（厥角稽首二百州。正氣掃地山河羞。）

（幾多江左腰金客。便把君王作路人。）何等痛切。（不是謀歸全趙璧。東南那個是男兒。）（江山不改人心在。宇宙方來事未休。）（人生自古誰無死。留取丹心照汗青。）（國破家亡雙淚暗。天荒地老一身輕。）何等悲壯。又南康軍和東坡酹江月云。廬山依舊淒涼處。無限江南人物空。翠晴嵐。浮汗漫。還障天東半壁。雁過孤峯。猿啼老嶂。風急波翻雪。乾坤未歇。地靈尙有人傑。堪嗟飄泊孤舟。河傾斗落。客夢催明發。南浦聞雲連草樹。回首旌旗明滅。三十年來。十年一過。空有星星髮。夜深愁聽胡笳。吹徹寒月。代王夫人作詞云。彩雲散。香塵滅。銅駝恨。那堪說。想男兒慷慨。嚼穿齧血。回首昭陽離落日。傷心銅雀迎新月。算妾身不願似天家。金甌缺。愛國之心。亡國之恨。讀之不覺聲淚俱下。至於正氣一歌。及絕命後。元人檢得衣帶中成仁取義之語。淺人皆能道之。嗚呼。天祥之心苦矣。志壯矣。後世論史家常以張世傑、陸秀夫、李庭芝、李芾、陳文龍、單公選、趙興擇、馬暨、姜才、趙淮、趙卯發、夏椅、王安節、阮正己、江萬里等。與天祥同爲宋數百年國家養士之報。及宋儒提倡學風之效果。諒哉言也。故聞

天祥之風者。頑夫廉。懦夫有立志。

（三）鄭思肖。

號所南。

昔人有言。哀莫大於心死。心者精誠之所集。所以植天經。立人

極。亙萬古而不磨者也。故自古國家。有人心。然後有風俗。宋遺民鄭思肖。固一心宋室者。其言曰。國之所與立者。非力也。人心也。故善觀人國家者。惟觀人心爾。又曰。今之人。萬其心。一於利。皆痛惡夫亂臣賊子。無人心者之言也。故讀其所爲心史。益知其心之光明俊偉。爲有宋一代元氣之所存。其詩曰。二心中國夢。萬古下泉詩。（春風仍日月。世界自山河。）（不知今日月。但夢宋山川。）（生得男兒骨。一死亦精神。）（丈夫立身乃大事。一失此足死亦恥。）（小臣有誓曾銘骨。不到神州不太平。）（我非辦得中興事。一點英靈死不消。）（甯可枝頭抱香死。不曾吹落北風中。）（心勅雷霆開世界。手提日月上山川。）（誓以匹夫紓國難。艱於亂世取人才。屢曾算至難謀處。裂破肺肝天地哀。）（眞一字一淚。凡所爲文皆然。每盡一篇。腔血輒騰躍一度。嗚呼。先生之詩文。一日在天壤。則先生之精神。與中國永無盡也。豈僅於宋代歷史上佔最

高之價值已哉。

此外愛國之詩人。猶有陸務觀、姜白石、范石湖等。而王伯厚困學紀聞又云。更無柳絮隨風舞。惟有葵花向日傾。可以見司馬公之心。浮雲世事改。孤月此心明。可以見東坡公之心。

第五節 廉恥

延平先生李侗論治道。必以明天理、正人心、崇節義、厲廉恥爲先。故欲察人心之廉恥。覘之於官吏足矣。官吏者有維持風化、表率下民之責者也。理宗時真文忠公趙鼎奏曰。乾道、淳熙間。有位於朝者。以饋遺及門爲恥。受任於外者。以苞苴入都爲羞。然淳熙十五年朱文公封事。言浙中風俗之弊。甚者以金珠爲脯醢。以契券爲詩文。則此風猶未革也。蓋官吏之貪污。非一日所能去矣。

第六節 學風

陳止齋曰。宋興士大夫之學無慮三變。起建隆太祖至天聖、明道、仁宗間。一洗五季之陋。

而守故蹈常之習未化。范文正公始與其徒抗之以名節。天下靡然從之。人人恥無以自見也。歐陽子出。而議論文。章粹然爾雅。軼乎晉魏之上。久而周子出。又落其華。一本於六藝。學者經術。庶幾於三代。何其盛哉。則本朝人物之所由衆多也。見其所作溫州

學田記其說於宋代學術之演進。言之甚確。按宋自神宗立太學三舍法。厥後鄧肅卽

以太學生上十詩。論花石之擾。

見王明清揮毫錄

陳東卽以太學生上書。論大臣誤國。并痛

陳時事。論史者以爲興學育才之效。但學風之提倡於上者。民之受之。猶在被动地位。不如濂洛關閩諸儒之自行集徒講學。轉足以正人心而維風化也。故宋末忠義之氣。實胚胎於講學諸儒。而太學諸生。除鄧肅、陳東外。其餘猶多訾議焉。東軒筆錄曰。王荊公在中書作新經義以授學者。故太學諸生幾及三千人。又令判監直講程第諸生之業。處以上中下三舍。而人閒傳以爲試中上舍者。朝廷將以不次升擢。於是輕薄書生。矯飾言行。坐作虛譽。奔走公卿之門者若市矣。鄧志宏沙縣重修縣學記曰。崇寧徽宗以來。蔡京羣天下學者。納之黌舍。校其文藝。等爲三品。飲食之給。因而

有差。施別人才。止付於魚肉銖兩間。學者不以爲差。且逐逐然貪之。周密癸辛雜識後集曰。三學之橫。盛於景定、淳祐之際。凡其所欲出者。雖宰相臺諫。亦直攻之。使必去。權乃與人主抗衡。一時權相如史嵩之、丁大全。不惜行之。亦末如之何也。賈似道作相。度其不可以力勝。遂以術籠絡。每重其恩數。豐其饋給。增撥學田。種種加厚。於是諸生啖其利而畏其威。雖日擊似道之罪。而噤不敢發一語。及賈要君去國。則上書贊美。極意挽留。今日曰師相。明日曰元老。今日曰周公。明日曰魏公。無一人敢少指其非。齊東野語曰。賈似道欲優學舍以邀譽。乃以校尉告身錢帛等俸京庠。擬試時。黃文昌方自江閩入爲京尹。益增賞格。雖未綴猶獲數百千。於是羣四方之士。紛然就試。時襄郢已失。江淮日以遽告。有無名子作詩揭之試所云。鼙鼓驚天動地來。九州赤子哭哀哀。廟堂不問平戎策。多把金錢媚秀才。觀以上諸說。以可以去權奸之太學生。轉而爲媚權奸之太學生。蓋志趨不端。故籠絡之術得以中之也。被動之效果。如是如是。

第七節 婚娶

議婚太早。或於襁褓童幼之時。輕許爲婚。因亦有指腹爲婚者。及其既長。或不肖無賴。或身有惡疾。或家貧凍餒。或喪服相仍。或仕宦遠方。遂至棄信負約。速獄致訟者多矣。見司馬溫公家範連姻多主因親及親之說。以示不相忘。世範故蘇洵以女嫁其內兄程溶之子之才。而其女作詩。有鄉人嫁娶重母黨之句。呂榮公夫人張氏。乃待制張鼎女。待制夫人。卽榮公母中國夫人之姊。則姨表兄弟姊妹也。然姑舅兄弟。當時猶有疑其不可爲親者。容齋續筆曾論及之。婚姻論財。故媒妁言最難信。給女家。則曰男家不求備禮。且助出嫁遣之資。給男家。則厚許其所遷之賄。且虛指數日。往往有輕信其言而成婚。其後責恨見欺。夫妻反目。至於仳離者。世範娶婦謂之索婦。陸學記。筆娶婦之夕用樂。潘波雜志宜仁云尋常人家。有上高座之禮。袁氏世範今之士椅相背。置一馬鞍。反令婿坐其上。飲以三爵。女家三請而後下。餘詳文公婚禮。

第八節 喪葬

宋時喪禮盡廢。士大夫居喪。食肉飲酒。無異平日。又相從宴集。覲然無愧。人亦毫不爲怪。乃至鄙野之人。初喪未斂。親賓則賁酒饌往勞之。主人亦自備酒饌。相與飲啜。醉飽連日。及葬亦如之。甚者初喪作樂以娛尸。及殯葬則以樂道輶車。而號泣隨之。亦有乘喪卽嫁娶者。論出司馬溫公當時信浮屠誑誘。凡有喪事。無不供佛飯僧。云爲死者減罪資福。使生天堂。受諸快樂。不爲者必入地獄。剉燒春磨。受諸苦楚。此種謬說。朱文公曾力闢之。喪祭用紙錢以禮鬼神。紙錢起於漢之葬埋瘞錢。而南齊東昏侯始實行之。杜詩洪慶善唐元宗時。王璵爲祠祭使祈禱。或焚紙錢。唐書王璵傳五代以來。寒食野祭率用之。至宋而紙錢盛行於俗間。邵康節比之於明器。邵伯溫聞錢若水不燒楮鏹。呂南公字次儒南城人至爲文頌之。葉大慶愛而杜正獻亦不焚紙錢。見却然亦寥寥矣。火葬之俗。當時最盛。宋史紹興二十七年。監登聞鼓院范同言。今民俗有所謂火化者。生則奉養之具惟恐不至。死則燔熱而捐棄之。國朝著令。貧無葬地者許以官地安葬。河東地狹人衆。雖至親之喪。悉用焚棄。景定理宗二年。黃震爲吳縣尉。

乞免再起化人亭狀曰。照對本司久例。有行香寺曰通濟。在城外西南一里。本亭久爲焚人空亭。約十間以罔利。合城愚民。悉爲所誘。親死卽舉而付之烈燄。餘骸不化。則又舉而投之深淵。哀哉斯人。何苦而遭此身後之大戮耶。震久切痛心。以人微位下。欲言未發。乃五月六日夜。風雷驟至。獨盡撤其所謂焚人之亭而去之。意者穢氣彰聞。冤魂共訴。皇天震怒。爲絕此根。越明日。據寺僧發覺陳狀。爲之備申使府。蓋亦幸此亭之壞耳。案吏何人。敢受寺僧之囑。行下本司。勒令監造。震竊謂此亭爲焚人之親設也。人之焚其親。不孝之大者也。此亭其可再也哉。案列子言。秦之西有義渠之國者。其親戚死。聚柴積而焚之。熏則煙上。謂之登遐。然後成爲孝子。荀子言。氏羌之民。其虜也不憂其係纍。而憂其死不焚也。蓋西羌之俗。始有火葬。而中土焚尸之事。始見於春秋。衛侯之焚褚師定子。然風俗上殊不謂然。田單以掘齊墓燒死人。激怒齊人。而因以破燕。尉佗在粵。聞漢掘燒其先人塚。而有反意。皆以焚尸骸之駭人聽聞也。有之則以施之於仇人惡人。如漢尹齊爲淮陽都尉。所誅甚多。及死。仇家欲

燒其尸。東海王越亂晉。石勒剖其棺。焚其尸。楊元感反。隋乃掘其父素冢。焚其骸骨。是已。今泰西及日本。火葬盛行。而中國杭城。火葬之俗猶昔。或者卽孔子死欲速朽之義耶。佛重靈魂。輕體魄之說乎。則吾不得而知矣。厚葬之俗。較唐以前尤盛。士大夫罕有斥其非者。如趙概聞見錄。謂晏殊薄葬。而遭剖棺碎骨之慘禍。張耒以厚葬而免。固猶注重厚葬也。

第九節 巫覡

宋史李惟清傳。惟清解褐涪陵尉。蜀民尙淫祀。病不療治。聽於巫覡。惟清擒大巫。笞之。民以爲及禍。他日又加箠焉。民知不神。然後教以醫藥。稍變風俗焉。侯可傳。可知巴州化城縣。巴俗尙鬼而廢醫。惟巫言是用。可禁之。幾變其俗。蔣靜傳。爲安仁令。俗好巫。疫癘流行。病者甯死不服藥。靜悉論巫罪。聚其所祀淫像三百軀。毀而投諸江。陳希亮傳。希亮知郫縣。巫覡歲斂民財祭鬼。謂之春齋。否則有火災。民訛言有緋衣老人行火。希亮禁之。民不敢犯。火亦不作。毀淫祠數百區。勒巫爲農者七十餘家。夏

竦傳。竦徙壽安洪三州。洪俗尙鬼。多巫覡惑民。竦索部中得千餘家。敕還農。毀其淫祠以聞。詔江浙以南悉禁絕之。案巫覡緣鬼神以求食者也。鬼神之迷信。既深入人心。至於病不服藥。惟事祈禳。故巫覡得以施其誑誘之術。徒禁巫覡。本不足以拔除迷信。然巫覡惑人之力不小。禁之亦大有益於風俗。至於醫藥之不講求。又爲社會尊用巫覡之一原因。蓋其心理上。以爲醫藥與巫覡均索之冥冥。求人醫不如求神醫。而醫遂見賤矣。

第十節 言語

兩樣

范成大晚步西園詩。一種東風兩樣心。

破費

蘇軾詩。破費八錢三十萬。大磨天子要經頭。

討飯

黃庭堅跋昭濟公詩。老禪延恩長老法安師。懷道避世。雖與錢林。亦法靈岳陽師。飯以討飯。發千言。問漢爲笑也。陳造詩。投荒忍死經人。鮓討飯。充腸上岳陽。

午飯

蘇轍漱玉亭詩。入瓶瀉春茶。白接竹寫廚午飯。煎香。

煮飯

東坡詩。破鑪煮飯茹三間。

留飯

梅堯臣詩：「日中將見陳留公，留飯具粗糲。」

半生半熟

魏野詩：「北都妓女，色而舉止，八我，是西州之熟。」
魏三：「因寇忠愍無笑語。」

半生半熟
未相諳

打魚打水打飯打船打車

字爾：「這舟車者，曰：『打之』。」
打船打車：「君子小人，曰：『打』。」
打水：「其水者，曰：『打』。」

水役夫餉
飯曰打飯

安頓

乾：「潘居安：『頓，殿前。』」
楊萬里詩：「客心未便無安頓。」

路費

使客語：「使純夫：『告省兩爲路費。』」
王禹偁詩：「路費無百錢。」

草鞋費

范成大：「不催與君成，一醉復何求。」
君草鞋費。

過了

蘇軾書：「參寥子詩：『寒食清明都過了。』」

錯到底

老學庵筆記：「宜和米，錯到底。」

可惡

陸游詩：「雨來紅鷓，更可惡。」

洗面

宋史：「蒲宗孟傳：『宗孟嘗大澡浴，洗面。』」

渴睡

穆田錄胡其漢呂

笑面

老學庵筆記人謂蔡

這箇

王安石詩祇緣疑這箇爲時百時恰公恨今時納

擔擱了

楊萬里詩秋月不羞人

安安

宋史岳飛傳湖廣

家裏

無恙不用詩但知家寫作行

變相

國畫見聞志

春忙

黃庭堅過昆陽詩

也得

續山野錄祖家潛日與趙學究王三遊人長安市陳搏同之陳其久日笑說得太

非渠不得

龍侗

集韻音籠統

齧飲

楊公筆錄俗謂大

歡彈子帆去聲齊子東野語余生長澤國每聞舟子呼遣帆曰歡以牽船之一索曰

成而無因帆呼提船索爲百丈趙氏注云百丈者牽船方艤內地謂之有宜所本陸放翁

年入蜀老憊舟人之詞神方悟杜詩長

渚代集韻步臥切娶去聲燕

色叫不歷史王德用召人兩府有色千薦者謂事理不相當也素

鼾睡之打側豈容他人鼾曰睡

則劇謂遊樂也朱子語類

黑甜輒飽酒墨客輒飽故東坡詩曰三杯里輒飽後一枕黑甜餘飲

默不語也范成大詩于戲答同參詩云我實是蘇州又曾作默

鶻突決謂人憤憤不曉事也見朱子語錄宋史呂端傳作灼艾集云葫蘆音候突內相

有甚意沒些巴鼻公謂之曰熙甯初有人自富貴沒些巴鼻迎鼻合作奸邪有甚意沒些巴鼻

鼻皆俗語也

銅臭釋常談將錢買官子謂之曰銅臭後漢崔烈有何重名靈帝時人盡嫌大五百銅臭拜司徒烈

杖擊之

裏頭空宋謠也諺裏蔣蔣外頭花豔裏頭空嘉定亦有外此頭閃電裏

骨董董雪錄骨董二字乃方言初先生語類亦作坡舊作骨

偉弁州山人藥宋時上梁文有兒郎

渠宋陳無已曰汝豈不知我不著渠家衣耶

通事唐帕通事南蕃海船謂之唐帕南方蠻語謂之名見禮記今北方謂之

程夢溪筆談莊子云程生焉皆觀程文字注秦人謂豹曰程予至

硬雨屋瓦皆碎呂居仁曰紹興初臨安大雨雹稱硬雨

泰山鄭鑑本義丈人謂之泰山元宗開元三十三年封禪於泰山一階一級惟鄭鑑使說封女禪

使女禪以對優至五品兼賜綈服此因大酺次元宗見鑑官位騰跳為怪而問之

嬖吳集韻呼母曰嬖

妮呼六書故今人

姁集韻區過切音區

爸集韻必駕切音霸吳人呼父曰爸

母母呂祖謙紫微雜記呂氏嫂爲母受膳房婢拜猶然見母母作房婢

大姊姊宋人呼嫡母爲大姊姊之於嫡母亦然宋高

沙家五代張康初人自稱人曰沙家即余家之近無余可證而轉韻字爲從余遮切音蛇姓也

波范成大吳船錄蜀中稱波

鐐子正字通宋仁宗遊後苑還宮索漿急宮嬪曰大家何曰鐐子外宣索而別稱

小底賤者之稱一說供役使者宋史有內廄爲小底又承應小

同庚墨客揮犀文廖博居洛日年七十八與和卿同席汝言十皆同庚歷歷可賦詩

孃孃母后也蘇軾龍川雜志仁宗孃

銃鑿二字彙補引語見黃山谷集

朶朶發前朶朶佳釵上玉

篩米見錄

散場見錄

脚甲日可割脚甲午

丁丁董董西綱志餘董宋臣樂丁丁大全用董事一日內宴雜劇一人專打董吾安得朴之曰

有董按丁意故晉評語謂人皆不瞭亮金玉等器相撞曰擊之聲然宋轉人爲去聲

老嫩然圖麗見野志畫花竹有西時景候陰陽向背符籙老嫩風情毫髮證

的當秦觀詩不因霜葉辭林

賤貨陳東消寶南土器詩楚玉非賤貨按

錯安頭 照天燭宋史李先安傳知信州南安軍撫楚州所至治官如家入目以便語

水晶燈籠宋史劉人驥傳臨事明銳政

薄餅從上揭、歐陽公事文類集劉龍圖事引諺、忍事敵災星、呂居仁官箴引諺、等人

易得久、瞋人易得醜、徐度却掃篇引石林公逮吳中俚語、雞寒上樹、鴨寒下水、陸游老學庵筆記引淮南諺、山水險阻、黃金子午、王伯厚地理通釋引諺、兜不上下頰、齊東野語引諺、謂人喜過甚、書三寫魚成魯、帝成虎、芥隱筆記引諺、常調官好做、家常飯好喫、獨醒雜誌引諺、學書者紙費、學醫者人費、蘇軾墨寶堂記引蜀諺、掘得窖子、

謂江南人作盤游飯下塹鮮臘膾炙、仇池筆記引里諺、

第二章 遼金元

第一節 概論

遼史言契丹部族。生生之資。仰給畜牧。績毛飲漚。以爲衣食。各安舊風。狃習勞事。不見紛華異物而遷。故家給人足。戎備整完。金史世宗嘗謂宰臣曰。朕嘗見女直風俗。迄今不忘。今之燕飲音樂。皆習漢風。非朕心所好。東宮不知女直風俗。第以朕故。猶尙存之。恐異日一變此風。非長久之計。他日與臣下論及古今。又曰。女直舊風雖不知書。然其祭天地。敬親戚。尊者老。接賓客。信朋友。禮意款曲。皆出自然。其善與古書

所載無異。爾輩不可忘也。又曰女直舊風。凡酒食會聚。以騎射爲樂。今則奕棋雙陸。宜悉禁止。令習騎射。金史食貨志言金起東海。其俗純實。可以返古。初入中夏。猶未大變。及其中葉。鄙遼儉朴。襲宋繁縟之文。是以國不永久。元史世祖本紀略謂元起朔漠。專以畜牧爲業。觀此可以知遼金元風俗之大概矣。

第二節 崇重忠義

元柯魯圖進宋史表曰。厥後瀛國歸朝。吉王航海。齊亡而訪王蠋。乃存秉節之臣。楚滅而論魯公。堪矜守禮之國。金史忠義傳序曰。聖元詔修遼金宋史。史臣議凡例。前代之臣。忠於所事者。請書之無諱。朝廷從之。此皆宋世以來。尊經儒重節義之效。其時之人心風俗。猶有三代直道之遺。不獨元主之賢明也。

第三節 好尚儒雅

元季士大夫。好以文墨相尚。每歲必聯詩社。四方名士畢集。讌賞窮日夜。其詩勝者。輒有厚贈。貫酸齋工詩文。所至士大夫從之若雲。得其片言尺牘。如獲拱璧。元史小

傳淮浦江吳氏。結月泉社。聘謝皋羽爲考官。春日田園雜興題。取羅公福爲首。懷麓堂詩話

松江呂璜溪。嘗走金帛。聘四方能詩之士。請楊鐵崖爲主考。第其甲乙。厚有贈遺。一

時文人畢至。傾動三吳。

四友齋叢說

又顧仲英玉山草堂。楊廉夫柯九思倪元鎮諸人。嘗

寓其家。流連觴詠。聲光映蔽江表。其他以名園別墅書畫古玩相尙者。更不一而足。如倪元鎮之清閨閣。楊竹西之不礙雲山樓。花木竹石。圖書彝鼎。擅名江南。後世猶豔稱之。獨怪有元之世。文學甚輕。當時有九儒十丐之謠。宜乎風雅之事。棄如弁髦。乃縉紳之徒。風流相尙如此。蓋自南宋以來。遺民故老。相與唱歎於荒江寂寞之濱。流風餘韻。久而弗替。遂成風會。固不繫乎朝廷之所好也。

第四節 人民之性質

金元取中原後。俱有漢人南人之目。金則以先取遼地人爲漢人。繼取宋河南山東人爲南人。元則以先取金地人爲漢人。繼取南宋人爲南人。然當時民族。最富於服從性。金史所謂燕人最卑賤。金人來則從金。宋人來則從宋。遼人來則從遼。崔立以汴城降

蒙古其黨竟爲立碑紀功。見金史王若虛傳。

趙雲崧廿二史劄記。所謂元時漢人。皆以蒙古名爲榮者是也。嗚呼。他不足論。燕人固古稱多慷慨悲歌之士者。瞻懷漸離。憑弔荆卿。筑聲慘烈。劍氣悲鳴。山河不殊。人物非故。曾幾何時。遂至於此。今之燕人。非所謂首善之區之民族耶。然自庚子一役。聯軍入京以還。懸順民之旗。獻德政之傘。屈意媚外。醜態百出。昔法相哥爾別爾之對魯易十四曰。國之大小。不以疆域而論。視其國民之品格何如。品格者。金城鐵壁。不可破也。今吾燕人之品格如此。能免爲外人所輕視乎。

第五節 方言

遼史國語解節略

鄉之小者曰彌里、郎君曰沙里、請曰射、有力曰虎斯、一人肩任曰擔、兩人共舁曰牀、討平曰奪里本、興旺曰耶魯盤、慈息曰窩篤盤、輔佐曰何魯盤、實大曰阿斯、孝曰得失得本、遺留曰監母、馬不施鞍轡曰韃、后土曰耨幹、母曰麼、酒尊曰撒刺、金曰女古、

玉曰孤襍、以白鷺羽爲綢曰白毡、亦曰白毡大、首曰捏褐耐、正月朔旦曰迺捏哱
哱、二月一日曰忤里耐、忤讀作狎、耐讀頗上巳日射兔之節、名曰陶里樺、重午日日討賽哱
哱、日辰之好曰賽哱哱奢、重九日日必里遲離、管率衆人之官曰撻馬狻沙里、統軍
馬大官曰夷离堇、會同初改爲大王典族屬官曰惕隱、參知政事曰夷离畢王、獄官曰選底
官、曰尅、掌文翰官曰林牙、諸官府監治長官曰詳穩、統軍官曰三尅、猶云三帥也諸部下
官曰梯里已、後陞司徒縣官曰達刺於、後陞副使縣官之佐曰麻都不、後陞爲令官府之佐史曰敝
史、扈從之官曰撻馬掌、馬官曰飛龍、使諸帳下官曰敝穩掌、禮官曰敝烈麻都、掌誥
命奏事官曰知聖旨頭子事、諸宮典兵官曰提轄司、工部曰廳房、虞人曰女孃、阿主、
父祖稱也、阿點、貴稱也、阿廬朶里、貴顯名也、夷离的、大臣夫人之稱也、暴里、惡人名
也、著帳、籍沒之戶也、

金史國語解節略

官稱

都勃極烈、總治官名、猶漢云冢宰、諸版勃極烈、官之尊漢貴者、國論勃極烈、尊禮優崇得自由者、胡魯勃極烈、統領官之稱、猛安、千夫長、謀克、百夫長、烏魯古、牧圉之官、斡里朶、官府治事之所、

人事

孛論、出胚胎之名、阿胡迭、長子、骨朶、季也、蒲陽溫、曰幼子、益都、次第之通稱、第九曰烏也、十六曰女魯歡、散亦孛、奇男子、撒答、老人、什古乃、瘖人、保活里、侏儒、阿里孫、貌不揚也、答不也、耘田者、阿土古善、採捕者、阿合、人奴也、兀朮、頭、粘罕、心、盤里合、將指、謾都譌、癡騃、謀良虎、無賴之名、賽里、安樂、迪古乃、來也、凡事之知者、曰后倫、習矢、猶人云常川也、

物象

兀典、明星、阿鄰、山、釜、曰閤母、刃、曰斜烈、金、曰按春、布囊、曰蒲盧渾、盆、曰阿里虎、罐、曰活女、烏烈、草廩也、沙刺、衣襟也、活臘胡、色之赤者也、

物類

恆端、松、孰輦、蓮、活离罕、羔、訛古乃、犬之有文者、斜哥、貂鼠、蒲阿、山雞、窩謀罕、鳥卵也、

姓氏

完顏、漢姓曰王、紇石烈、曰高、徒單、曰杜、兀顏、曰朱、蒲察、曰李、顏蓋、曰張、溫迪罕、曰溫、石抹、曰蕭、奧屯、曰曹、移刺、曰劉、幹勒、曰石、幹準、曰趙、阿里侃、曰何、抹顏、曰孟、朮虎、曰董、

元史八師巴傳

八師巴時、有國師膽巴者、其後又有必蘭納識里、及必蘭納識里之誅、有司籍之、得其人畜土田金銀貨貝錢幣、以及婦人七寶裝具、價值巨萬萬、若歲時祝釐禱祠之常號、目尤不一、有曰鎮雷阿藍納四、華言慶讚也、有曰亦思滿藍、華言藥師壇也、有曰捌思串卜、華言護城也、有曰朶兒禪、華言大施食也、有曰朶兒只列朶四、華言美

多金剛迴遮施食也、有曰察兒哥朵四、華言迴遮也、有曰籠歌兒、華言金輪也、有曰
暗朵四、華言作施食也、有曰出朵兒、華言出水濟六道也、有曰黨刺朵四、華言迴遮
施食也、有曰典朵兒、華言常川施食也、有曰坐靜、有曰魯朝、華言獅子吼道場也、有
曰黑牙蠻答哥、華言黑獄帝主也、有曰捌思江朵兒麻、華言護江神施食也、有曰赤
思古林捌、華言自受主戒也、有曰鎮雷坐靜、有曰吃刺坐靜、華言祕密坐靜也、有曰
斟惹、華言文殊菩薩也、有曰古林朵四、華言至尊大黑神迴遮施食也、有曰歇白咱
刺、華言大喜樂也、有曰必思禪、華言無量壽也、有曰覩思哥兒、華言白傘蓋呪也、有
曰收札沙刺、華言五護陀羅尼經也、有曰阿昔答撒答昔里、華言八十頌般若經也、
有曰撒思納屯、華言大理天神呪也、有曰闊兒魯弗卜屯、華言大輸金剛呪也、有曰
且八迷屯、華言無量壽經也、有曰亦思羅八、華言最勝王經也、有曰撒思納屯、華言
護神呪也、有曰南占屯、華言懷相金剛也、有曰卜魯八、華言呪法也、

武殺

謂太甚也、元人傳奇、武風流、武殺思、按白樂天、半開花時、西日慙、輕照東風、莫
殺吹、自注、殺沙去聲、音底、亦作煞、明楊升庵謂、京師語、大曰殺、大、高曰殺、高、即

今香糴曰殺能大殺能高也。今嘉定俗謂太甚曰武殺殺音沙去聲。香江西北及湖南謂太甚曰武如太遠曰武遠太緊曰武緊太遲曰武遲太長曰武長之類是也。

籠袖驕民

玉堂漫筆嘗見南園詞中已有此語。想是元時方言。不知是何等之役。

跳槽

元人傳奇謂魏明帝爲跳槽。按明帝納虞氏爲妃。及毛氏有寵而黜虞氏。其後魏郭夫人而毛氏亦愛弛。故云跳槽也。今娼家以嫖客他往爲跳槽。實本於此。

第三章 明

第一節 概論

顧亭林郡國利病引歛縣志風土論曰。國家厚澤深仁。重熙累洽。蓋綦隆矣。於時家給人足。居則有室。佃則有田。薪則有山。藝則有圃。催科不擾。盜賊不生。婚嫁依時。閭閻安堵。婦人紡績。男子桑蓬。臧獲服勞。比鄰敦睦。誠哉一時之三代也。豈特宋太平、唐貞觀、漢文景哉。詐僞未萌。訐爭未起。紛華未染。靡汰未臻。則正冬至以後春分以前之時也。馴至正德宗、嘉靖宗初。則稍異矣。土田不重。操貲交接。起落不常。能者方成。拙者乃毀。東家已富。西家已貧。高下失均。錙銖共競。互相凌奪。各自張皇。於是詐僞萌。訐爭起。紛華染。靡汰臻。此正春分以後夏至以前之時也。迨至嘉靖末隆慶宗。

間則尤異矣。宋富居多。本富益少。富者愈富。貧者愈貧。起者獨雄。落者辟易。資爰有屬。產自無恆。貿易紛紜。誅求刻覈。奸豪變亂。巨猾侵侔。於是詐僞有鬼蜮。訐爭有干戈。紛華有波流。靡汰有邱壑。此正夏至以後秋分以前之時也。迄今三十餘年。則更異矣。富者百人而一。貧者十人而九。江河日下。不堪設想。此正秋分以後冬至以前之時也。按此亦足見明代風俗之一斑矣。

第二節 仕宦驕橫

鄢懋卿恃嚴嵩之勢。總理兩淮河東鹽政。其按部常與妻偕行。製五彩輿。令十二女子舁之。見嚴傳張居正奉旨歸葬。藩臬以上皆跪迎。巡方御史爲之前驅。眞定守錢普創爲坐輿。前軒後室。旁有兩廡。各立童子給使令。凡用舁夫三十二人。所過牙盤上食。味逾百品。猶以爲無下箸處。普無錫人。能爲吳饌。居正甘之。曰。吾至此始得一飽。於是吳人之能庖者召募殆盡。居正傳夫以居正之賢。尙且如此。則汪直、嚴嵩、魏閹之驕橫。更無足異矣。嗚呼。明代官方之壞。一至此哉。

第三節 才子傲誕

明史文苑傳。吳中自祝允明、唐寅輩。才情輕豔。傾動流輩。放誕不羈。每出名教外。今按諸書所載寅慕華鴻山學士家婢。詭身爲僕。得娶之後。事露。學士反具資奩。締爲姻好。朝野異聞錄。文徵明書畫冠一時。周徵諸王。爭以重寶爲贈。玉堂叢話。甯王宸濠慕寅及徵明。厚幣延致。徵明不赴。寅佯狂脫歸。明史文苑傳。又桑悅爲訓導。學使者召之。吏屢促。悅怒曰。天下乃有無耳者。期以三日始見。僅長揖而已。王廷陳知裕州。有分巡過其地。稍凌挫之。廷陳怒。卽遣散士卒。不得祇應。分巡者窘而去。於是監司相戒勿入裕州。康德涵六十生日。召名妓百人爲百年會。各書小令付之。使送諸王府。皆厚獲。謝榛爲趙穆王所禮。王命賈姬獨奏琵琶。歌其所作竹枝詞。歌罷。卽飾姬送於榛。大河南北。無不稱謝榛先生者。俱見神史彙編。此等恃才傲物。跼蹢不羈。宜足以取禍。乃聲光所及。到處逢迎。不特達官貴人。傾接恐後。卽諸王亦以得交爲幸。若惟恐失之。可見明中葉世運昇平。物力豐裕。故文人學士。得以跌蕩於詞場酒海間。亦一時盛事也。

第四節 勢豪虐民

前明一代風氣。不特地方有司。私派橫征。民不堪命。而搢紳居鄉者。亦多倚勢恃強。視細民爲魚肉。上下相護。民無所控訴也。楊士奇傳。士奇子稷居鄉。嘗侵暴殺人。言官交劾。朝廷不加法。以其章示士奇。又有人發稷橫虐數十事。乃下之理。士奇以老病在告。天子不忍傷其意。降詔慰勉。士奇感泣。遂不起。是時士奇方爲首相。而其子至爲言官所劾。平民所控。則其肆虐已極可知也。梁儲傳。儲子次攄爲錦衣百戶。居家與富人楊端爭民田。端殺田主。次攄遂滅端家一百餘人。武宗以儲故。僅發邊衛立功。朝野異聞錄。又載次攄最好束人臂股。或陰莖使急迫。而以針刺之。血縷高數尺。則大叫稱快。此尤可見其恣虐之大概矣。蕉芳傳。芳治第宏麗。治作勞數郡。是數郡之民皆爲所役。姬文允傳。文允宰滕縣。白蓮賊反。民皆從亂。文允問故。咸曰禍由董二。董二者。故延綏巡撫董國光子。居鄉暴橫。民不聊生。故被虐者至甘心從賊。則其肆虐更可知也。瑯琊漫鈔。載松江錢尙書治第。多役鄉人。磚甃亦取給於役者。有

老傭後至。錢責之。對曰。某擔白黃瀚墳。路遠故遲耳。錢益怒。答曰。黃家墳亦吾所築。其磚亦取自舊塚。勿怪也。此又勢家役民故事也。其後崑山顧秉謙附魏忠賢得入閣。忠賢敗。秉謙家居。崑民焚掠其家。秉謙竄漁舟以遁。秉謙傳時秉謙已失勢。其受侮或不足爲異。至於宜興周延儒方爲相。陳于泰方爲翰林。二家子弟暴邑中。宜興民至發延儒祖墓。又焚于泰于鼎墓。延儒傳王應熊方爲相。其弟應熙橫於鄉。鄉人詣闕擊登聞鼓。列狀至四百八十餘條。贓一百七十餘萬。其肆毒積怨於民可知矣。溫體仁當國。唐世濟爲都御史。皆烏程人。其鄉人盜太湖者以兩家爲奧主。兵備馮元鵬捕得其魁。則世濟族子也。元鵬傳是縉紳之族且庇盜矣。又有投獻田產之例。有田產者。爲姦民竊而獻諸勢要。則悉爲勢家所有。天順中曾鞏爲山東布政使。民墾田無賦者。姦民指爲閒田。獻諸戚畹。鞏斷還民。見李衆傳河南瀕黃河。淤地民就墾。姦民指爲周王府屯場。獻王邀賞。王輒據而有之。原傑請罪獻者。并罪受者。原傑傳戒庵漫筆。嘉定青浦間。有周星卿者。素豪俠。一寡婦薄有資產。子方幼。其姪陰獻其產於勢家。勢

家方坐樓船鼓吹至閬莊。星卿不平。糾強有力者突至索鬪。乃懼而去。訴於官。會新令韓某。頗以扶抑爲己任。遂直其事。此亦可見當時獻產惡習。此一家因周星卿及韓令得直。其他小民被豪佔而不得直者。正不知凡幾矣。

第五節 官民交通

部民乞留者。如周舟、胡夢通、郭伯高、李思進、高彬、劉郁、紀惟正之坐事當逮。而民詣闕言多善政。余彥誠、鄭敏等十人之坐事下獄。而耆民列政績以聞。見傳况鍾之丁憂。陳本深之滿秩。而民乞留。皆獲允許。後郭瑾爲吏部尙書。慮其中有妄者。請核實。從之。自是遂爲例。見各本傳宣宗因劉迪、王聚之邀吏民保留。自後部民乞留者。率下所司核實。蓋久則弊生。部民不盡可信。而爲劉迪、王聚者正多也。且唐時已有驅迫人吏上言政績。請刊石紀德者。三代之直道不存。往往以一二媚官者私人之感情。而爲乞留頌德之舉。重以貪官污吏。復從而賄囑之。私託之。遂使民不能見信於上。而民情不得上達。循良之績。亦多壅於上聞。致可慨已。

第六節 奸豪胥役與詞訟

彰德府安陽縣。軍校雜民而居。易犯法。逮之輒匿。頗稱難治。武安涉皆並山作邑。民性健武喜訟。（蘇州風俗傾險狡悍。往往上官欲察州里之豪。不能不假耳目。而奸人常爲之窟。欲中害人者。陰行賄賂。置怨家其中。羅織罪狀。暗投陷阱。及對簿。上之人雖心知其冤。終不得釋。其人揚揚然謂執一縣生死之柄。上至長吏。猶或陰持短長。伺間肆螫。名曰訪行。市井惡少。恃勇力辯口。什伍爲羣。欲侵暴人者。輒陰賂之。令於怨家所在。陽相觸忤。因羣毆之。則又誣列不根之辭。以其黨爲證佐。非出金帛謝之。不得以解。名曰打行。告訐成風。一家有事。里中卽成黨。連數十人爲一黨。連數十事爲一詞。非必眞負冤抑。特爲魚肉之以爲利耳。名曰連名投呈。睚眦之憾。或先有借貸邂逅。一家之內有死者。輒以告官禁喪。不服則求檢驗。檢驗則無不破家矣。其所謂人命。無眞假。祇在原告不肯罷。）（江東之人與竈戶雜居。黠者欲侵愚弱。輒以竈籍訟之運司。運司懸隔數百里。一經勾攝。親友哭別。如赴市曹。旣至。私幽之假處。

進無對簿之期。退乏饗殮之資。動延歲月。多縲絏以死者。漕折以來。田價倍增。故民間訟事。多起於贖田。既經明禁。又不得言田事。則擴爲游詞。無一語及田。而良民不習置對。不能與辨。或有妻子拭淚而還契券者。若其人能自置於官。則誣告者往往抵罪。蓋亦有兩家俱破者。浙江永康縣。健訟之風尤甚。民間稍失意則訟。訟必求勝。不勝必翻。訟之所爭甚微。而枝蔓相牽。爲訟者累十數事不止。每越訴會城。人持數詞。於巡院則曰豪強。於鹽院則曰興販。於戎院則曰理侵。於藩司則曰侵欺。於臬司則曰人命強盜。於水道通則曰淤塞。隨所在編投之。惟覲准理。卽設虛坐誣不恤。而被訟者且破家矣。又如民之陰鷙而黠者。上不能通經學。下不能安田畝。以其聰明試於刃筆。捏輕爲重。飾無爲有。一被籠絡。牢不可出。凡健訟者爲害。皆此輩尸之也。人有指斥其惡者。卽以他詞中之。卽有司且有拘制上下。莫之誰何者矣。是曰起滅。城中揭保戶。與訟家爲地隣。每偏相佐佑。至爲陳稟以亂是非。或伺而遮之。俾其情不得上達。稍與抗則結衆毆辱之。使負屈而去。故人家有事。必重賄揭保之桀黠。

者以爲羽翼。蓋未至於庭。而所費固已不貲。貧弱每因此受重困。是曰扛幫。九江之訟。至無情者。惟盜與殺。訟殺者。必令其負屍而驗之。市人及邑門。郊人及郭門。驗弗踰日。弗委任。驗傷與陳牒合。則理之。虛而不合。則存其詞而籍之。以證再訟。令之職也。其訟盜也。本竊而詞以劫者。未竊而詞以劫者。舍盜而指其讎者。與盜通而誣人以貨者。捕之與盜市者。捕之噬人者。告盜而與盜解而自息者。公舉盜而以爲私者。保往盜而以爲私者。不可枚舉。郡國利病李維楨參政遊樸大政紀略曰。沔陽州士大夫。散處四境。視州城如寄。其始與臺伍伯之屬。至微細耳。交關曹椽爲奸利。羽翼成而膽勢益壯。小民有訟。賄豪爲居間。其有拳勇者。任受刑。桀黠者。任對簿。無不捷矣。所得賄賂日益富。則使其徒爲州胥吏。已爲郡胥吏。又以其賂通監司。若兩臺之爲胥吏者。兩臺耳。日寄六十五郡司理。又以其賂通六十五郡司理。偵事有朋。隨地構會。陰操州長吏幕短長。所不便予下考。千里之外。其應如響。卽士大夫惴惴懼不免。而不肖者。欲有所甘心。或陰回之。於是視士大夫州長吏蔑如。卽郡若監司若兩臺。

且玩弄股掌之上。長吏至且與爲賓主禮。仰其鼻息。舞文犯科。不可窮詰。歲加州賦數千金以實其橐。若固有之。夫紀綱風俗之敝壞。莫甚於楚。楚尤莫甚於我郡。自江陵敗。大臣往往爲係纍。堂廉冠履。陵夷殆盡。士大夫垂首結舌。吏無所忌憚。城狐社鼠。又從而爲之釜鬻。情日壅塞。權日旁落。威日假借。而橫民出焉。其種有六。曰土豪。曰市猾。曰訟師。曰訪窩。曰主文。曰偷長。梗枝窟火。常相通爲用。如荆門豪。兼六者而有之。其黨以千計。其衆以萬計。功繁拜請。妖訛洶沸。遠則楚之六十五郡。近則輦轂力折權行。豈一朝一夕之故哉。

第七節 結社

社之名起於古之國社里社。故古人以鄉爲社。大戴禮。千乘之國。受命於天子。通其四鄉。教其書社。管子。方六里名之曰社。今河南太原青州鄉鎮。猶以社爲稱。是也。左傳。昭二十五年。齊侯。昭公曰。自葛藟以。西。請置千社。注。二十五家爲社。千社二萬五千家。哀公十五年。齊與衛地。舊社五百。晏子。景公與魯君。地山陰。數百社。呂氏春秋。越王。請以書社三百。封壘子。又古者春秋祭社。一鄉之人。無不會聚。三國志。蔣濟爲太尉。嘗與桓

範會社下。是也。漢書五行志、兗州刺史浩賞、禁民私所自立社。臣瓚曰。舊制二十五家爲社。而民或十家五家爲田社。是私社。隋書禮儀志、百姓二十五家爲一社。其舊社及人稀者不限。然後人聚徒結會亦謂之社。萬厯之末。士人相會課文。各立名號。亦曰某社某社。崇禎中。陸文升奏。訐張溥等復社。至奉旨察勘。在事之官多被降罰。考宋史薛顏傳。耀州豪姓李甲結數十人。號沒命社。曾鞏傳。章邱民聚黨村落間。號霸王社。石公弼傳。揚州羣不逞爲俠於閭里。號亡命社。而隋末譙郡賊。有黑社白社之名。元泰定帝亦禁民結扁擔社。想明時士人。必別有取義也。天啟以後。士子書刺往來。社字猶以爲汎。必曰盟。曰社盟。其遼史之所謂刺血友乎。

第八節 風節

明自中葉以後。士大夫峻門戶而重意氣。其賢者敦厲名節。居官有所執爭。卽清議翕然歸之。然建言者分曹爲朋。率視閣臣爲進退。依附取寵。則與之比。反是則爭。比者不容於清議。而爭則名高。於是一時端揆之地。遂爲抨擊之叢。故當時不患其不

言。患其言之冗漫無當。與其心之不能無私。言愈多而國是愈淆也。但其中公是非自在。亦不可盡委之沽直好事耳。至若海瑞、邱橐、呂坤、郭正域、盧洪春、馬經綸、趙南星、鄒元標、孫慎行、高攀龍、馮從吾、楊漣、左光斗、魏大中、周朝瑞、袁化中、顧大章、王之案等。守正不阿。直言不諱。其風節之愈峻者。其受禍愈烈。與東漢季年若出一轍。明社之屋。基於此矣。

第九節 朋黨

成弘以上。學術純而士習正。其時講學未盛也。正嘉之際。王守仁聚徒於軍旅之中。徐階講學於端揆之日。流風所被。傾動朝野。於是搢紳之士。遺佚之老。聯講會。立書院。相望於遠近。而名高聲謗。氣盛招尤。物議橫生。黨禍繼作。乃至衆射之的。咸指東林。甘陵之部。洛蜀之爭。不烈於是矣。顧憲成、顧允成、錢一本、于孔兼、史孟麟、薛敷教、安希范、劉元珍、葉茂才、諸人。清節矯脩。爲士林標準。雖未嘗激揚標榜。列君宗、顧、俊、之目。而負物望者引以爲重。獵時譽者資以梯名。附麗游揚。亦不免薰蕕猥雜焉。魏

允中、王國、余懋衡、皆以卓犖宏偉之概。爲衆望所歸。李三才、英邁豪俊。傾動士大夫。皆負重名。當時黨論之盛。數人者實爲之魁。而李植、江東之、湯兆京、金士衡、王元翰、孫振基、丁元薦、李朴、夏嘉遇、等。尤風節自許。矯首抗衡。意氣橫厲。抵排羣枉。大要君子小人日相水火。而搢紳之禍。遂烈於前古矣。

明史閹黨列傳總序曰。明代閹宦之禍酷矣。然非諸黨人附麗之。羽翼之。張其勢而助之攻。虐燄不若是之烈也。中葉以前。士大夫知重名節。雖以王振、汪直之橫。黨與未盛。至劉瑾竊權。焦芳以閣臣首與之比。於是列卿爭先獻媚。而司禮之權居內閣上。迨神宗末年。訛言朋興。羣相敵讐。門戶之爭。固結而不可解。凶豎乘其沸潰。盜弄太阿。黠桀渠儉。竄身婦寺。淫刑痛毒。快其惡直醜正之私。衣冠填於狴犴。善類殞於刀鋸。迄乎惡貫滿盈。亟伸憲典。刑書所麗。迹穢簡編。而遺孽餘燼。終以覆國。莊烈帝之定逆案也。以其事付太學士韓爌等曰。忠賢不過一人耳。外廷諸臣附之。遂至於此。其罪何可勝誅。痛乎哉。患得患失之鄙夫。其流毒誠無所窮極也。然則搢紳之受

禍。又未嘗不因一二士大夫之自墮氣節。始而假借小人。繼而爲小人所用。終而比附小人。以致正氣掃地。大喪國家之元神也。

第十節 忠義

從古忠臣義士。爲國捐生。節炳一時。名垂百世。歷代以來。備極表章。尙已。明太祖創業江左。首褒余闕、福壽。以作忠義之氣。至從龍將士。或功未就而身亡。若豫章康郎山兩廟。及雞籠山功臣廟。所祀諸人。爵贈公侯。血食俎豆。侑享太廟。卹錄子孫。所以褒厲精忠。激揚義烈。意至遠也。建文之變。羣臣不憚膏鼎鑊。赤姻族。以抗成祖之威稜。雖表忠一錄。出自傳疑。亦足以知人心天性之不泯矣。仁宣以降。重熙累洽。垂二百餘載。中間如交趾土木之變。宸濠之叛。以暨神熹兩朝。邊陲多故。湛身殉難者。未易更僕數。而司勳褒恤之典。悉從優厚。或所司失奏。後人得自陳請。故節烈之績。咸得顯暴於時。迨莊烈之朝。運丁陽九。時則內外諸臣。或殞首封疆。或致命闕下。蹈死如歸者尤衆。明史忠義傳序。

第十一節 衣服

顧氏炎武日知錄漢書五行志曰。風俗狂慢。變節易度。則爲剽輕奇怪之服。故有服妖。余所見五六十年。服飾之改變。亦已多矣。故錄其所聞。以示後人焉。豫章漫鈔曰。今人所戴小帽。以六瓣合縫。下綴以簷。如簷。閩憲副閔謂予言。亦太祖所製。若曰。六合一統云爾。楊維禎廉夫以方巾見。太祖問其製。對曰。四方平定巾。上喜。令士人皆得戴之。商文毅用白編氓。亦以此巾見。太康縣志曰。國初時。衣衫褶。前七後八。宏治間。上長下短。褶多。正德初。上短下長。三分之一。士夫多中停冠。則平頂高尺餘。士夫不減八九寸。嘉靖初服。上長下短。似宏治時。市井少年帽尖長。俗云邊鼓帽。宏治間。婦女衣衫。僅掩裙腰。富者用羅緞紗絹織金彩通袖。裙用金彩膝襪。髻高寸餘。正德間。衣衫漸大。裙褶漸多。衫惟用金彩補子。髻漸高。嘉靖初。衣衫大。至膝。裙短褶少。髻高如官帽。皆鐵絲胎。高六七寸。口周回尺二三寸餘。內邱縣志曰。萬厯初。童子髮長。猶總角。年二十餘始戴網。天啓間。則十五六便戴網。不使有總角之儀矣。萬厯初。庶

民穿脫鞞。儒生穿雙臉鞋。非鄉先生首戴忠靖冠者。不得穿邊雲頭履。云。原法俗至今。日而門快輿皂。無非雲履。醫卜星相。莫不方巾。又有晉巾、唐巾、樂天巾、東坡巾者。先年婦人。非受封不敢戴梁冠。披紅袍。繫拖帶。今富者皆服之。又或著百花袍。不知創自何人。萬厯間遼東興冶服。五彩炫爛。不三十年而遭屠戮。茲花袍幾二十年矣。服之不衷。身之災也。兵荒之咎。其能免歟。

太祖實錄。洪武二十六年。禁官民步卒人等服對襟衣。惟騎馬許服。以便於乘馬故也。其不應服而服者罪之。明末之罩甲。卽對襟衣也。戒庵漫筆云。罩甲之制。比甲稍長。比襖減短。正德間創自武宗。明末士大夫有服者。按說文無袂衣。謂之褱。趙宦光曰。半臂衣也。武士謂之蔽甲。方俗謂之披襖。小者曰背子。卽此製也。魏志楊阜傳。阜嘗見明帝著帽披縹綾半袖。問帝曰。此於禮何法服也。則當時已有此製。

第十二節 喪葬

蘇州喪葬之家。置酒留客。若有嘉賓。喪車之前。綵亭綉帳。炫耀道途。聊誇市童。不顧

雅道。河南磁州之武安涉兩邑。人死則舉尸瘞室中。篤修佛事。臨淄自古爲都會。承富庶之風。陵冢隆阜。葬埋皆奢。然卒致後來發掘之禍。如晉曹疑爲青州刺史。發齊桓公及管仲墓。尸並不朽。繒帛萬正。珍寶巨萬。內有二尊。形如牛象。皆古之遺器。是也。諺傳臨淄多古物。蓋本於此。大概銅器僅有存者。火葬之俗。自宋時已盛行於江南。至明而移於浙江。顧氏亭林痛詆其俗。黃汝成氏亦謂非仁人孝子之存心。

奪情之典。不始於李賢。然自羅倫疏傳誦天下。而朝臣不敢以起復爲故事。見明史羅倫傳

傳顧亭林云。三代聖王教化之事。其僅存於今日者。惟服制而已。喪亂以來。浸以廢墜。竊謂父母之喪。自非兵革不得起復。然則明之起復。多有不以兵革者矣。起復者。喪制未終。勉其任用。所謂奪情起復者也。如歐陽公晏殊神道碑。明年遷著作佐郎。丁父憂去官。已而眞宗思之。卽其家起復爲淮南發運使。及史嵩之喪父。經營起復。是也。今人不考。例以服闋爲起復。誤矣。

第十三節 淫祀與巫覡

天下郡國利病書曰。山西忻州郡境。村落約三百許。皆有梵寺數楹。最小者亦斗室供奉香火。貧民爲僧。傭作者挈妻傍居。流倡僦居僧舍。與僧諧狎。藉資衣食焉。河南磁州之武安涉兩邑。皆尙鬼。賽禱淫祀。有病惟事祈禳。湘楚之俗尙鬼。自古爲然。少隲之衰。九黎亂德。民神雜糅。湘楚爲三苗舊日根據之地。其尙鬼固自無怪。然其淫祀日多。有最可笑者。衡州人賽盤古。病及讎怨。重皆禱祀。今誤作盤鼓。賽之日。巫者以木爲鼓。圓徑斗一握。中小而兩頭大。如今之杖鼓。四尺者謂之長鼓。二尺者謂之短鼓。巫有縵帛。長二三丈。畫自盤古而下。三皇及諸神。靡所不有。是日以帛三皇五帝。盡懸之長竿。鳴鑼擊鼓吹角。巫一人以長鼓遶身而舞。兩人復以短鼓相向而舞。昔所許若干會。爲所舞之節。隨口而唱。無復本據。讎怨重者。夜至野池滅燈燭。謂之盤黑鼓。每鼓罷一會。則恣口飲食。極其村野。鄉俗合二三十家。共祀一大王神。其神或以其山。或以其陂澤。或以其地所產之物而得名。輒加以聖賢帝王公相之號。如愚家溪田所祀云。平生相公大王祠下。城外敝居所祀云。南平水東三聖公王祠下。

其他如高山楊甫大王祠。詢之云。其山多產椒土硃。大王祠其地產紅土。其他不能枚舉。愚憶惟天撫世曰王。主宰天下曰帝。大而化之曰聖。復而執焉曰賢。首五爵以無私爲德曰公。長六卿輔其君曰相。今乃妄亂稱呼。甚至加之土地所產之物。其爲訛妄不經。莫此爲甚。又其俗事女神。每家畫一軸神。分班而坐。多不可數。中標題云。家居侍奉李家天子三樓聖賢神仙。兩旁題云。三千美女。八百妓娥。歲晚用巫者鳴鑼擊鼓。男作女妝。始則兩人執手而舞。終則數人牽手而舞。從中翻身輪作觔斗。或以一人仰臥。衆人觔斗從腹而過。亦隨口唱歌。黎明時起。竟日通宵而散。夫女子本以柔弱之質。死而爲神。如節婦烈女。庸或有之。他不盡然也。今云李家天子三樓聖賢。何所據哉。可一笑也。又如師巫盜竊廟中神像首。以爲魘魅。收陰兵以作下壇。書符篆以爲廟中青筒。鄙俗怪誕。不可盡書。又青山侍郎行祠。其所祀無所考。或云爲南嶽六部之一。故云侍郎行祠。愚意侍郎之名。起於近古。周之六典建官。周禮有六部之名。嶽山與天地相爲終始。明朝正其號。曰衡山之神。又焉有部。則自六典未建

守岳貢。正首事者以法。并禁演戲。此風始息焉。上杭縣志曰。汀俗夙稱尙鬼。而杭邑巫覡。裝魔設醮。建壇郊外。金鼓達旦。名爲做大翻。如是者三日夜。男女喧闐。羣趨壇所。婦之不孕者。惑其說。解袒服付巫者。名爲斬煞。以煞去而身可孕也。知縣蔣廷銓。就壇所擒其爲首者數人。痛懲之。其風始息。嗚呼。今之淫祀巫覡。遍於天下。然禁之者幾人哉。

第十四節 奴婢

明時士大夫之僕。率以色而升。以妻而寵。若嚴分宜之僕永年。號曰鶴坡。張江陵之僕游守禮。號曰楚濱。不但招權納賄。而朝中多贈之詩文。儼然與搢紳爲賓主。名號之輕。文章之辱。至斯而甚。厥後媚閹建祠。卽此爲之嚆矢焉。顧亭林曰。人奴之多。吳中爲甚。仕宦之家。有至一二千人者。其專恣橫暴。亦惟吳中爲甚。有王者起。當悉免爲良民。而徙之以實遠方空虛之地。士大夫家所用僕役。並令出貲雇募。如江北之例。則橫豪一清。而四鄉之民得以安枕。其爲士大夫者。亦不受制於人。可以勉而爲

善。訟簡風純。其必自此始矣。

第十五節 賭博

萬厯之末。太平無事。士大夫無所用心。間有相從賭博者。至天啓中始行馬弔之戲。而明末之朝士。若江南山東。幾於無人不爲。誠有如韋昭論所云。窮日盡明。繼以脂燭。人事曠而不修。賓旅闕而不接者。吁。可異也。金史刑志。大定八年制。品官犯賭博。法杖。曰杖者。所以罰小人也。既爲職官。而無廉恥。故以小人之罰罰之。明律。犯賭博者。皆文官革職爲民。武官革職。隨舍餘食糧差操。亦此意也。但百人之中。未有一人坐罰者。上下相容。而法不行故也。唐書。楊國忠以善樛蒔得入供奉。常後出。專主蒔薄計算。鈎畫分銖不誤。帝悅。曰。度支郎才也。卒用之而敗。元宗末年荒佚。遂以小人而乘君子之器。此亦國家之妖孽也。唐宋璟爲殿中侍御史。同列有博於臺中者。將責名品而黜之。博者惶恐自匿。後爲開元賢相。而史言唐文宗切於求理。每至刺史面辭。必殷勤戒勅曰。無嗜博。無飲酒。內外聞之。無不悚息。然則勤吏事而糾風愆。乃

救時之首務矣。明之士大夫。不慕宋璟而學楊國忠。其官方之壞極矣。山堂考索。宋大中祥符五年二月丁酉。上封者言。進士蕭玄之本名琉。嘗因賭博抵杖刑。今易名赴舉登第。詔有司召玄之詰問。引伏。奪其敕。贖銅四十斤。遣之。宋制之嚴如此。明之進士。竟有以不工賭博爲恥者。遼史穆宗應歷十九年正月甲午。與羣臣爲葉格戲。解曰。宋錢僖公家有葉子揭格之戲。而其年二月乙巳。卽爲小哥等所弑。君臣爲謔。其禍乃不旋踵。此不祥之物。而士大夫終日執之。其能免於效尤之咎乎。宋史太宗紀。淳化二年閏月己丑。詔犯蒲博者斬。元史世祖紀。至元十二年。禁民間賭博。犯者流之北地。刑亂國用重典。固當如此。按宋書王景文傳。爲右衛將軍。坐與奉朝請毛法因蒲戲。得錢百二十萬。白衣領職。劉康祖傳。爲員外郎十年。再坐樗蒲戲。免。南史王盾傳。爲司徒左長史。坐招聚博徒。免官。晉陶侃勤於吏職。終日斂膝危坐。閫外多事。千緒萬端。罔有遺漏。諸參佐或以談戲廢事者。命取其酒器蒲博之具。悉投於江。將吏則加鞭朴。卒成中興之業。爲晉名臣。夫以六朝尙清談詼諧之時代。賭博之事。

幾爲社會上人人必須之知識技能。而猶或引爲官箴之玷。近今士大夫朝夕不離麻雀。公事廢弛。不但無人議其非。而且以此爲應酬官僚。交結權勢。弋取虛譽。營謀差使之專門學問焉。亦可恥也。

第十六節 拳搏

拳搏之字。見於詩與春秋。

詩無錡。無錡。春秋僖二十八年傳。晉侯夢與楚子搏。

而其術濫觴於蚩尤之以角觝

人。秦漢之時。乃有角觝之戲。應劭漢書武帝本紀注。角者。角技也。觝者。相觝觸也。文

穎曰。兩兩相當。角力角技。藝射御也。而漢魏時人謂手搏亦曰弁。或謂之卞。或謂之

抃。

漢書哀帝紀。贊時覽卞射武戲注。蘇林曰。手搏爲卞。角力爲武。戲也。左思吳都賦。抃射壺博注。孟康曰。卞。手搏。漢書甘延壽傳。試弁爲期門。以材力愛幸注。孟康曰。

弁。手搏也。

唐時猶謂之角觝。

振武軍節度王卞。常於晏後命角觝。宋以來始謂之拳術。蓋有一人自鄴州來。較力見玉堂閒話。

拳術之流行。自宋以來始盛。宋太祖少林僧張三峯。皆以拳術著名者也。明洪武初。

歐千斤以善搏授太倉衛百戶。

太倉州志。

後邊澄、張松溪、亦以拳術顯。甯波府志曰。邊澄

聞少林寺僧以搏名天下。託身居炊下者三年。遂妙悟搏法。正德宗武間倭人來貢。有

善鎗者。聞澄名求一角。太守張津許之。召至遂勝。倒十餘輩。澄又曾應募至京宇演武場。以挺勝北兵雙刀。張松溪善搏。師法十三老法。其法自言起於宋之張三峯。三峯爲武當丹士。徽宗召之。道梗不前。夜夢元帝授之拳法。厥明以單丁殺賊百餘。遂以絕技名於世。由三峯而後。至嘉靖^世時。其法遂傳於四明。而松溪爲最著。曾一勝少林僧。夫松溪之術。至可以勝少林僧。其精妙可想而知。故甯波府志又謂（拳術有內家外家之分。外家則少林爲勝。其法主於搏人。而跳踉奮躍。或失之疎。故往往得爲人所乘。內家則松溪之拳爲正。其法主於禦敵。非遇困厄不發。發則所當必靡。無隙可乘。故內家之術爲尤善。其搏人必以其穴。有暈穴。有啞穴。有死穴。其敵人相其穴而輕重擊之。或死或暈或啞。無毫髮爽者。其尤祕者則有敬、緊、徑、勤、切五字訣。非入室弟子不以相授。蓋此五字。不以爲用而所以神其用。猶兵家之仁、信、智、勇、嚴云。）然拳術是尙武精神之一端。而爲武備上不可少之事。戚氏紀效新書論之詳矣。其言曰。（拳法似無預於大戰之技。然活動手足。慣勤身體。此爲初學入藝之門。

也。故存之以備一家。學拳要身法便利。手法活便。腳法輕固。進退得宜。腿可飛騰。而其妙也。顛番倒插。而其猛也。披壁橫拳。而其快也。活捉朝天。而其柔也。知當斜閃。故擇其拳之善者三十二。勢勢相承。遇敵制勝。變化無窮。微妙莫測。窈焉冥焉。人不得而窺者。謂之神。俗云拳打不知是迅雷不及掩耳。所謂不招不架。只是一下。犯了招架。就有十下。博學廣記。多算而勝。古今拳家。宋太祖有三十二勢長拳。又有六步拳、猴拳、圈拳、名勢。各有所稱。而實大同小異。至今之溫家七十二行拳。三十六合鎖。二十四棄探馬。八閃番十二短。此亦善之善者也。呂紅八下雖剛。未及錦張短打。山東李半天之腿鷹爪。王之拿千跌。張伯敬之打。少林寺之棍。與青田棍法相兼。楊氏鎗法。與巴子拳棍。皆今之有名者。雖各有所長。各傳有上而無下。有下而無上。就可取勝於人。此不過偏於一隅。若以各家拳法兼而習之。正如常山蛇陣法。擊首則尾應。擊尾則首應。擊其身而首尾相應。此謂上下周全。無有不勝。大抵拳棍刀鎗。釵鈹劍戟弓矢鈎鐮挨牌之類。莫不先由拳法。活動身手。觀戚氏此言。知拳搏之

中國風俗史 第四編 由浮靡而趨敦樸時代

關係於武備者甚大也。

中國風俗史 第四編 由浮靡而趨敦樸時代

關係於武備者甚大也。